

UNIVERSITY OF EDUCATION, WINNEBA

NSAKRAE A ABA AKWAMUFO AYIYE MU



CECILIA OFOSUA ODAME

2017

UNIVERSITY OF EDUCATION, WINNEBA

NSAKRAE A ABA AKWAMUFO AYIYE MU



Mede dwumadi yi hye Akan-Nzema Kasasua Asoɛe a ewɔ Simpa Suapɔn (UEW) nsa, na anam so akodu suapɔn ne fa a ehwe masafo adesua so hɔ, senea ebɛboa ama manya abodin krataa wɔ adwenemusem mu abodin afi Simpa Suapɔn mu.

Oforisuo, 2017

PAEMUKA

OSUANI PAEMUKA

Me, Cecilia Ofosua Odame pae mu ka se, saa dwumadi yi, se mede nea nkurofo a mabobo won din wo dwumadi yi mu to nkyen a, nea aka nyinaa ye m'ankasa (me nsa ano) adwuma. Obiara nyee emu fa anaa mua bi se ode repe abodin wo baabiara.

Nsa ano Din

Da



OHWEFO PAEMUKA

Mepae mu ka se, me na mehwee dwumadi yi so tentenn no senea Simpa Suapon akwankyere a wofa so de tenten tiisisi dwumadi te no.

Ohwefo Din

Nsa ano Din


Da

ASEDA

Meda Onyankopɔn ase se ɔdom me nyansa a mede akyerɛw me dwumadi yi. Mede aseda pepeankoma ma me hwɛsoni, Dr. Charles Owu-Ewie wɔ ɔdɔ ne abotare a onya maa me wɔ dwumadi yi kyerɛw mu. Ono na ɔhwe kenkan dwumadi yi mu san tentenn mfomso biara a ɛwom ma dwumadi yi abedu saa mpɛmpenso yi. Nea mesɛ ne se, Onyame mma no nkwa tenten, nyansa ne ahooden wɔ ne nkwanna nyinaa mu. Ɛnam n'afutupa, n'akwankyerɛ ne n'atenten so na yehu dwumadi yi.

Ne korakora no, meda Nana Asiamah, Akoto Emmanuel, Mr. Kyei ne Maame Christiana Boakye a wɔkyere ade wɔ WESCO ne Auntie Maggie a ɔkyere ade wɔ Kibi Akyerɛkyerɛfo Ntetebea ase yiye wɔ mmoa a wɔde boaa me wɔ mpaebo mu. Mise, Onyankopɔn nhyira wɔn pii.

Meda wɔn a mantumi ammɔ wɔn din wɔ nhoma yi mu nanso wotumi boaa me wɔ kwan bi so nyinaa ase.



DINTO

Mede dwumadi yi hye me hokafo Enoch Adjei Darko ne me mma, Theophilus Danso

Agyei, Yaw Amardi ne Caleb Odame Adjei ne me nuanom nyinaa anuonyam.



EMU NSEM

Paemuka	ii
Aseda	iii
Dinto	iv
Emu Nsem	v
Apon ne Mfoni ahorow a mede dii dwuma	viii
Nhyenmu	ix

ƆFA BIAKO

NNIANIM

KRATAFA

1.0	Nnianim	1
1.1	Dwumadi yi Nnyinaso	1
1.2	Ɔhaw no Gyinaesi	3
1.3	Dwumadi yi Botae	3
1.4	Dwumadi yi ho Nsemmissa	3
1.5	Ɔhaw a Mihyiaa wɔ Dwumadi yi mu	4
1.6	Beae a Nhwewemu yi kɔpem	4
1.7	Beae a Akwamufo wɔ	5
1.8	Akwamu Abakɔsem	5
1.9	Dwumadi yi ho mfaso	7
1.10	Dwumadi yi Nhyehyee	8
1.11	Muabɔ	9

ƆFA ABIEN

NEA ANIMDEFO BINOM AKA A ƐNE DWUMADI YI Wɔ TWAKA BI

2.0	Nnianim	10
2.1	Dɛn ne Owu?	10
2.2	Owu Ahorow	12
2.3	Ayi ho Dawurubɔ	14

2.3.1	Dawubɔ a egyina Ano so	14
2.3.2	Dawubɔ a enyina Ano so	18
2.4	Amu ho Asiesie	22
2.4.1	Abusua Asɛde	22
2.5	Ɔpemfo Ayiye	26
2.6	Ayi a wɔye ma Ɔbea a wakɔ awo ato	27
2.7	Fea Ayiye	28
2.8	Ahemfo Ayiye	29
2.9	Funnaka	33
2.10	Muabɔ	35

ƆFA ABIƐSA

ƆKWAN A MEFAA SO YƐƐ NHWEHWƐMU NO

3.0	Nnianim	36
3.1	Nhwehwɛmu Kwan	36
3.2	Nyiyimu	38
3.3	Nnipa dodow a mede wɔn yɛƐ Nhwehwɛmu yi	38
3.4	Nhwehwɛmu kwan ahorow a Mefaa so	42
3.4.1	Mfonitwa	42
3.4.2	Ahwɛe	45
3.4.3	Nkɔmmɔtwetwe	47
3.4.3.1	Amu ho Asiesiefo	49
3.4.3.2	Kapentafo	51
3.4.3.3	Funnaka Soafo	52
3.5	Nhoma Akenkan	52
3.6	Ɔkwan a Mefaa so yɛƐ Mpensempensemu no	53
3.7	Muabɔ	53

OFANAN

DWUMADI NO MPENSEMPENSEMU

4.0	Nnianim	55
4.1	Nhyenmu	55
4.1.1	Nnawɔtweda	55
4.1.2	Amu ho Asiesie	59
4.1.3	Amu ho Asieisie ne ne Deda	63
4.1.4	Ayiase Afade	72
4.1.5	Funnaka	79
4.1.6	Fundaka Soafo	84
4.1.7	Damoa	90
4.1.8	Agoru ahorow a wodi wɔ Ayiase	96
4.1.9	Adabɔw	100
4.1.10	Aduan ne Nsa	104
4.1.11	Kunayɛ	111
4.2	Nsunsuanso a Nsakrae no de aba	116
4.2.1	Nnepa a ɛwɔ Enne Ayiyɛ mu	116
4.2.2	Nnebɔne a ɛwɔ Enne Ayiyɛ mu	117
4.3	Ayiyɛ Daakye	122
4.4	Muabɔ	124

OFANUM

AWIEI: MUABO NE ADWENKYERE

5.0	Nnianim	125
5.1	Nea edaa adi wɔ Nhwewɛmu yi mu	125
5.2	Adwenkyere	128
5.3	Muabɔ	130
	Nhoma a Minyaa mu mmoa	131
	Nkekaho A	133
	Nkekaho B	134
	Nkekaho D	135

APON AHOROW A EWƆ DWUMADI YI MU

	ƆPON NNIDISO	KRATAFA
Ɔpon 1.1	Nnipa a mepaw wɔn dodow	40
Ɔpon 1.2	Wɔn sukuukɔ mu	40
Ɔpon 1.3	Wɔn adwumayɛ mu nsem	41
Ɔpon 1.4	Nnipa a wɔn dwumadi mfa ayiye ho	41
Ɔpon 1.5	Nnipa a wɔn dwumadi fa ayiye ho	42



NHYENMU

Nhwehwemu yi fa Akwamufo ayiye ho ne nsakrae a aba mu. Nea enti a meyeε saa nhwehwemu yi ne se meboa Akanfo na wɔahu nsakrae ahorow a aba Akwamufo ayiye mu. Nhwehwemu yi mu na makyerε nsakrae a aba amu asiesie mu, ne deda, nnawɔtwe da a abusua di, fundaka ahorow, ayiase afade ne wɔn a wɔsoa fundaka mu. Afei makyerε nsakrae a aba kunaye mu, agoru a abusua fa wɔn, aduan ne nsa a wɔde som ahɔhow. Midii me dwuma no wɔ Apuei Mantam na mede nkurow ahorow anum a eyε Akwamufie, Gyakiti, Nnudu, Aboasa ne Akrade na eyεε. Nea εboaa me ma mitumi dii dwuma yi ne se, mede nkɔmmɔtwe, mfonitwa ne ahweε na eyεε nhwehwemu yi. Mitwitwaa mfonihorow wɔ ayi a mekɔ ase. Mankyerεw me nsemmisa no angu krataa so mmom mekɔ nhwehwemufo no nkyen ne wɔn kɔtweε nkɔmmɔ senea εbeboa me na metumi anya nea merehwε yiye. Nhwehwemu yi daa no adi se, nsakrae ahorow bebree na aba Akwamufo ayiye mu efi da a onipa no bewu kɔpem se abusuafo besie no. Ne korakora no, nhwehwemu yi de nsunsuanso (papa ne bɔne) a nsakrae a aba wɔ Akwamufo ayiye mu no de aba ne nea daakye biara misusuw se ebetumi asi no de to gua. Dwuma no awiei no de to dwa se, εtwa se ɔmanfoε hwe nsakrae a aba no yie na aboa yen ama yeatumi asi nsunsuanso bɔne no ano kwan na yeε nsunsuanso pa no nso di dwuma.

ƆFA BIAKO

NNIANIM

1.0 Nnianim

Saa ɔfa yi kasa fa dwumadi yi nnianim ho na nsentitiriw a makasa afa ho wɔ ɔfa yi mu ne nhwehwemu yi nnyinaso, ɔhaw no gyinaesi, nhwehwemu yi botae, ɛho nsemmisa, ɔhaw a mihyiaa wɔ mu, beae a nhwehwemu yi pem, na ɛsan hwe beae a Akwamufo wɔ, wɔn ho abakɔsem. Nhwehwemu yi ho mfaso ne ɛho nhyehyee nyinaa wɔ ɔfa yi mu.

1.1 Dwumadi yi Nnyinaso

Onipa wu a, Akanfo sie no san ye n'ayi senea efata. Ayiye ka Akanfo amammere a etumi ma wɔda nso no ho. Nneema a woye bere a woye ayi no ye amanne. Ɔkwan a wɔfa so guare owufo, ɔkwan a wɔfa so siesie no, de no to mpa mu ma abusuafo, nnamfo ne wɔn a wɔkeka ho nyinaa besu gyam oniiko no ye amanne. Ɔkwan a na kan no wɔfa so ye obi ayi ne senea ɛne ye wɔfa so ye ayi no da nso pii ne titiriw wɔ Akwamu ne ne mpɔtam. Dwumadi yi ye nhwehwemu a ɛfa nsakrae ahorow a aba Akwamufo ayiye mu ne nsunsuanso a nsakrae yi de aba Akwamufo so (se eye papa anaa bɔne).

Owu ye ade a ɛka onipa biara ho na abrabɔ a nnipa fa mu wɔ asaase yi so ye twamhyen de ma onipa nanso owu bi wɔ ho a Akwamufo ne Akanfo dodow no ara gye to mu se enye kwa; eye biribi foforo na etumi kum onipa. Eyi nti yetumi gyina owu koro no so kyere se owu no ye owu pa anaa atɔfo wu. Se ebia; obi nya mfe beye aduɔson anaa nea ɛboro saa na ɔto ne kɔn wu a, wohu owu no se enyin na akum saa oniiko no, enti wɔkyere

eyi se eye owu pa a efi Odomankoma ho. Mmom se obi annya mfe aduon na oto ne kon wu a, wuhu no se emfi Onyankopon, mmom efi baabi foforo.

Akwamufo mu, se obi anyin (ne mfe annuru 70) na owu a, mpen pii wosuw se efi abayifo anaa abosom ho. Bio, owu bi nso wo ho a wuhu no se efi sunsum anaa nsamanfo ho nanso eyi nyinaa mu okwan a obi nam so bewu na ebekere kwan ne ayi koro a wobeye de asie saa onii no.

Amu sie ye okwan a wofa so de owufo no ma asase a ogye afunu. Akwamufo ne Akanfo mmusuakuw amu sie mu no, wotumi sie owufo no wo ne kurom, n'akuraa anaa kurow a ote mu. Ebinom mpo tumi sie onii no wo ne fi a ote mu. Mpen pii saa gyinaesi yi gyina abusua no so na mpo se obi da owuyare mpa so a otumi hye se, se owu a, wonsie no wo ha anaa eha.

Kan no se obi wu a, wogyina kwan ne dekode a ekumm onipa no so ye ayi de sie n'amu no. Ene se, se onipa no nam akwanhya, akomfohye, awudurunom, yare bi te se kwata ne etwire so na ewui a, wonsie no senea woye aforow. Mmom kwan a wofa so sie wone won a wonam Odomankoma kwan so wu de no da nso. Nanso enne woye ayi a efata de ma won a wonam akwanhya ne yare ahorow so wu nyinaa ayi pa.

Akwamufo gye di se owu nye ade a etwa onipa abrabo so mmom eye kwan a onipa nam so ne ne nananom nsamanfo kodi ahyia.

Mbiti (1969) kyere se gyidi a Abibifo wo wo owu akyi abrabo a obi kotoa so wo asamando nye ade a ema obi hu se owo daakye anidaso wo baabi se obeko akobo ne bra senea ope mmom, obra a wobobo wo asaase yi so nne na ehia wo obibini biara abrabo mu.

Botae biako nso a ewo abrabo mu ne se, wo wu akyi no wobetumi abeye osaman pa. Eno nti na se obi wu a woye awufosom ne ayi a ese na efata biara de sie oniiko no. Se

eyi antumi ankɔ so wɔ amu no sie mu a, owufo no tumi beye „ɔsaman twentwen“ (ɔsaman a ɔretwen wɔ asaase yi so) kyere se, ontumi ntena ase asomdwoe mu wɔ ne wu akyi. Eyi mpo tumi de amanenyasem beto ateasefo (abusua) no so. Gyidi a Akwamufo, Ayigbefo, Nkranfo, Fantefo ne Abibiman wɔ wɔ eyi ho nti na se obi wu a, wɔfa kwan biara so ye ayi a ese de kora amu no ma ɔkɔda dinn.

1.2 ɔhaw no Gyinae si

Nsakrae a aba ayiye mu wɔ Akwamufi ne nkurow bi a eɛen no ka ho na mprewa nyinsen, nnubɔne nom, ne mmofra pii a wontumi nwie sukuu atu atese wɔ Asuogyaman Mansin mu. Ne saa nti na mereye nhwehwemu yi na aboa atwe ɔmanfo adwene asi nsakrae a aba Akwamufo ayiye mu no so, nsunsuanso a nsakrae a aba ayiye mu de aba wɔ mansin yi mu nnipa so ne nea daakye ebetumi asi.

1.3 Dwumadi yi Botae

Botae titiriw a dwumadi yi gyina so ne se eɛeda;

- i. Nsakrae ahorow a aba Akwamufo ayiye mu fi afe 1990 de besi nne no bi adi.
- ii. Nsunsuanso ahorow a nsakrae a aba yi anya wɔ Akwamufo abrabɔ so.
- iii. Akwamufo ayiye no daakye.

1.4 Dwumadi yi ho Nsemmissa

Nsemmissa ahorow abiɛsa a ewɔ ase ha yi na migyinaa so wɔ me nhwehwemu yi mu.

- i. Sen na na tete Akwamufo ayiye te na nsakrae ahorow ben na aba.

- ii. Nsunsuanso ben na nsakrae a aba yi anya wɔ Akwamufɔ abrabɔ so?
- iii. So daakye den na nsakrae a aba wɔ ayiyɛ yi mu betumi de aba?

1.5 ɔhaw a Mihyiaa wɔ Dwumadi yi mu

Senea nnipa bi di dwuma a wɔfa ɔhaw mu ansa na wɔn dwumadi awie pɛyɛ no, saa ara na me nso mihyiaa bi ara nen. Ɛne se nnipa pii ahu se ka wɔ ayiyɛ mu. Eyi nti mpen pii no wɔntene wɔn ho ne me ntwetwe nkɔmmɔ fa ayi a wɔyɛ ho. Nsem bi wɔ hɔ a, se mibisa nkurofo a, wɔkatakata so a wɔmpɛ se wɔbeka no pefee de akyerɛ me. Wogyɛ di se ɛka no bi ye abusua mu nsem a enni ho kwan se ɔhɔho bi hu mu anaa ɔte bi. Obi nso wɔ hɔ na se mekɔ ne nkyɛn a, dwuma a odi nti onnya kwan ne me nni nkɔmmɔ papa. Obi nso wɔ hɔ a ɔhyɛ me bere ma mekɔ nanso mɛba bio no ɔsan hyɛ me bere foforo. Ɛba saa a, minya ntoboase ma no, kɔpem se ɔno nso benya bere ne me atwetwe nkɔmmɔ.

Bio, mihyiaa sikasɛm ho haw bebreɛ wɔ me dwumadi yi mu. Nnipa binom wɔ hɔ na mekɔ wɔn nkyɛn a, wɔbɔ me bo ansa na wɔatumi ne me atwetwe nkɔmmɔ abue nsem bi so akyerɛ me. Wɔkyerɛ se ɛnye obiara kɛkɛ na wotumi susuw wɔn nnwuma ho nsem de kyere wɔn. Ebinom mpo tumi bisa oburoni nsa tumpɛn fi me hɔ ansa na wɔatene wɔn ho ne me atwetwe nkɔmmɔ. Ɛba saa a, mesre pa kyɛw ma wote me ase. Ebinom nso wɔ hɔ a, wɔkyerɛ me se ɛye wɔn amanne nti wontumi nkwati. Ɛba saa a, mikiyin kɔpɛ bi de bre wɔn.

1.6 Beae a Nhwehwɛmu yi kɔpem

Nhwehwɛmu yi fa Akanfo ayiyɛ ho ne titiriw wɔ Akwamu a ɛwɔ Asuogyaman Mansin mu. Ɛsan nso hwe nsakrae a aba Akwamufɔ ayiyɛ mu ne nsunsuanso ahorow a

nsakrae yi de aba beye mfe dunum ni. Nkurow ahorow pii na ewo Mansin yi mu nanso nkurow pɔtee a mede dii dwuma wɔ me nhwehwemu yi mu ye anum. Eyinom ne Akwamufie, Akrade, Gyakiti, Aboasa ne Nnudu. Nea enti a mefaa saa nkurow yi ne se wɔmfa wɔn ayiye nni agoru koraa na ahemfo a wodi nkurow yi so nso ye mpakanfo.

Ɔmanfo a wɔtete nkurow yi mu no gye wɔn amammerɛ di na wonim biribiara a wɔye. Kristosom kuw ahorow na aba nkurow yi mu na ama ntawantaw abetɔ Kristosom ne ɔmanfo amammerɛ no ntam. Ade biako ne se, nnipa a wɔtete nkurow yi mu nyinaa ka Twi kasa kurugyenn.

1.7 Beae a Akwamufo wɔ

Akwamufo wɔ Apuei Mantam mu. Wone Firaw mantamfo bɔ hye wɔ Ghana ne Togo ahyee so. N'anaafo ye Nkranfo na Krɔbɔ ne Adaa a wɔye Adangmefo wɔ Asuogyaman Atɔe fam (Hwe asaase mfonɔ 2).

Adome Nsamso a agye din wɔ ɔman yi mu no nso wɔ Atimpoku a eno nso wɔ Akwamuman no mu. Afei Asuogyaman Mansin yi mu nso na Akosombo Nsumuban (dam) a eboa ma ɔman yi mu nnipa nya anyinam nkanea no wɔ. Akwamufo ye nnipakuw bi a wɔwɔ abakɔsem yiye, eyi nti ebehia se yebeka wɔn ho asem kakra.

1.8 Akwamu Abakɔsem

Akwamufo ye nnipakuw bi a wɔn ho abakɔsem ye pepeankoma. Eyi nti meka biribi kakra na ama akenkanfo ahu nnipakuw a meredi wɔn ho dwuma no. Akwamu ye ɔman bi a tete no wɔkyere se na wɔn ani ye den yiye. Na wɔwɔ agyapade ne nneema a na ema ɔman no korɔn paa ara. Wose edin „*Akwamu*“ no ase kyere ne se, Otumfo Asare a

ɔyɛ Akwamuhene a ɔtɔ so nsia saa bere no na ɔko ne atutena nti ɔne n'asraafo ne Aberade abusua a wodi ade ne nkorɔfo kuw pii fi Heman ne Abakrampa reba no, faa Fante nkurow bi so. Fantefo no huu nnipa dodow yi saa no eyɛ wɔn nwanwa na wɔkyerɛ sɛ wohwɛ wɔn (Akwamufo) a na wo kɔn koraa rebu. Enam eyi so ma wɔde edin „*Akonbufo*“ too nnipakuw yi so. Edin yi na ɛnne wɔasesa ayɛ no Akwamufo no.

Ebinom nso kyere sɛ atutenafo (Akwamufo) yi kɔtenaa Nyanawase a na ɛwɔ Nsawam ansa na wɔde edin „*Akwamu*“ no refrɛ wɔn. Wɔkyerɛ sɛ bere a wɔkɔtenaa Nyanawase no na wɔmma ho kwan mma obiara mfa nneema mmetwa mu nkɔ mpoano ne aborɔfo no nkodi gua. Sɛ wode nneema rekɔ na wodu hɔ a, wosisi wo gye wo ho nneema nyinaa senea kwan-mu-kafo dwumadi te pɛpɛpɛ no. Eyi nti na wɔfrɛ wɔn sɛ wɔyɛ ‘*akwan-mu-kafo*’ a ɛno nso nne asesa no ma abeyɛ „Akwamufo“ no (Agyekum, 2015).

Otumfo Asare ne Akwamuhene a ɔkyekyeree Asamankese kurow no san dii hɔ hene beyɛ mfe dunum de ɛhɔ yɛɛ Akwamu kuropon saa bere no. Afe 1595 mu no, Akotia a ɔyɛ ne wɔfaase bedii Akwamuhene a ɔtɔ so asɔn. Ɔde Akwamufo no fii Asamankese kɔɔ Nyanawase na ɔde ɛhɔ kɔyɛɛ Akwamu kuropon. Akwamufo tena a wɔkɔtenaa Nyanawase no boaa wɔn pii. Kyerɛ sɛ, Densu a na ɛda hɔ nti, wofii ase gyee tow fii Akyem, Kwawu ne agwadifo biara a wotwa mu fa nsu no so hɔ.

Agyekum (2005) ka se; Akwamufo fii ase de aman a atwa wɔn ho ahyia no faa ɔhaw ahorow pii mu. Esiane haw a na aman bi te sɛ Guanfo, Fantefo ne Nkranfo nam mu nti, wɔyɛɛ adwene sɛ wobetu Akwamufo so sa ako apam wɔn. Guanfo a ɛnne wɔaka abom ayɛ Akuapem, Nkranfo ne Gyakitifo ka bɔɔ mu ne Akwamufo koe nea edi kan nanso wɔantumi anka wɔn (Akwamufo) angu. Saa bere no na Akyemfo nso ye nnipakuw bi a wɔadi nkunim wɔ ako pii mu enti, ɔko mu suahunu de na wɔwɔ bi pa ara. Eyi nti

Nana Ɔfɛ Akwasi Agyeman a ofi Gyakiti na ɔye wɔn hene maa wɔkɔpɛɛ asraafo (dɔm) wɔ Akyem Abuakwa hene Nana Ofori Panyin hɔ. Nana Ofori Panyin de ne wɔfaase Barima Sabori ne ne nua kumaa Owusu Akyem Tenten maa wɔn ma wobedii wɔn anim ne Akwamufɔ kɔkɔe. Ɔko no baa awiei no na wɔatumi adi Akwamufɔ so nkunim apam wɔn afi Nyanawase akogu Firaw agya. Saa ɔko kese yi na wɔkyerɛ sɛ ekɔɔ so wɔ Nsakyɛ afe 1730 mu no (Hwɛ nhoma Ɔsabarima a E. O Koranteng kyerɛwee).

Bere a Akuapemfo ko pam wɔn (Akwamufɔ) no, wɔkɔbɔɔ wɔn sese wɔ Firaw agya a ɛnɛ yi wɔfrɛ hɔ Akwamufie. Beae a ɛnɛ Akwamufɔ te yi, wɔkyerɛ sɛ na Nkonyafo a wɔye Guanfo na na etete hɔ nanso esiane suro, ehu ne ayamhyehye a wɔwɔ wɔ Akwamufɔ ho nti, wotu fii hɔ kɔɔ Krepe a ɛwɔ Krando gyae hɔ maa Akwamufɔ no ((Koranteng, 1975 ne Agyekum, 2015).

Bere a wɔwɔ Nyanawase no, na wɔye kuadwuma nanso ɔko no twaa mu a wɔkɔsoe wɔ Firaw agya no wɔn adwumayɛ sesae. Firaw a ɛda Mansin no mu maa nnipa dodow no ara de wɔn ho wuraa namtɔn mu. Aboodoo, adɔde, mmɔnkɔ ne nkadoa/weevi a dodow no ara frɛ no „one man thousand“ ye aduan ne nam a ɛnɛ agye din wɔ hɔ paa ara. Eyi da nkyen a, ankorankore a wɔtɔn ade nso ye nnwuma ahorow bebreɛ.

1.9 Dwumadi yi ho mfaso

Dwuma biara a onipa di no, ɔhwɛ sɛ obenya so mfaso, sɛ eyɛ sika anaa animuonyam fam. Saa ara nso na dwumadi yi wɔ ne mfaso a ɛde nam. Nea edi kan ne se, dwumadi yi beboa ma mahu nsakrae a aba Akwamufɔ ayiyɛ mu beyɛ mfe dunum mu ni. Afei ɛsan beboa ma mahu senea aman foforo bi nso ye wɔn ayi ne amammere ahorow a ɛwɔ wɔn ayiyɛ mu ne nsakrae a aba mu. Nea ɛtɔ so abien ne sɛ, ɛbeboa ama Akanfo ne

titiriw Akwamufo ahu nsakrae a aba wɔn ayiyɛ mu bɛyɛ mfe dunum a atwa mu na wɔde nneɛma agu akwan mu asesa dwumadi bi a wɔde awurawura ayiyɛ mu ma aboa wɔne wɔn nkyirimma. Nea etwa to ne sɛ nhwehwɛmu yi bɛyɛ nhwɛso ne fapem de ama nhwehwɛmufo (wɔn a wɔyɛ Akanfo ne wɔn a wɔnyɛ Akanfo) a wobedi dwuma afa Akan kasadwin ne amammerɛ ho ne wɔn a wɔpɛ sɛ wodi dwuma a ɛtɛ sɛɛ mu.

1.10 Dwumadi yi Nhyehyɛ

Dwumadi yi wɔ afaafa ahorow anum. Ɔfa a edi kan no kasa fa dwumadi yi nnianim ho. Nea ɛkɔ so wɔ ɔfa nnianim yi mu ne nnianim, Akwamufo ho abakɔsem, ɔhaw no gyinaesi, dwumadi yi botae, dwumadi yi ho nsemmissa, ɔhaw a mihyiae wɔ dwumadi yi di mu, beae a nhwehwɛmu yi kɔpɛm, beae a Akwamufo wɔ ne dwumadi yi ho mfaso. Ɔfa a ɛto so abien no kasa fa nea animdefo ne abenfo bi aka na ɛne dwumadi yi nam ɔkwan biako bi so ho. Ɔfa a ɛto so abiesɛa no kyere ɔkwan a mɛfaa so yɛɛ nhwehwɛmu yi ne sɛnea minyaa me nsem no nyinaa. Ɔfa yi mu na makyerekyere sɛnea mede ahwɛɛ, nkɔmmɔtwetwe ne mfonitwitwa yɛɛ nhwehwɛmu no. Afei nnipa dodow a mede wɔn yɛɛ nhwehwɛmu no, beae a nhwehwɛmu no kɔ so.

Ɔfa a ɛto so anan no ye sɛnea mɛpɛnsɛmpɛnsɛn me nsem a minyae no mu ne nneɛma ahorow a ɛfii nhwehwɛmu no mu bae. Ɔfa yi mu na yebehu nsakrae ahorow a aba ayi a wɔyɛ de ma onipa biara mu wɔ Akwamu, nsakrae a aba ɔpɛmfo anaa ɔbea a wakɔ awo atɔ ayiyɛ mu, nsakrae a aba ahɛmfo ayiyɛ mu ne nsakrae a aba kunayɛ mu. Afei nsunsuanso a nsakrae yi de aba Akwamufo abrabɔ so no bɛda adi wɔ ɔfa yi mu. Ɔfa a ɛto so anum na ɛsan ye dwumadi yi ɔfa a etwa to no ye nhwehwɛmu/dwumadi yi tɔfabɔ ne nsusui.

1.11 Muabo

Ɔfa yi ahwe dwumadi yi nnianim na ede dwumadi yi ho haw, botae, eho nsemmisa ato gua. Afei mede beae a nhwehwemu yi kɔpem, ɔhaw a mihyiae, beae a Akwamufo wɔ, Akwamu abakɔsem, dwumadi yi ho mfaso ne dwumadi yi nhyehyee nso ato gua. Ɔfa a etoa so no de nea animdefo bi aka na ene nhwehwemu yi nam mpasua biako so no to gua.



ƆFA ABIEN

NEA ANIMDEFO BINOM AKA A ƐNE DWUMADI YI WƆ TWAKA

2.0 Nnianim

Ɔfa yi kasa fa nea akyerewfo ne animdefo binom aka na Ɛne dwumadi yi nam mpasua biako so ho. Nsempɔ titiriw a yebehwe wɔ Ɔfa yi mu bi ne; nea owu ye, owu ahorow, ayi ho dawurubɔ, amu ho asiesie, ɔpemfo ayiyɛ, ayi a wɔye de ma ɔbea a wakɔ awo atɔ, fea ayiyɛ, ahemfo ayiyɛ ne Funnaka.

2.1 Dɛn ne Owu?

Akanfo gye di sɛ abrabɔ ye kyinhya anaa kanko a enni awiei. Wɔwo onipa a, ɛye bere a abrabɔ no afi ase. Sɛ ɔye ɔbea na oduru ne mpanyin mfe so a, wɔgoro no bra yi no fi mmofra gyinabere mu kɔ mpanyin mu. Ɔtoa abrabɔ no so ware, wo, ye adwumaden biara a obetumi de boa n'abusua kosi sɛ ɔdomankoma wu beba abefa no.

Opoku (1978) kyere sɛ, ɛye ade a onipa biara ntumi nkwati wɔ n'abrabɔ mu. Ɛye kwan bi a ɛsɛ sɛ onipa biara tu na enam so aboa no ama wakɔtoa n'abrabɔ so wɔ asamando. Senea Ramose (2002a), Bujo (1998) ne King (2013) de to gua wɔ Baloyi (n.d) mu ne Opoku (1978) kyere sɛ onipa wu a, na ɛnye n'awiei nen, ɔnka ɛda a wosie no wɔ mu no mu mmom, ɔbeye honhom na ɔtoa so kɔ beae bi a wɔfrɛ no '*Asamando*'. Hackett (1989) nso foa asem a Opoku de to gua yi so kyere sɛ Efikfo a wɔwɔ Calabar nso wɔ gyidi a ɛte saa wɔ owu mu. Akanfo nim sɛ nseɛdo/asamando ne fie na ɛye beae bi a wɔmfɛ anikan (onipa a ɔwɔ nkwa ne honam) nko ho. Bio, ɛye beae bi a woko a,

worentumi nsan w'akyi mma asaase yi so ha bio. Akanfo gye di se ehɔ na yen nananom nyinaa wɔ na ansa na onipa betumi akɔka wɔn ho no, gye se wawu.

Gyidi a Akanfo wɔ wɔ owu mu ne se, beae a owufo kɔ no wɔ akyirikyirikyiri nanso wotumi nya atenka bi se onii no ben wɔn. Mpo atasefo tumi fa mpaeyi ne amanne ahorow so de wɔn abisade biara to wɔn nsamanfo anim. Eyi nti eye atasefo asede se obi wu wɔ abusua bi mu a, wɔye amammere gyaw no kwan fefefe san ye amanne bere ano bere ano de kae no. Afe so a, wɔma nananom nsamanfo aduan san gu wɔn nsa. Amanne a wɔye de ma owufo no tumi boa ma biribiara a atasefo de beto owufo no anim no ohwe ye ma wɔn pɛpɛpɛ.

Mbiti (1975) nso kyere owu ase se eye okwan a eyi onipa fi *sasa* mu kɔ *zamani* mu. Otoa so kyere se owu gyina hɔ ma wɔn a yede yen ani hu wɔn (atasefo) ne wɔn a yemfa yen ani nhu wɔn se ahonhom. Otoa so kyere se obi wu a, enye preko pe na oyera fi asaase yi so mmom akɔ so ara tena asaase yi so mmere kakra ma wɔn a wone no atena pen, abusuafo, adɔfo ne nnamfo kae no wɔ akwannuasa ahorow pii so. Eyi na wɔfre no se *sasa* bere no. Wotumi kae edin a na wode fre no nanso eye a, wɔmmɔ so. Wɔkae ne nipa su, ne suban binom a odaa no adi bere a na ote ase, ne nsem binom a okae titiriw nea eye afotu ne nea ede aserewsem bi bae ne nneema bi a etotoo no wɔ n'abrabo mu.

Akanfo gye di se obi nyin na owu a, otumi san ba asaase yi so ma wɔwo no bio. Alatafo mu, edin Babatunde ase kyere se „agya asan aba“. Se wɔwo abɔfra na oye obarima na ne nana barima awu a, edin yi na wode to no. Se oye obea nso a ne nanabea awu a, wode edin Yetunde anaa Iyabo (Yurobafo) na eto no a ase kyere se „ena asan aba“ (Mbiti, 1975; Opoku, 1978). Saa ara na oba Akwamu a, wotumi to edin yi bi. Wotumi to edin Ababio bere a wogyedi se obusuani bi a wawu dedaw na wasan aba ma wɔawo no. Eto

mmere bi a wɔmfɔ onipa a wawu no din nto abɔfra bi so nanso wotumi (abusuafo no mu mpanyimfo) hu san kyere oniiko a wasan aba no.

Ɔkwan a atasefo fa so hu eyi bi ne nneyɛe ne suban a abofra no beda no adi. Nipadua akwaa binom te se nansoa ne abofra no anim tumi se onii a wawu no. Eyi tumi toatoa so beye awontoatoaso anan anaa anum so kɔpem se obusuani (ɔpanyin) a onim owufo no nso bewu ansa na nea wawu dedaw no befi sasa bere mu ayera wɔ asaase yi so korakora. eyi na Mbiti frɛ no se *zamani*.

Onyewuchi (n.d) kyere owu ase se, eyɛ bere a ɔkra ne nipadua no di ntetew mu. Ɔkyere se enye ade a onipa dasani biara de n'ani ahu se ɔkra a ete nipadua mu a fi nipadua no mu da. Senea Onyankopɔn de dɔte bɔɔ onipa homee nkwa honhom guu nipa mu ma ɔbeyɛ ɔkra teasefo no, saa ara pɛpɛɛpe na se onipa wu a, ɔkra no fi nipadua no mu ma nea eyɛ dɔte no kɔ baabi a efi. Eyi nti se onipa wu a, ɔkra no ne nipadua no ntumi nkɔ baabi faako.

Idowu (1962) ada no adi wɔ Asuquo (2011) mu kyere owu mu se eyɛ bere ne ɔkwan a Onyankopɔn nam so to nsa frɛ onipa biara a ɔwɔ asaase yi so a ne bere a ɔde ama no wɔ ne dwuamdi mu nyinaa aba awiei. So ɔkwan a onipa fa so wu nyinaa na efi Onyankopɔn anaa?

2.2 Owu Ahorow

Akwan ahorow beberee wɔ hɔ a onipa fa so wu. Obi tumi sen ne ho, obi tumi nya akwanhyia, nsu tumi fa obi, obi nso yare anaa onyin ansa na wawu. Enam akwan ahorow yi so ma Akanfo gye di se owu gu ahorow abien; atɔfowu ne Owupa

Kobi (2010) ne Prempeh (2009) kyere atɔfowu ase sɛ, eyɛ owu a Akanfo susuw sɛ eyɛ putupuru na asiane bi bata ho anaa obi bedi ne ho dɔm. Sɛ obi wu akwanhyia wu a, Akanfo frɛ no **atɔfowu**. Onipa a wawu no yɛ ɔtɔfo. Atɔfowu no bi ne sɛ lɔɔre bebɔ obi, anyinam kanea mu ahoɔden nso tumi kum obi, ɔdan bebu abɔ obi, aboa kɛse bi bekyere obi awe ne sɛ obi bekɔ awo so atɔ ne nea ɛkeka ho. Saa owu ahorow yi nyinaa yɛ akwanhyia wu. Akanman mu, sɛ obi wu akwanhyia wu a, wɔfrɛ ne saman no sɛ ɔtɔfo anaa ɔsamantwentwen.

Atɔfowu no bi nso wɔ ho a nnipa no ara na wɔyɛ. Obi tumi de ahoma sɛn ne ho, obi tumi bɔ ne ho tuo anaa ɔnom awuduru. Obi nso tumi hyɛ da kɔtɔ nsu mu ma ɛfa no. Mpen pii Akanfo gye di ne sɛ atɔfowu fi abayifo anaa duabɔ. Saa atɔfowu yi, Akanfo nye no ayi efise wɔmpɛ sɛ wogyigye so. Wogyɛ di sɛ ɔkwan a obi faa so kum ne ho no tumi betena abusua no mu.

Kobi (2010) ne Prempeh (2009) san kyere owupa ase sɛ eyɛ owu a obi nyin ansa na ɔreto ne kɔn awu. Mpen pii abusua no tumi pere onii no kra sɛ ɔbesan aba nkwa mu bio. Sɛ wɔyɛ eyi nyinaa na antumi antentam a, ofi mu. Sɛnea ɛte wɔ Akanfoɔ mu no, Akwamufo dodow no ara ntaa mfa sunsum mu nsem te sɛ nea efi abayifo, abosom ne duabɔ, mmata owupa ho mmom wɔde hyɛ onii no nyin. Akanfo gye di sɛ, sɛ obi nyin ansa na wawu a, ɛnkyɛ na wasan aba asaase yi so ama wɔasan awo no bio. Sɛ obi wu owupa a, Akanfo yɛ amanne gyaw no kwan fɛfɛfɛ sɛnea ɛbeyɛ na ɔbekɔ akopue asamando ho animuonyam mu. ɛno na wɔfrɛ no Ayiyɛ no.

ɛnne ayi a wɔyɛ de ma nnipa a wowu owupa ne atɔfowu nyinaa yɛ pɛ. Kyere sɛ, wɔyɛ wɔn nyinaa ayipa. Nnipa bi kyere sɛ, saa ade yi ka ho na ama asiane wu ne owu hyew pii abu so wɔ Ghana no.

2.3 Ayi ho Dawurubɔ

Akwani ahorow bebreɛ wɔ ho a nniƆa fa so bɔ ayi ho dawuru anaa wɔsɛ ayie. Yɛwɔ nea wogyina ano so ka anaa sɛ ayi ma anuanom ne adɔfo tɛ ne nea wonnyina ano so. Akwamufɔ hu eyinom no sɛ eyɛ abɛɛfosɛm a abewurawura ayi dawurubɔ mu.

2.3.1 Dawubɔ a egyina Ano so

Akwani ahorow bebreɛ na nne nniƆa fa so wu. Saa ara nso na mmeaɛ ahorow bebreɛ na owu tumi si. Beaɛ a obi bewu no na ɛbekyerɛ ɔkwani a wɔbɛfa so abɔ ɛho dawuru de akyerɛ n'abusua. Sɛ owu no yɛ atɔfowu a, mɛn pii nniƆa a wobɛpue wɔ akwanhyia no so na wɔde telefon frɛ onii no abusua ka kyere wɔn nea asi nyinaa. Sɛ onii no kopue wɔ ayaresabea na Onyame anyɛ no adom na ofi mu a, ntem paa ara nniƆa a wɔde oniiko no kɔɛ ma abusuafo aso tɛ nea ato wɔn busuani no.

Achana (1993) kyere sɛ, sɛ ɔbea panyin bi wu wɔ Kasena-Nankana a nea ɛsɛ sɛ ɔbɔ owu no ho dawuru de kyere abusuafo, betumi ayɛ obusuani anaa nniƆa bi a wɔde nneɛma hyehye wɔn anim a Akwamufɔ frɛ wɔn kaakaamotobi no.

Adizie (1993) nso kyere sɛ Somey abusua mu sɛ obi wu a, nea edi kan a mmea no yɛ ne sɛ, wɔde agyaadwɔtwa, benabɔ ne dede ahorow si mmɔnten so de wɔn ho toto fam yɛ nneyɛɛ ahorow bebreɛ de kyere ɔmanfo sɛ biribi asi wɔ ofi anaa borɔno bi so. Saa mmea yi bi tumi fi owufo n'abusua mu anaa yɛ mɔtɔamfo no bi. Ɔkyere sɛ, esiane sɛ mmea yɛ nniƆa bi a wɔtɛ owu ho nsem a wɔn kra boto na wɔn werɛ how ntem nti ɛno na ɛkanyan wɔn ma wɔda nneyɛɛ a ɛtɛ saa adi.

Shino (1997) kyere sɛ sɛ obi tɔ wɔ Luo a ɛwɔ Kenya a, wɔmmɔ ho dawuru awia mmom anɔpa anaa anwummere nkutoo. Eyi nso begyina onipa a wawu no so sɛ ɔyɛ ɔbea

anaa ɔbarima, ne mfe a wadi ne adwuma a ɔye so. Ɔtoa so kyere se se abɔfra wu anɔpa a wɔbɔ ne wu no ho dawuru amonom ho ara na ade kye anɔpa a wosie no. Se owufo no ye ɔpanyin a, wɔtwɛn ma awia tɔ ansa na wɔabɔ ne wu no ho dawuru na mpo mmea nni ho kwan se wosu gye se awia atɔ ansa.

So nnipa bɛn na se owu si wɔ abusua bi mu a, wɔbɔ wɔn amannee wɔ Akwamuman? Migye di se Akwamu ne Akanman mu nyinaa no nnipa titiriw bi wɔ ho a wɔbɔ wɔn ayi ho amannee bere a obi atɔ wɔ abusua bi mu. Nnipa yi bi ne owufo no abusuafo na eyi tumi ye wɔn a wɔne owufo no te kurow anaa ɔman no mu, asafo mpanyimfo eyi gyina se onipa no de ne ho adɔm asɔre bi, ahemfo, nnamfo, owufo no mpɔtamfo ne wɔn a wɔkeka ho.

Akanman mu, mpanyimfo na wɔye nnipa titiriw a wɔfa amane kwan so de se wɔn ayi bere a obi awu wɔ kurow bi so anaa abusua bi mu. Kan no se obi wu wɔ abusua bi mu a wodi kan de nsa kɔbɔ ɔhene amannee. Nsa no tumi ye aborɔfo nsa anaa abibifo nsa (apetehyi). Mpen pii nsa a wɔde kɔ no taa gyina onipa a wawu no so (se ɔye ɔpanyin, abofra anaa ɔhempɔn). Se wɔde nsa no kɔma onii no anaa ɔhene no a, eno na ɛkyere se amammere kwan so no wɔabese no ayi. Se wɔye amammere yi na se mpo oniiko anaa ɔhene no antumi amma ayi da no a, wotu wɔn ananmusini ma wɔkɔ ayi no ase ayi da no. Etumi nso ba se obi wɔ ho na se wɔanye eyi anse no ayi a, ɔpe a, ɔmma ayi da no. Nea ɔbeka ara ne se „wɔammese no ayi“ anaa wɔammɔ ho dawuru biara ankyere no. Eyi betumi aye obusuani anaa abɔnten so ni. Obi nso wɔ ho a otumi kɔ ayi da no na ɔtwe abusuafo adwene si so ma akyiri no wɔfa kwan pa so kɔse no ayi ma asem de n'asem kɔ.

Wɔse nnipa titiriw yi ayi nyinaa wie a, ansa na wɔatumi abɔ kuromma no nyinaa amannee. Afei wote asomafo gu kwan so kɔbɔ abusuapɔn no mufo nyinaa amannee ma

wɔba. Wɔse owufo no papa, ne maame ne yere anaa kunu ne ne mma (se ɔwɔ bi nkutoo de a) ayi. Enne akwan ahorow pii so na wɔnam bɔ ayi ho dawuru ma abusuafo, nnamfo ne wɔn a wɔkeka ho nyinaa aso te. Eyi bi na edidi so yi:

Radio: Nne radio sitehyen bebre na aba a abusuafo binom fa so bɔ wɔn ayi ho dawuru. Radio sitehyen ko a abusua no bepe se wɔbekɔ akɔbɔ dawuru wɔ so no gyina abusua no so. Senea nsatea nyinaa nye pe no, saa ara na abusua nso te. Abusua bi wɔ hɔ a sika wɔ mu enti wotumi kɔ radio sitehyen a agye din wɔ ɔman yi mu, se ewɔ mpɔtam, mansin anaa borɔno a wɔwɔ so kɔbɔ wɔn ayi ho dawuru. Abusua binom tumi ma wɔbɔ ayi no ho dawuru mpen abien de kɔ ne mprensɔ so nnawɔtwe biara kɔpem se ayi da no bedu so. Ebi nso wɔ hɔ a, wɔbɔ dawuru biako pe kɔpem ayi da no. Abusua bi mpo tumi fa radio sitehyen abien de kɔ abiesɔ so bɔ wɔn ayi ho dawuru. Wɔkyere se eyi boa ma wɔn a wɔwɔ mmeae mmeae ahorow a wonim oniiko no tumi te hu nhyehyee ne ntotoe biara a abusua no aye afa ayi no ho ma wɔtumi te de ba ayi no ase bi.

Enne ayi ho dawurubɔ wɔ radio so aye dwuma a nnipa binom di de pe sika gu wɔn kotoku mu. Nana Agyei Sikapa a ɔwɔ „Peace Fm“ a ewɔ Nkranman no tumi bɔ bena bɔ ayi ho dawuru ma eye fe kwa. Eyi mu ebo a wɔde bebɔ wo no gyina mpen dodow a abusua no pe se wɔbɔ ayi no ho dawuru wɔ nnawɔtwe no mu, simma dodow ne bere a abusua no pe so. Abusua bi wɔ hɔ a, wɔpe wɔn ayi no dawurubɔ anwummere efise saa bere no na wogyee di se obiara a ɔkɔ adwuma aba fie. Ebi nso pe wɔn de awia anaa anɔpa. Eyi taa ba kaseebɔ no akyi anaa eye kaseebɔ a etwa to. Se abusua bi mpe se wɔbeyee wɔn de saa a, ende wotua ho sika a ese ma wɔye no nkaebɔ bere.

Ɔkwan foforo a abusua bi fa so bɔ wɔn ayi ho dawuru biako nso ne Telefisan (TV) so. Abusua bi nso de ne se, se ayi ba wɔn fie a, telefisan so nkutoo na wɔbɔ ho

dawuru. Telefisan so dawurubɔ nye bese a aberewa we. Ne bo ye den yiye. Sɛ obi betumi abɔ ayi ho dawuru wɔ telefisan so a, ebia na onipa no busuani bi ye adwuma wɔ ho, ɔwɔ adamfo bi wɔ ho anaa na owufo no ankasa ye adwuma wɔ ho. Sɛ eba saa de a, sika a wogyɛ oniiko no nye te sɛ nea wogyɛ abɔntensoni. Eyi kyere sɛ wɔtew sika no so. Mpen dodow, simma dodow ne bere (anɔpa, awia, anwummere) a abusua no pɛ sɛ wɔbɔ ɛho dawuru nyinaa gyina abusua no so. Eyi nso wɔ sika pɔtee bi a wotua. Mpen pii wɔde ka nkaebɔ a wɔbɔ no ho nanso sɛ abusua bi pɛ no bere pɔtee bi de a, wotua ho sika na wɔye no saa ma wɔn.

Dawurubɔ no bi wɔ ho a wotumi de owufo no mfonɪ, bere a ɔye ababaawa anaa aberante ne ne nyin bere a ɔde wui nyinaa ba telefisan no so ma ɔmanfo hu kae no.

Ebi nso wɔ ho a wɔde nhwiren anaa asendua pɛ na ɛba na wɔde owufo no din aka ho. Eyi nyinaa gyina senea abusua no pɛ sɛ wɔbɔ wɔn dehye no wu ho dawuru kyere ɔmanfo so. Wɔkyere sɛ, nea wɔde owufo no mfonɪ, titiriw ne mmerante bere anaa mmabaawa bere mu ba no bo ye den sen nea wɔde nhwiren ne asendua ba no.

Abusua bi nso mfa kwan ahorow yi mu biara so mmom wɔde kasafiri toto ahyen so na wɔde abɔ ayi bi ho dawuru akyere ɔmanfo. Ebi nso kɔ ɛnne yi dawurubɔ mmeae ahorow bi a ɔmanfo abuebue na wɔnam so ma ɔmanfo te kasee biara a wɔbɔ wɔn ayi ho.

ɛnne abeefo kwan a egyina ano so a nnipa binom nam so bɔ ayi ho dawuru ma ɔmanfo te bi nso ne „skype“, „lmo“ ne „Viber“. Sɛ obi wu wɔ abusua bi mu a abusuafo no bi, titiriw wɔn a wɔakɔ sukuu no nam saa kwan ahorow yi so bɔ ayi no ho dawuru kyere abusuafo binom a wonni ɔman no mu a wɔwɔ amanɔne, nnamfo ne mpo abusuafo binom a wɔte ɔman no mu.

2.3.2 Dawubɔ a ennyina Ano so

Akwan ahorow bi wɔ hɔ a abusua bi fa so bɔ ayi ho dawuru a wɔn mfa wɔn ano nka nkyerɛ anuanom ne adɔfo nanso ɔkwan bi so no wɔrese wɔn ayi. Eyi bi na edidi so yi.

Mfoni a wɔde fam ban ho: Ɔkwan biako a nne ɔmanfo fa so bɔ ayi ho dawuru titiriw pa ara gyina mfoni a wɔde femfam ban ho so. Wɔnam eyi so ma ɔmanfo hu owufo no, da, beae ne baabi a wobesie no adi. Kan no na wɔde ahsu tuntum ne fitaa na eye mfoni no nanso nne wɔagyae eyinom nyinaa de ahsu ahorow te se; kɔkɔɔ, tuntum, fitaa, ahabanmono, akokɔsrade a adi afra na eye. Akɔba se nne nnadi te se; nnawɔtwe da no mpo wɔye ho mfoni de femfam Akwamu kurow no mmeaɛ ahorow pii. Mpen pii nnawɔtwe da mfoni a wɔye no wɔmfa da a wɔbeyɛ ayi no, beae a wɔbeyɛ, bere ne owufo no ho nsem biara nto gua mmom, owufo no mfoni ne ne din nkutoo. Se ɔwɔ din bi a nnamfo taa de fre no nso a wɔde ka ho se ebia; A. K. A



Mfoni 1

Abusua no hyia di nnawɔtwe da no de ye ayi no ho ntotoe biara wie a, wɔsan ye owufo no mfoni foforo de ne ho nsem biara a eɛe se wɔma anuanom ne adɔfo hu se ebia; beae a wobesie amu no, da a wɔbeyɛ n'ayi ne nea ekeka ho nyinaa to gua wɔ mfoni no so.



Mfoni 2

Mfoni a wɔde femfam ban ho no so na wɔkyere baabi a owufo no fi, mma dodow (sɛ ɔwoo bi de a), abusua ne ntɔn a ofi mu anaa ɔbo, ne yere/kunu (okunafo) din (sɛ ɔwaree a), ne na ne n'agya din ne wɔn a wɔkeka ho. Sɛ ɔye okristoni a ɔko asɔre a, wɔkyere asɔre a na ɔdɔm na beae nso a na ɔye adwuma nyinaa wɔda no adi pɛpɛpɛ ka ne mfonin no ho. Mfoni a wɔde fam ban ho no bi wɔ ho a owufo no mfoni a ɛwɔ so no ye ne mmerante anaa mmabaawa bere mu de ka mfoni no ho. Ebi nso wɔ ho a wɔde abien no nyinaa ba ma ɛboa wɔn a wonim no fi tete ma wuhu no kae no.

Owufo no mfoni a wɔde bɛba ma anuanom ne adɔfo ahu no no nyinaa gyina abusua no so. Wotumi de ne mfoni bi a otwaa wɔ asɔre na ɛye, wotumi nso de nea otwaa wɔ beae a ɔye adwuma anaa fie a ɔte mu na ɛye. Mpen pii abusua no de owufo no mfoni a otwae a ɛye fɛ na ɛye. Sɛ ɛba sɛ onyin pa ara ansa na ɔrewu a wɔde ne mmerante anaa mmabaawa bere mfoni bi a otwae ka ho. Saa mfoni yi de wɔtaa de hye ne mprenpren de no ase.

Wotumi de mfoni yi bi kɔfemfam kurow no mu, ofi a na ɔte mu, asɔre a na ɔko ne mmeae mmeae ahorow pii. Sɛ ɔye ɔkyerekyerɛni a wɔde bi kɔfam sukuu a na ɔkyere ade

wɔ mu no mu. Sɛ ɔwɔ mma a wɔyɛ adwuma wɔ baabi a wɔde ne mfonɔ no bi kɔfam adwuma no mu nanso ɛnyɛ nnwumawuranom nyinaa na wɔpene eyi so. Eyi mu, baabi a na owufo no yɛ adwuma nkutoo na wotumi de ne mfonɔ no bi femfam hɔ sɛ na ɛyɛ aban anaa ankorankorɛ adwuma. Sɛ owufo no yɛ dorɔbani a adorɔbafo a wɔne no yɛ adwuma wɔ borɔn no so nyinaa de ne mfonɔ no bi femfam wɔn ahyɛn ho de bɔ dawuru ma ɔmanfo hu nea aba. Adorɔbafo yɛ nnipa bi a wokyin yiye, eyi nti sɛ owufo no mfonɔ fam ne hyɛn ho na ɔkɔ beae bi a wonim owufo no na wonyaa ntee nea aba a, ɛboa ma adɔfo no nso te.

Ennɛ owufo mfonɔ a wɔyɛ de femfam ban ho no, woyɛ ebi akɛsɛ paa ara de bobɔ mmeae mmeae ahorow pii. Ebi mpo wɔ hɔ a wɔyɛ no kɛsɛ de bɔ bɔɔdo so ma baabi biara a obi nam no otumi hu oniiko a wawu no. Wɔkyerɛ sɛ esiane sɛ kaade a wɔde to nsa frɛ anuanom ne adɔfo ma wobegyam wɔn dɔfo no yɛ nketewa na ebetumi ayera anaa nea wɔde akɔma no betumi de ato baabi a ɔrenkae nti na wɔyɛ mfonɔ no akɛsɛ de bobɔ kwan ho no. Abusua no tua sika ansa na wɔanya ho kwan de mfonɔ no abɔ bɔɔdo no so. Bɔɔdo awuranom binom nso wɔ hɔ a, wogyina beae a wɔyɛ bɔɔdo no asi so na wɔbɔ ho bo.

Sɛ mfonɔ a wɔde femfam ban ho, nnua ho ne mmeae mmeae ahorow pii da nkyɛn a, abusua bi nso nam kaade so bɔ ayi ho dawuru san to nsa frɛ anuanom ne adɔfo ma wɔbɛboa de gyam wɔn wɔ ayi no yɛ mu. Wotumi de kaade yi kɔma owufo no adwuma mufo, mpanyimfo binom a wonim no, nnamfo ne wɔn a wɔkɛka ho nyinaa. Sɛ owufo no wɔ mma na wɔyɛ adwuma wɔ baabi a, wɔde kaade no bi kɔ adwuma no mu kɔsɛ wɔn ayi de bɔ wɔn agya wu no ho dawuru kyɛrɛ adwuma mu fo no. Ɛtɔ mmere bi a wotumi de owufo no mfonɔ ba kaade no so na ebi nso wɔ hɔ a enni so. Sɛ abusuafo no hyia nnawɔtwe da no yɛ ayi no ho ntotoe nyinaa wie a, aka nnawɔtwe abien de kɔ abiesɛ so ma ayi da no adu na wɔde kaade no kɔ. Abusuafo no bi mpo tumi de telefon frɛ anuanom

ne adɔfo a wɔato nsa afɛ wɔn no kaakae wɔn bere ano bere ano kɔpem sɛ ayi da no beduru so.

Ennɛ abɛɛfo kwantɛnpɔn biako nso a agyɛ din na ɔmanfo nam so bɔ ayi ho dawuru ne „Facebook“, „Whatsapp“ ne „Twitter“. Wɔnam ɛyinom so de owufo no mfonin ne ayi no ho nhyehyɛ biara a abusua no ayɛ to gua ma ɔmanfo hu. Wɔn a wobɛnya ho akɔ ayi da no ma obusuani no hu no prɛko pɛ. Wɔsan nam kwantɛnpɔn yi so tumi ma obusuani no yaakɔ.

Amponsah (1975) nsem mu no, ɔkyerɛ sɛ sɛ obi wu a abusuafo mpe ntem mmɔ ho dawuru nkyerɛ ɔmanfo kɔpem sɛ abusuafo bɛyɛ ho ntotoe nyinaa awie ansa wɔ Brong Ahafo. Ɔkyerɛ sɛ sɛ wɔbɔ ho dawuru kyere anuanom ne adɔfo a, wɔde su bɛba beaɛ a owufo no da no. Ɔde toa so sɛ ansa na obi betumi asu, gye sɛ wodi kan kɔbɔ ɔhene a ɔwɔ kuro no mu amannɛ wɔ nea aba ho anyɛ saa a, wɔbɛbɔ abusua no ka GH¢0.93 asanu ne nsanu.

Akwamuman mu no, sɛ ɔhene bi wu a, wɔmmɔ ho dawuru prɛko pɛ nkyerɛ ɔmanfo. Abusua, ahemfo ne nnipa a wodi nʼayi no ho akotene yɛ ɛho ntotoe nyinaa wie ansa na wɔbɔ ho dawuru ama ɔmanfo nyinaa aso ate. Sɛ obi pɛ ne ho asem kɔbɔ ɔhene ne titiriw ɔhɛmpɔn bi wu ho dawuru ntem so kyere ɔmanfo a, wɔkyere no na wɔne no di no anibere so. Etumi ba sɛ ɔhene bi wu a, ebedi bɛyɛ bosome abiesɛ de kɔ anan so ansa na wɔbɔ ɛho dawuru akyerɛ ɔmanfo. Ebi mpo tumi di bɛyɛ afe ne akyi ansa wɔbɔ ɛho dawuru sɛ ɔhene no kɔ nʼakuraa. Nea enti a wɔyɛ eyi ne sɛ, wodi kan toto ɔhene no akyi pɛ oniiko a ahenni no adu no so kyerekyerɛ no amanne ne amammerɛ nyinaa ansa na wɔasie no. Eyi da nkyɛn a, ahensɛm mu ntawntawa ne nsensɛm bi nso tumi twe ɔhene bi

ayi ho dawurubɔ kɔ akyi. Enne wɔnam abeɛfo kwan ahorow yi so tumi bɔ ɔhene bi wu ho dawuru a anka kan no na ente saa.

2.4 Amu ho Asiesie

Onipa wu a, na enkyere se n'awiei ara nen mmom yewɔ gye di a Akwamufo ne Akanfo gyedi se onipa wu a, ɔkɔtoa n'abrabo so wɔ asamando. Adwen a etaa saa gyedi yi akyi nti wohu owufo no se obi a ɔretu kwan nti wɔnkɔtow owufo no nkyene keke mmom wosiesie ne ho de nneema biara a obehia n'akwantu mu ka ne ho.

Amu ho asieisie ye ade a eho hia efise ewɔ sunsum mu nsunsum. Ateasefo apɔwmuden ho hia yiye bere a obi resiesie amu/funu ho. Nea osieisie amu ho tɔ ne bo ase ye no yiye, yi efi biara a ewɔ ne ho efise, wosusuw se ɔrekɔ baabi foforo akɔtoa n'abrabo so. Wosiesie amu no ho senea ɔhyew mma amu no nsee ntem. Se obi Akwamuman mu a, akwan ahorow abien na wɔfa so siesie amu ho. Nea edi kan ye nea abusuafo no ara ye enna nea etɔ so abien nso ye nea wɔde ma wɔn a wosiesie amu ho no ye.

2.4.1 Abusua Asede

Kan no na enanom mpanyimfo no wɔ kwan pɔtee bi a wɔfa so twe nsu fi amu mu senea ebɛda ho a emporɔw kɔpem se wobesie no. Wɔde no to fam (baabi a wɔakwaw anaa wɔaka ho semente) na wɔde gyeenegyenedua anaa gbedegbededua ne akyampɔn ahaban akata ne so. Ebinom nso de semente sa amu no ma ekye ne yam nneema no nyinaa na wɔyam akakaduru, hwentea, wisa, pɛpre de sra ne ho. Nea wɔye yi tumi ma amu no da ho kye a emporɔw nyi hwa biara. Wowie a, wɔde no si kuruwaba so tweri tokuro bi mu ma ne mu nsu no nyinaa twe fi ne mu gu kuruwaba no mu. Ebinom nso de

nsahyew gu n'ānom ma ekōnoa ne yam nneema no. Enne adakotafo wō akyenkyen nnuru ahorow a wōde wō amu no twe ne mu nsu nyinaa.

Enne yi wotumi guare amu no wō ayaresabea (mōkyere) anaa ofi a onipa no tenaa mu. Mpen pii se woguare no wō mōkyere na wōde no ba fie a, abusua no nsan nguare no bio na mmom ebi nso de nsu popa ne ho ansa na wōasiesie ne ho. Eyi nti abusuafo no bi tumi kō mōkyere hō na wōma woguare amu no senea wōpe. Abusua bi nso wō hō a wōde amu no ba fie beguare wōn ade, kyere se mōkyerefo aguare no nsō wōn ani.

Se wōde amu no fi mōkyere ba na ansa na wobeguare no anaa popa ne ho no, wōye amanne a ese biara ansa na wōde nsu aka no. Se ebia owufo no hyiaa akwanhyia anaa otōo ne kōn na ode wui a, wogu nsa fre no ka kyere no se wōde no aba fie nti ommehwē na biribiara nkō so waano waano kōpem n'ayi no ye mu. Shino (1997:241) kyere se obi tō wō Kenya nripakuw bi a wōye Luofō mu a, amanne ahorow du nan na wōye de ma owufo no kōpem se wōde no bekō amusie akosie no. Amanne yi ne se;

- Wodi kan bō owu no ho dawuru
- Wosi pe
- Wōkōbō eda
- Wōye ayi na eha na abusua no ka owufo no ho nsem biara kyere adōfo.
- Wōde amu no kō baabi a abusua no hyia di asem
- Woyi oyere/okunu ne mma ti so nwi. Se oyi oyere anaa okunu no de a, nnawōtwe abiesa anaa bosome baako ansa na wōayi mma nso de.
- Abusuafo no kō wōn fi (ōba panyin na odi kan kō na nea otō so abien ne abiesa atoa so kōpem se wōn nyinaa befi abusuafe hō)
- Wōnoa aduan de kogu owufo no nna so (mmea awarefo na eye eyi mpen abien)

- Abusuafo no noa aduan didi gye wɔn ani.
- Wɔkɔ okunafo (ɔbarima anaa ɔbea) no fi nsrahwe. Se owufo no ye ɔbarima a, ɔbea kunafo no ne ba barima a odi kan kɔ ne nanabea fi.
- Agyapade kye
- Nkaakae (saa bere yi na abusuafo no hyia wɔ ofi a owufo no sii mu kae no)
- Nsewnom noa aduan bre abusuafo no.

Mmom enye nnipa no nyinaa na wɔye amanne yi ma wɔn. Se ɔye ɔpanyin a, wɔye amanne no nyinaa de ma no. Se ɔye ɔbea anaa ɔbarima, ɔwɔ yere anaa onni yere ne ne mfe a wadi no na ebekyere se wobeyi amanne no bi afi mu anaa wɔrenyi.

Wɔde amu no fi mɔkyere ba na wobegware no a wɔde nsu si ogya so na wɔma ɛdɔ senea onipa a obegware no betumi de ne nsa ato mu. Wɔmfa nsunwin mfra nsuhyew a wɔde guare amu no mu. Kan no na wɔma nsu no dɔ (huru) yiye nanso nne yi de wɔmma no nnɔ saa. Nea wɔye ne se wodi kan bubu amu no mmɔwere yi ne ho nwi nyinaa kama. Wowie a wɔkyekyere aworɔw ne nwi no wɔ ntamagow bi mu to kyen. Adu-Gyamfi (2010) kyere se wɔde amu no awerew a woyi no ye suman de pam owufo no sasa biara a ebedi ne mma no akyi. Asante ne Bono mmeae bi mpo de wɔde mmɔwerew (nan ne nsa) ne nwi no gu fundaka no mu ma ɔde kɔ. Ɔkyere se wɔye eyi nyinaa senea ebeye na wɔwo owufo no ba asaase yi so bio a obetumi aba se onipa mu.

Akwamuman mu mma anaa agya mma tumi guare amu no. Wodi kan ma agya no akyi mma biako se ɔye ɔbea anaa ɔbarima betu nsuhyew gu amu no so mprensa na ɔkasa kyere amu no se wɔde no aba fie ansa na wɔafi ase agware no. Amponsah (1975) kyere se Asante ne Bono mmeae bi mu, owufo no mma anaa abusuafo no bi na wogware siesie amu no ho. Ɔtoa so kyere se, se owufo no dɔm asafo kuw bi a wɔn nso tumi besiesie ne

ho. Wode sapɔw a wɔboro na eguare amu no. Eye wuram ahama bi a wɔfrɛ no sonantew anaa ahensaw na eye sapɔw no. Ahensaw no ye ahama a ewɔ dua ho na sonantew no nso ye ahama saa ara. Se wokotwa nhama yi a wode sonantew no ka ogya kakra ma eye mmerew na wɔbobɔ so yiye hohono no fi ho na wɔboro ma eye te se sawere na wɔtetew mu nketenkete ma emu nwura no nyinaa porow gu. Wode gu awia mu hata ma ewo ansa na wɔayi bi de aguare amu no. Nneema binom a wode siesie amu ho bi ne samina, mpopaho, danta, pawda, nku, sumii, afe, ntaare, bɔbrapa bokiti, nnuhuam. Saa nneema yi nyinaa ye foforo. Se owufo no ye ɔbarima a ɔwɔ yere a, ne yere no na ɔtoto nneema yi. Adu-Gyamfi (2010) kyere se, kan no se obi wu na wosiesie ne ho a, wode borɔde baha na eye sapɔw guare no wɔ Bonoman mu.

Woye sapɔw yi wie a abusuafo no di kan yam pɛpɛ, hwentea, nketenkete, salaase ne wisa bɔ to ho. Mfare a nneema yi de ba no te se krobo. Krobo ye aduhwam bi a kan no se ɔbea wo a, ɔde bobɔ ne ho. Woguare amu no senea onipa biara guare pɛpɛpɛ. Woguare no fi ne tirim de besi ne nan ase. Wodi kan guare n'anim wie ansa na wɔadan no abutuw aguare n'akyi. Wotumi nso de no tena ase guare no. Se ɔye ɔbarima panyin a ɔwɔ mma mmарima a wɔbepagya pagya no ma mmea mpanyimfo no guare no. Woguare no wie a, wɔpopa ne ho de no to kete so. Wɔbɔ no pawda, sra no nku na se kuru bi wowɔ ne ho a wode pawda no bi hyehye mu ma ewo senea ebeye na nwansena mmesisi kuru no so mma emmfi ase mporɔw. Wowie eyi a, wɔmo no amoase. Se amu no ye ɔbea a, wosina ahene foforo gu n'asen senea wobetumi de amo no amoase. Wɔmo no amoase hye no pieto wie a wɔsan mo no danta. Afei wɔhye no ataare na mmарima a ewɔ abusua no mu ma ne so de no kɔma wɔn a wosiesie amu ho no ma wɔn nso fi ase ye wɔn adwuma.

2.5 Ɖpemfo Ayiyɛ

Ɖpemfo wu a, Akwamufo bu no sɛ ɛyɛ mmusu na ɛyɛ atɔfo wu nso. Eyi nti wɔnnɔyɛ no ayi te sɛ nea wɔato ne kɔn awu. Sɛ bere du na wɔde no fi mɔkyere reba a, wɔmfafa no mma kuro no mu mmom wɔde no besi kurotia. Ɛhɔ na wɔde berɛw yɛ danto bi de no to mu. Amu no aguare ne nsiesie nyinaa kɔ so wɔ ɔdan yi mu. Kurotia hɔ na wɔma anuanom ne adɔfo kogyinagyina ne ho. Wɔmma kwan mma wonsu no.

Sɛ wɔde amu no kɔ amusie a wodi kan pae ɔpemfo no yi abɔfra no sie ɔno nkutoo wɔ maaame no nna nkyɛn. Opoku (1973) kyere sɛ Akanman bi mu, wɔde ntama fitaa kyekyere maame no sisi de gyabiriw yɛ nsensan wɔ ne koko so. Adu-Gyamfi (2010) nso de to gua sɛ, ɛyɛ mmusu wɔ Asante amammerɛ mu sɛ wobesie nnipa baanu wɔ fundaka anaa ɛda biako mu. Ɖkyere sɛ woyi abɔfra no to kuku mu sie no wɔ ɛda foforo mu bere a wɔde maame no to adaka mu sie no. Akwamuman mu no, wɔkyekyere abɔfra no wɔ adedenkuruma ahaban mu na wotu fam wɔ sumina so de no hyɛ hɔ. Adedenkuruma yɛ wura bi a etaa fifi wɔ sumina so.

Achana (1993) de toa so sɛ, sɛ ɔpemfo wu wɔ Kasena-Nankana a wɔyɛ n'ayi senea onipa biara wu a wɔyɛ n'ayi pɛpɛɛpɛ nanso wonyi abɔfra no wɔ maame no yam. Wodi kan sie wɔn baanu no nyinaa wɔ ɛda biako mu. Ɛda a wɔde wɔn to mu no wɔnkata so amonomu hɔ ara. Achana kyere sɛ gyidi a wɔwɔ wɔ eyi mu ne sɛ, ebia na ɔdasum no nananom nsamanfo abɛyɛ maame no mmoa awo abɔfra no. Ade kye a, wɔkɔ nna no so kɔ hwɛ nea asi. Sɛ nea wɔn gyidi kyere wɔn sɛ ebesi sɛ nananom nsamanfo bɛboa ma wawo no antumi ansi a, funsiefɔ kɔpae ɛna no amu no yi abɔfra no sie no wɔ ne maame no amu no atifi. Afei wɔkɔkata maame no da no so.

Wosie amu no wie a abusua no ntena kurotia hɔ nyɛ ayi no mmom wɔkɔyɛ ayi no wɔ kuro no mu. Abusua no betena ase gye nsawabɔde. Adu-Gyamfi (2010) kyere se kan no se obi wu wɔ Asanteman mu a, wɔbɔ apata wɔ wuram ma ɔbarima okunafo no kɔtena mu adaduanan. Mmea mpanyimfo nkutoo na wɔwɔ ho kwan se wɔde aduan ne nsu kɔma no wɔ wuram hɔ. Da a etɔ so dunan wɔ adaduanan no akyi wokoyi ɔbarima no ti so nwi nyinaa bubu ne nan ne ne nsa mmɔwerew nyinaa kama ansa na wɔde no aba kuro no mu. Wɔyɛ eyi senea ebeyɛ na mmusu a ete saa mma ɔbarima no so bio. Wogyɛ di se wɔyɛ Kristofo enti amammerɛ no nni wɔn so tumi bio. Enne yi se ɔpemfo wu wɔ Akwamuman mu a, abusua dodow no ara mfa wɔn amu no mmesi kurotia/akwantifi bio.

2.6 Ayi a wɔyɛ ma ɔbea a wakɔ awo ato

Se ɔbea rekɔ awo a Akwamufɔ kyere se ogyina akono a enye agoru koraa. Enye mmea nyinaa na wɔkɔ ɔko yi a, wotumi ba fie bio. Eyi gu mu ahorow abiesɛ. Nea maame tumi fi ɔko no mu ba fie nanso ne nsa nka ne ba, nea ɔbea no ne abɔfra no nyinaa tumi tɔ wɔ ɔko no mu ne nea ɔbea no nso tumi tɔ nanso ne ba no nya nkwa. Eba se ɔpemfo bi ko awo tɔ a, n'ayi a wɔyɛ ma no te se nea wɔyɛ ɔpemfo a watɔ pɛpɛpɛ. Ene se wɔde amu no fi mɔkyere ba a, wɔde no besi kurotia bɔ apata guare siesie ne ho ye biribiara wɔ apata no mu. Wowie a, wɔma anuanom ne adɔfo kwan ma wobesu no. Eno akyi wɔde no kɔ amusie kosie no. Mmom ansa na wɔde no bekɔ akosie n'amu no, wodi kan yi apae ma amu no srɛ nananom nsamanfo se wonsiw mmusu a ete sɛɛ ano mma wɔn. Wɔyɛ eyi wie a wotumi de amu no kɔ amusie kosie no. Wofi amusiei ba a, abusua no betena ase wɔ kuro no mu ye n'ayi gye nsawabɔde.

Ade titiriw a ewo ohea a wako awo ato ho ne se, se wode n'amu no ba kurotia ho a enni ho kwan se opemfo biara ba saa beae ho bi kopem se wobeyi mpae akosie no aba. Se wokosie amu no ba a, opemfo biara tumi ko beae a woreye ayi no. Se mpo ohea koro no fa yafunu na ote se n'adamfo ako awo ato a, onni ho kwan se oko ho koraa. Bio, se mmea mpanyimfo rebedi nkommoo a efa ohea a wako awo ato ho na opemfo bi wo ho a, woka kyere no ma opra n'aso akyi. Eyi kyere se woma oyi n'adwen fi asem a woreka no so. Enni ho kwan se owo saa tebea no mu no ote asem a ete saa. Mpo se opemfo no hwe na ebhaw no a, osore fi adi. Mmom se wodi saa nkommoo no wie de a, otumi san ba beae ho bio.

Kan no anka opemfo ko wo awoe a, wotaa to paa ara nanso enne entaa nsi efise adokotafo wo mfiri ahorow a wotumi de hwe abofra a oda yafunu mu kyere da anaa bosome a maame no betumi de awo. Se mpo ekoba se awo no mu koye den a, wowo mfiri a wotumi de pae maame no yi abofra no a hwee nye maame no. *Indexmundi* ye abeefo kwantenpon na ede to gua se afe biara mmea a woko awo to no so ate wo oman Ghana mu. Afe 2014 ye 7.37% na afe 2016 ye 7.1%. Nabofa (1998) akyere wo Adu-Gyanfi (2010) mu se, se ohea bi wo na amonomu ho ara owu a, wowo gyidi bi se maame no saman no beba abofra no ho. Eyi nti woye amanne de pam maame no sasa fi abofra no ho. Okyere se wobobo fundaka ketewa (eyi taa ye pepa adaka) bi de aboduaba to mu de to maame no nkyen wo fundaka no mu ansa na wোকosie no. Woye eyi senea emma maame no ani ntan no na ommefa ne ba a ote ase no nko.

2.7 Fea Ayiye

Se owofa bi ba nwuu da na obiako fi mu a, wofre owufo no se oye fea. Fea ayiye nnye ade a Akwamufu taa see bere wo ho tena ase ye no ayi papa biara. Ene se se awofa

no ba bi wu se nyepanyin anaa abofra a wonye no ayi. Mpen pii se fea no ye abofra a, wosie no da da se owuu atofu wu anaa owu pa. Womfa amu no nko amusie mmom wode no ko wuram baabi a nnipa ntaa nko ho na ebinom mpo tumi kosie no wo kookoo ase. Awofu no nnidi gye se wakosie no aba. Se woba a, wokum akoko ye aduan ma awofu no didi. Ebi nso wo ho a wofufuw to de nkesua to so ma awofu no tena ase didi. Woye eyi de kyere se wompe saa mmusu no ba abusua no mu bio. Wokosie amu no ba a, abusuafo no ntena ase nye ayi biara.

Kan no se awofu bi ba wu saa a, womma adofu a wobegyam won no hwee na saa ara na wommo nsawa nso. Wofi amusie ba a, obiara ko ne fi na woma awofu no koguare fura ntama fitaa. Nea enti a wofura ntama fitaa ne se ebia na awofu no mma no bi wo ho anaa ohea no ntwaa awo. Se wofura ntama tuntum de a, na ekyere se awo no atwa nanso fitaa a wofura no kyere se awo nsan mmra. Mmom se abusua no pe de a, woma ahoho no nsu nom. Wommo nsawa mmom se adofu no wo biribi de ma awofu no de a, wode ma won. Enne Akwamuman nkurase binom de eyi bi di dwuma nanso enoso. Bio se onipa a wawu no yepanyin na awofu no renwo bio a, wodeda no ye no ayi.

2.8 Ahemfo Ayiye

Se ohene bi wu wo Akwamuman mu a, wontaa nka se ohene no awu mmom woka se „nana ko n'akuraa“. Woka eyi senea ebeye na wote se nana awu a, basabasa biara mma kuro no mu. Bonsu (1993) ada no adi wo Adu-Gyamfi (2010) mu se, Akanman mu se ohene yare a, wonka no tra a mu saa mmom woka se okyeame na oyare. Eba se okyeame yare de a, nsumankwahene wura kwae mu tew aduru beye nana. Akan amammere mu no eye Gyaasehene asede se ohwe ma ohene ho to no bere a oyare. Se nea nsumankwaahene ne ahemfi ho nnipa beye biara antumi antentam na nana ko n'akuraa a, nnipa a ewo ho no

nyinaa fi adi ma aka Dabehene nkutuu. Okobɔ ɔhemmea amannee se mmenkensoro asi ne ti ase nti ɔmmema no bresu. Se ɔhemmea de bresu no rema nana a, aka nsem a ewɔ ase ha yi;

Nana Asomasi
Owu kura ade a, nkwa ntumi nnye
Se ebaa se yemfa sika anaa
Nnipa mpere wo nkwa a,
Anka abusua ne wo manfo beye
Nanso amma no saa.
Nea onipa pe na owu nso pe
Woreko akoto mpanyimfo
Yesre wo kobɔ amannee pa.
Kosi nsamankwan
Abusua kakra a aka akyiri yi nkwa so
Mma obi nwu bio.
Wo manfo beye w'ayi fefee de ahye wo animuonyam
Yesre wo, mma basabasa biara nsi w'ayi ase
Abodin-a- keka nye de
Eka biara a yebɛɔ no, yenya sika ntua.

(Hwe Adu-Gyamfi 2010:32)

Se ɔhemmea ye eyi wie a Gyaasehene toto apon a ewɔ ahemfi ho nyinaa mu ma ehɔ ye dinn. Nnipa a ewɔ ahemfie ho nye biribiara mma obiara nhu se biribi asi wo ho. Soodofo noa aduan da biara senea ebeye na ogya nnum wo ahemfie ho. Gyaasehene ne adehye abusua no hyia ye ntotoe biara pe da a wode beye nana ayi. Saa bere yi na wotumi bo Kurontihene amannee wo nea asi.

Ohene to a enye amonomu ho ara na wobɔ ho dawuru kyere kuro mma mmom, wɔtwɛn bere kakra ansa. Etumi mpo ba se ohene bi to a edi abosom asia de ko afe so ansa na wobɔ kuro mma amannee. Ohene to a, wosoma kobɔ ne wu no ho amannee kyere n'abusuafo, adɔfo, ahemfo binom ne mpo ɔmanpanyin. Aban mu mpanyimfo binom wo ho a wonim ohene no nso a, wobɔ wɔn amannee pɛpɛpɛ. Abusuafo no hyia hye da a

wɔde besi pɛ. Ansa na eyi betumi akɔ so no gye sɛ wɔpɛ nea ahenni no adu no so si no hene ansa na wɔbɛyɛ nʼayi no ho ntotoe biara a wɔayɛ. Abusuapanyin, mma ne ɔhemmea fura kɔbene.

Ade biako a ɛwɔ ahemfo ayiyɛ ho ne sɛ wɔde nnawɔtwe biako na esi hɔ de ye nʼayi. Wɔyɛ eyi ma ahemfo na nnipa titiriw biara a wonim ɔhene no ne no bedi nkra. Ɛsan boa ma ahemfo nkae a ɛhyehyɛ nʼasɛ no besuae kyere no.

Wɔn a wosuae kyere ɔhene no de kasakoa, ɛbɛ ne nneyɛɛ ahorow bi ka se;

Me Kotoropɛɛ hene a mete
Kotoropɛɛ akongua so,
Wo Nifahene ne me
Ɔdomankoma Wu a ekura
Ade a onipa ntumi nnye
Sɛ anka ɔsa na yɛkɔɛ
Na wotɔɛ na sɛ manhuri
Antra wo ankotwa ɔsahene no ti
Ammesie wo a,
Anka meto ntankese

(Maame Comfort Obeng Kwayisibea)

Fosu (2000) kyere sɛ ɔhene wu a, wɔde agude, ahememma mpaboa, sika futuru, kawa a wɔde sika kɔkɔɔ ayɛ ne akofena hyehyɛ ne ho bere a wɔde no atɔ mpam. Saa nneema yi de ahemfo nkutoo na wɔde hyehyɛ wɔn bere a wɔatɔ.

Sɛ bere du na wobeguarɛ ɔhene no a, ɔhemmea ma ɔkyeame yi apae ansa. Ɛno akyi Dabehene ma wɔn a ɛyɛ wɔn asɛde sɛ woguarɛ amu no ne Ahememma koguarɛ no. Akanfo amammere mu no, Ahene mma na wɔde sapɔw (nea wɔde sonantew ahama ayɛ no) foforo tu nsu gu agya no so mprensa ansa na wɔaguarɛ no ankasa. Woguarɛ no senea woguarɛ amu biara (wɔn a wɔnyɛ ahemfo). Wɔde no kosi akongua so ma ne sunsum no tena akongua koro mu. Saa akongua yi na wɔde kɔhyɛ nkoguan no mu. Woguarɛ ɔhene no wie a, wɔde no kɔma nea ɛsɛ sɛ osiesie ɔhene no ho. Nea edi kan a ɔyɛ ne sɛ ɔde sika

futuru gu ntama ketewa bi mu kyekyere bɔ ne sisi. Afei ɔde sika futuru no bi sra ɔhene no na ɔhemmea ma wɔyɛ ɔtɔ de kosi adidibea. Ahemmea nketewa ne Ahene mma tena amu no ho didi. Wodidi ma eyɛ sɛ hwee nsii yɛ. Wowie a, Dabehene ma wɔde amu no kɔ dabekese mu kɔhyɛ no ataare. Wɔde no to mpa mu siesie no hyehyɛ no agude nneema ahorow pii. Ahenemahene ne mpanyimfo binom kura mmena tena amu no anim. Saa bere no wɔn a wɔbɔ nana mframa nso yɛ krado bɔ n'amu no mframa pam nwansena biara fi ho.

Wosiesie ne ho wie a, Gyaasehene ne abusuapanyin soma ɔkyeame kɔbɔ Kurontihene amannee. Sɛ asomafo no rekɔ a, wofura birisi anaa kuntunkuni de gyabiriw yɛ nsensan wɔ wɔn mmati de mmerɛnkɛnsɔno kyekyere wɔn kɔn mu. Wɔyɛ eyi de kyere awerɛhow a wɔwɔ mu. Wɔnam na wodu kurow biara so a, wɔse ɔkyeame no ma ɔkɔse ɔhene a ɔwɔ kuro no mu ayi. ɔhene no te nea aba no a, ɔfre ahemfi hɔ nnipa de to wɔn anim ma wɔkɔfurafura wɔn birisi ne kuntunkuni ba. Eno akyi ansa na wɔabɔ kuromma no nyinaa amannee.

Ansa na wɔde amu no bɛto adaka mu no, ɔkyeame yi apae ma ɔhene no kyere n'ahofama ne mmoa a ɔde abeboa kuro no. Eno akyi ahemfo a ehyɛ n'ase no nyinaa besuae kyere amu no. Ahemfo binom tumi to tuo gu wim de kyere sɛ wɔredi awerɛhow, pam ahonhom na wɔde kyere wɔn akokoduru nso.

Abrafo ne Adumfo na wosie ɔhene. Wosie ahemfo ɔdasum bere a obiara ada. Ebinom nso wɔ hɔ a wɔma wosie wɔn wɔ ofi a wɔte mu. Ahemfo binom wɔ hɔ a wɔde sika futuru ne sika kɔkɔw/agude ahorow bebree gu fundaka no mu sie wɔn. Eyi nti na wɔmma obiara nhu beae a wosie wɔn amu no, enyɛ saa a, nnipa bɔnefo beko akotu ayiyi saa nneema no nyinaa.

Kan no agorudwom bi te se Adenkum, Nnwonkoro, Adowa, Kete na wogoru wɔ ahemfo ayi ase gyegye ɔmanfo ani nanso enne „live band“ ne „spinners“ na agye atese wɔ ahemfo ayi ase.

Achana (1998) kyere se Kasena-Nankana se ɔhene bi wu a, wɔmmɔ ne wu no ho dawuru ntem so. Wobu ahemfie no nkyen baabi tu amena wɔ hɔ sie n'amu no. Wowie a, wɔnoa nantwibin ne dawadawa kwa dan no ho. Ɔkyere se wosie ɔhene no wie a, wɔpe da bɔ ɔhene no wu no ho dawuru kyere kuro mma no. Ade titiriw a Achana de too gua na ɔkyere se ekɔ so wɔ Kasena-Nankana ne se, ɔhene wu a, wɔtwe no wɔ fam na ekɔ amusie hɔ. Ɔkyere se wɔye eyi senea ɔmmefa wɔn a wɔkosie no nkɔ. Ɔtoa so kyere se wɔde nkuto na esra ɔhene no amu no wɔ Kasena-Nankana.

Kan no se ɔhene wu a, enye ne nkutoo na wosie no mmom wokum obi de ka ne ho kɔ. Enne eyi kɔ so wɔ Akwamufie nanso esiane se kuro no mufo nim eyi nti, se ɔhene to a, wɔmma mmɔfra biara mpue abɔnten bere a nnɔnsɔn abɔ. Bio, nne wɔdeda ahemfo a wotumi de wɔn tena ase anaa gyina hɔ ma anuanom ne adɔfo behwe no.

2.9 Funnaka

Onipa wu a Akwamufo mfa no nkɔhye fam wɔ amusie hɔ saa ara mmom wɔye fundaka a efata de amu no to mu (Osei-Mensah, 1999). Fundaka a wɔye no mpen pii taa gyina oniikoro a wawu no so, se ɔye ɔhempɔn, abofra anaa ɔpanyin. Enne wotumi gyina adwuma anaa biribi a onipa no ye anaa pe so ye eho fundaka de sie no. Eyi nti ama enne nsakrae beberee na aba fundaka a wɔde sie amu mu. Se fundaka a wɔde besie amu no da onipa a wawu no adwuma anaa biribi a ɔte ase no ɔpe paa ara adi a, mpem pii etaa gyina abusua no so se wɔwɔ sika anaa wonni sika. Abusua bi tumi kra fundaka fi amanɔne de

besie wɔn dehye na ebinom nso ye no wɔ ɔman yi mu ara. Enne fundaka ahorow beberee no ara na wɔye wɔ ɔman (Ghana) yi mu.

Fosu (2000) kyere se kan no, se obi wu a nnua bi te se wawa, odum ne danwoma na wɔde ye fundaka. Se wɔde dua yi mu bi beye fundaka asie obi a na ekyere se onii no som bo anaa ɔye onipa titiriw a n'anim wɔ nyam wɔ abusua no mu. Ahemfo afam de ɔdanwoma ne odum na wɔde ye fundaka sie wɔn efise eye dua a eye papa na ne bo nso ye den. Fundaka bi wɔ ho a wɔde nneema bobo ho ma eye hyirenn. Nneema a wɔtaa de bobo ho no ye nea ema fundaka no tew gya. Akapentafo tumi de ahwehwe ye fundaka ma wogyina akyirikyiri mpo a wotumi hu amu no wɔ mu.

Eyi da nkyen a, ahosu ahorow na wɔde ka fundaka ho. Ebi tumi ye biako (fitaa) anaa nea eboro saa (fitaa ne tuntum anaa tuntum ne kɔkɔ). Mpen pii se onipa no ye ɔpanyin a wabo bra, wɔ animuonyam wɔ abusua no mu a, wɔtaa de fundaka fitaa na esie no nanso eyi taa gyina abusua koro no so.

Enne fundaka bo wɔ soro yiye esiane nneema a wɔde hyehye ho san de sesew mu ma eye fe nti. Etumi mpo ba se akapentafo no bi tumi beyiyi nneema a wɔde abobo fundaka no ho ansa na abusua no de amu no ahye fam. Eyi taa ye ntease apam a eko so wɔ abuaa ne Akapentafo no ntam. Eba saa de a, wote fundaka no bo no so ma abusua no. Eba se eyi betumi asi a, na ekyere se abusua no ani gye fundaka koro ho pa ara nanso enne eyi ntaa nsi.

Teshie-Nungua ye boron bi a ewo Nkran. Eho na fundaka a nne aba guaman so hyee ase wɔ. Wogyina nneema a atwa yen ho ahyia ne nnwuma a nnipa ye so de ye fundaka ahorow bebree ton. Wotumi ye fundaka bi te se mpaboa, enam, loore, kyerew kronkron, kyerewdua, kookoo, sanku, tetefon, wimhyen, etuo, mako, sigareeti ne nea

ekaka ho. Mpen pii se abusua no pe se wode fundaka yi mu bi sie won dehye no a, wobɔ ho ka kotɔ besie no. Kan no se wobehu se abusua bi de fundaka a wode dua aye de nneema abobɔ ho sie won dehye bi a, na ekyerɛ se biribi wɔ abusuafo no nsam paa ara nanso nne woye eno mpo a, nnipa hu se wunni sika. Beyɛ mfe dunum akyi ni, na asiesie papa biara nhye da nni fundaka ho saa nanso enne de wosiesie ho paa ara ma eye fe yiye.

2.10 Muabɔ

Ɔfa yi ahwe animdefo binom adwenkyerɛ a wɔakyerɛ na ene dwumadi yi nam kwan baako so. Atwe adwen asi so se beyɛ mfe dunum ni na nneema pii wɔ ayiyɛ mu a enne asesa, ekyerɛ se nsakrae aba mu pii. Ebi ne fundaka a wode sie amu, ayi a woye de ma atɔfo, fea, ɔpemfo a wakɔ awo atɔ, ɔpemfo a wawu ne nea ekaka ho. Afei ɔfa yi aboa ama yeahu kwan ahorow a beyɛ mfe 15 na wɔfa so siesie amu ho na ada adi se saa bere no na won a wode funksiesie aye adwuma siesie funu gye ho sika nni ho saa. Ɔfa a etoa so no hwe okwan a mefaa so yee me nhwehwemu yi.

ƆFA ABIƆSA

ƆKWAN A MEFAA SO YƐƐ NHWEHWEMU YI

3.0 Nnianim

Ɔfa yi fa akwan ahorow a mefaa so yƐƐ nhwehwemu yi ne akwan ahorow a menam so de nyaa me nsem no nyinaa. Nneema titiriw a ɛda adi wɔ ɔfa yi mu ne nhwehwemu kwan, nnipa dodow a mepaw wɔn yƐƐ nhwehwemu yi, ɔkwan a mefaa so nyaa saa nnipa yi ne senea mefaa so yiyii nnipa pɔtee a mihia no. Bio, nhwehwemu kwan ahorow a ɛne mfonitwa, ahwee ne nkɔmmɔtwetwe nso wɔ ɔfa yi mu na makyerɛkyere ɔkwan a mefaa so dii dwuma ahorow yi nyinaa.

3.1 Nhwehwemu Kwan

Mede nhwehwemu nkyerɛkyeremu ne nhwehwemu a egyina nsem papa so na edii dwuma. Nhwehwemu a egyina nsem papa so no boa ma wotumi hu suban a nhwehwemufo no tumi da no adi na eboa wo ma wotumi nya nyiano ma wiase mu nsem bi a ɛkyere w*adwen so fi nhwehwemufo no ho (Dawson, 2002). Nhwehwemu kwan yi so na nhwehwemuni no nam tumi bisa nsem bi te se; aden nti, ɔkwan ben so, bere ben, ɛhe fa, de boa ma otumi twa beae a biribi kɔɔ so mfonɔ kyere no bere a ɔne ɔkasafɔ no rekasa (Kothari, 2004). Nhwehwemu kwan yi na etaa ye nhwehwemu ayede/adwumayede efise nsem a efi nhwehwemu no mu ba no mu dodow no ara na nhwehwemufo no de wɔn ho ka ho (nkɔmmɔtwetwe, ahwee, mfonitwa) wɔ beae a dwumadi no kɔɔ so. Afei ɔkwan yi so na nhwehwemuni no tumi paw nnipa a wobetumi aka biribi afa ne nhwehwemu no ho akyerɛ no (Dawson, 2002).

Nhwehwemu nkyerɛkyeremu botae ne sɛ ɛbɛkyerɛkyerɛ sɛnea biribi te ne su a dekode no wɔ mu fann (Kothari, 2004). Nhwehwemu akwan yi so na migyinae sɛnea ɛbɛboa ma biribiara a mehwɛe ne nsem a minyae no metumi akyerɛkyerɛ mu yiye.

Nhwehwemu yi mu, mankyerew me nsem a mikobisaa nkurɔfo angu nkrataa so ankyekye amma wɔn sɛ wonyi me ano. Mmom, obiara a ɔboaa me na minyaa mmuae maa me nsem no, mekwɔ ne nkyɛn ne no kɔtwetwee nkɔmmɔ. Nea enti a mankyerew me nsemmissa no ankyekye sɛ obiara a ne nsa beka bi nyi nsemmissa a mede ama no ano (sɛ ɔbɛkyerew anaa ɔbesan mmuae bi ase) ne sɛ, na mepɛ sɛ minya mmuae a ɛfata na edi mu nso. Nnipa binom nso wɔ hɔ a, wɔyɛ mpanyimfo a wonnim atwerɛ na wɔde wɔn mmuaɛe no awura mu. Bio, nsemmissa a mebisa wɔn no bi wɔ hɔ a ne nyiano a wɔde bɛma me no tumi san kɔfa nsemmissa/nkyerɛkyeremu foforo ba. Eyi nti sɛ mannya onipa no ne no anni nkɔmmɔ anim-ne-anim na migyae ma wɔn sɛ wonkoyi nsem no ano sɛnea ɛte no ara mma me a, merɛnya nyiano a edi mu na eyi bɛma nhwehwemu a mereyɛ no nni mu sɛnea mepɛ no.

Eno da nkyɛn a, sɛ me ne nnipa no te hɔ retwetwe nkɔmmɔ a, ne nneyɛɛ bi ne kwan a ɔbɛfa so abua me nsemmissa no ano no bɛma mahu sɛ nyiano a ɔde ama me no, wabua no yiye anaasɛ nyiano no hia nkyeremu foforo. Sɛ wote onipa no nkyɛn na wo ne no retwetwe nkɔmmɔ a, otumi nya atenka ne anigye bi po sɛ wode nnidi ama no sɛ waba n'ananim rebepe nea chia wo biara. Ɛba saa a wohu sɛ wɔyɛ nnipa titiriw. Sɛ onii no nim obi a wakwadare wɔ nsem a wopɛ no bi mu a, otumi fi akoma pa mu kyere wo oniiko no ma wokɔ ɔno nso nkyɛn.

3.2 Nyiyimu

Mede nyiyimu akwan ahorow abien na edii dwuma wɔ me nhwehwemu yi mu. Eyi ne botae nyiyimu ne annidiso nyiyimu a eyɛ tiawa. Kothari (2004) kyere sɛ annidiso nyiyimu a eyɛ tiawa mu no, nhwehwemuni no tumi paw nhwehwemufo no mu biara a onnyina dekode pɔtee a oniiko no yɛ so yɛ ne nhwehwemu no. Saa kwan yi so na menam paw nnipa aduosia ne wɔn twetwee nkɔmmɔ no. Nnipa a miyiyii wɔn saa no boaa me maa mihuu senea Akwamufo dwene fa wɔn ayiyɛ ho. Afei mede botae nyiyimu a eno nso nnipa a wɔn dwuma pɔtee a wodi no hia ma me nhwehwemu no. Mekɔɔ nnipa yinom nkyen efisɛ, wɔn dwuma a wodi no bɛboa ma mahu senea dwumadi no te wɔ Akwamuman nyinaa mu. Eyi na ɛmaa mekɔɔ nnipa binom te sɛ amu ho asiesiefo, fundaka soafo ne kapentafo ho.

3.3 Nnipa dodow a mede wɔ yɛ Nhwehwemu yi

Nhwehwemu yi fa Akwamufo ayiyɛ ho. Ne saa nti nnipa dodow a me ne wɔn twetwee nkɔmmɔ no nyinaa yɛ Akwamufo a wɔwɔ Akwamuman mu. Ahemfo a ɛdeda nkurow a atwa Akwamufie ho ahyia nyinaa, Ɔmanhene ne Akwamuhene. Eyi nti wɔn nyinaa yɛ Akwamufo preko pɛ.

Mekyɛɛ nnipa a mede wɔn yɛ nhwehwemu yi mu kuw abien. Wɔn a wɔn dwumadi fa ayi ho na ɛboa ma ayiyɛ tumi kɔ so ne wɔn a wɔn dwumadi biara mfa ayiyɛ ho na dwuma biara a wodi no nso mmmoa mmma ayiyɛ nkɔ so. Me dwumadi yi mu mepaw nnipa aduasa (30) na eyɛɛ nhwenhwemu no. Saa nnipa yinom nyinaa fi Akwamuman mu; beae a nhwehwemu yi kɔɔ so. Nnipa ahorow a mepaw wɔn no mu binom yɛ mmabunu, mpanyimfo, mmarima ne mmea, wɔn a wɔwɔ sukuu ho nimdee ne

wɔn a wonni sukuu ho nimdeɛ ne wɔn a wɔyɛ aban adwuma ne wɔn a wɔyɛ wɔn ankasa adwuma. Mede nnipa a wɔn dwumadi biara mfa ayiyɛ ho binom te sɛ akyerɛkyerɛfo, ntamatɔnfo, asɔfo mpanyimfo, adɛpamfo, akuafo ne ankorankorɛ du anum (15) na mede wɔn a wɔn dwumadi fa ayi ho na ɛboa ma ayiyɛ kɔ so nso du anum (15) na ɛyɛɛ nhwehwɛmu yi. Nnipa aduasa (30) no, wɔn mu du anan (14) yɛ mmea. Mede mmea mpanyimfo a wɔadi mfe beyɛ aduanan de kosi aduɔsɔn (40-70) ne mmea mmabunu a wɔadi mfe beyɛ aduonu de kosi aduasa anum (20-35) na ɛyɛɛ nhwehwɛmu yi. Nea enti a mɛfaa mmea mpanyimfo ne mmabunu a wɔadi mfe a ɛtɛ saa ne sɛ, ɛbɛboa mɛ ma mahu senea kan ne nne no na Akwamufɔ fa so yɛ wɔn ayi ne nsakraɛ a aba mu. Mmea du a mɛfaa wɔ no, emu mmea mpanyimfo yɛ awotwe (8) na mmabaawa nso yɛ asia (6).

Mede mmarima dunsia (16) a, emu mpanyimfo a wɔadi mfe beyɛ aduanan de kosi aduɔsɔn (40-70) yɛ nkrɔn (9) ne mmabunu nso a wɔadi mfe beyɛ aduonu de kosi aduasa anum (20-35) yɛ asɔn (7) na ɛyɛɛ nhwehwɛmu yi.

Ne nyinaa mu, kurow biara a mekɔ so no, mɛ ne mmea anaa mmarima mpanyimfo abiesa na ɛtwɛtwɛ nkɔmmɔ wɔ ho. Saa ara pɛpɛpɛ nso na meyɛ de maa mmea mmabunu no nanso mmarima mmabunu no de mɛ ne nnipa abien abien na ɛtwɛtwɛ nkɔmmɔ wɔ Gyakiti, Nnudu ne Aboasa na mɛ ne nnipa abiesa abiesa na ɛtwɛtwɛ nkɔmmɔ wɔ Akwamufie ne Akrade. Nea enti a mɛfaa nnipa dodow ne wɔn twɛtwɛ nkɔmmɔ wɔ Akrade ne Akwamufie ne sɛ, Akrade ne kurow a edi kan ansa na wawura Asuogyaman Mansin no mu na Akwamufie nso yɛ Omanhene kurow.

Eno da nkyɛn a, nnipa du anum (15) a wɔn dwumadi fa ayiyɛ ho no, emu kapentafo yɛ anum (5), fundaka soafo de wɔyɛ akuwakuw nti mede kuw anan (4) na ɛyɛɛ nhwehwɛmu yi na nnipa a wosiesie amu ho san siesie baabi a wɔdɛda no nso yɛ asia (6).

Ɔkwan a mefaa so de eyi dii dwuma ne se, kurow biara a mekɔɔ so no, me ne kapentafo mpanyimfo a wɔn ankasa abue wɔn nnwuma, afa nkurofo kyere wɔn adwuma abien na etwetwe nkɔmmɔ. Saa ara na meyeɛ de maa wɔn a wosiesie amu ne baabi a wɔdeda amu no nso. Wɔn a wɔsoa funnaka de saw nso me ne kuw abien biara twetwee nkɔmmɔ wɔ kurow biara a mekɔɔ so mu. Ɔpon 1.1, 1.2, 1.3, 1.4 ne 1.5 de nnipa dodow no nkyekyemu to gua.

Ɔpon 1.1 Nnipa a mepaw wɔn dodow

Nnipa	Dodow	Ɔha mu Nkyekyemu %
Mpanyimfo	17	56.7
Mmabunu	13	43.3
Mmoano	30	100

Ɔpono 1.2 Wɔn sukuukɔ mu

Sukuukɔ	Dodow	Ɔha mu Nkyekyemu %
Wɔn a wɔakɔ sukuu	18	60
Wɔn a wɔnkɔɔ sukuu	12	40
Mmoano	30	100

Ɔpon 1.3 Wɔn adwumayɛ mu nsem

Adwuma	Dodow	Ɔha mu Nkyekyɛmu %
Aban adwumayɛfo	10	33.3
Ankorankoro adwumayɛfo	20	66.7
Mmoano	30	100

Ɔpon 1.4 Nnipa a wɔn dwumadi mfa ayiye ho

Nnipa	Mmea	Mmarima	Dodow	Ɔha mu Nkyekyɛmu %
Mpanyimfo (mfe 40-70)	4	3	7	46.7
Mmabunu (mfe 20-35)	3	5	8	53.3
Mmoano	7	8	15	100

Ɔpon 1.5 Nnipa a wɔn dwumadi fa ayiyɛ ho

Nnipa	Mmerewa	Mmerante/ Mmabaawa	Kuw	Mmoano	Ɔha mu Nkyekyɛmu %
Funnaka Soafo	–	–	4	4	26.7
Kapentafo	–	4	–	4	26.7
Amu ho Asiesiefo	3	4	–	7	46.7
Mmoano	3	8	4	15	100

3.4 Nhwehwɛmu kwan ahorow a Mefaa so

Nhwehwɛmu kwan a mefaa so yɛɛ me nhwehwɛmu yi gu ahorow a ne nyinaa nso boaa me yiye maa minyaa nyiano a ɛfata nso. Nhwehwɛmu kwan ahorow a migyinaa so dii dwuma yi ne mfonitwa, ahwɛɛ ne nkɔmmɔtwɛtwɛ.

3.4.1 Mfonitwa

Mfonitwa yɛ nhwehwɛmu kwan biako nso a mefaa so nyaa me nsem no bi yɛɛ nhwehwɛmu yi. Esiane sɛ me wɛrɛ betumi afi nneɛma binom a mehweɛ nti, ɛmaa mitwaa mfonɔ sɛnea ɛbeboa me wɔ me nhwehwɛmu yi mu. Eyi nti mekotɔɔ „Digital Olympus Camera“ a ne bo som GH¢ 300.00 de twitwaa me mfonɔ a mihia no.

Nea meyɛɛ ne sɛ, abosome asia a mede sii m“ani so nyaa me nsem yɛɛ nhwehwɛmu yi no, nkurow anum a mekotɔɔ so no mitwaa mfonɔ wɔ ayi biara a mekotɔɔ ase.

Nnipa binom te se amu ho asiesiefo, kapentafo ne won a wsoa fundaka de saw a me ne won twetwee nkommɔ nyinaa mitwitwaa won mfonɩ. Ebinom wɔ hɔ a mitwaa won mfonɩ no wɔ won adwuma mu (kapentafo ne fundaka soafo) na ebinom nso no mitwaa won wɔ won aƒi mu.

Memaa obiara a mitwaa no mfonɩ tee ase se mede mfonɩ no rekoye nhwehwemu na ebeboa ama makae onipa a me ne no twetwee nkommɔ no na mmom enye se mede rekoye biribi atɔn anya ho mfaso agu me kotoku mu mmom eye nhomasua ho dwuma na mede rekodi.

Mewɔ ayi ntama nti mehye kɔ ayi biara ase. Memma nnipadɔm no nyinaa nhu dwumadi a esi m'ani so gye se won a me ne won twetwe nkommɔ twa won mfonɩ no nkutoo. Esiane se mede me ho wuraa ayi biara a mekɔ mu nti, mfonɩ no bi wɔ hɔ a mitumi twa a me ne nnipa no nni nkommɔ biara. Ebi te se okwan a nnipa fa so kyia wɔ ayi ase (efi nifa kɔ benkum so) ne adabɔw a wobesi wɔ guam. Nea enti a me ne nnipa no nni nkommɔ ne se, won a wodi saa dwuma yi nye onipa biako, beye awotwe de kɔ ne du ne du anum so. Eyi nti na akoye den se metumi afre won mu biara biako biako agyina hɔ aka nea mede mfonɩ no rekoye akyere won. Eno da nkyen a, ankorankore binom nso wɔ mu a wonni adagyew esiane se ayi no fa won ho nti. Bio, nnawɔtwe da mfonɩ a wode femfam ban ho nso mitwaa bi a me ne obiara anni ho nkommɔ. Nnuan a wode ba ayiase ma ɔmanfo bekyere nea wobedi nso mitwaa bi mfonɩ.

Ankorankoro binom wɔ hɔ a, wɔma me ho kwan ma mitwa mfonɩ no na ebinom nso mma me kwan. Se mitwa mfonɩ no wie (a menka nkyere won) na akyiri mede kɔkyere won kyere dwuma a mede rekodi a, ebinom nte won ho ase koraa. Eba saa a, miyi mfonɩ no fi afiri (camera) no so ma wohu nanso enye nnipa no nyinaa na wode me faa saa

kwan yi so, kyere se ebinom maa me ho kwan ma mede koe. Won a wampene no mu biako kaa se: “Nne nnipabone aba wiase enti minnim se wode mfonɔ no rekodi dwuma a waka no anaase wode yen koto abeefo nkrato kwantempɔn (internet) so akeka nsem a emfata afa yen ho”. Memaa wotee won ho ase se enye saa na mede mfonɔ no rekoye nanso wɔanye anto mu.

Mfonɔ no bi nso wo ho a, ansa na manya kwan akotwa bi no gye se masre kwan afi nnipa binom ho ansa. Eyi bi ne amu a wadede no mfonɔ a mekotwaa wo kurow biara a meko so bere a wadede amu no da adaka mu. Me ne won a wogynagyina amu no ho na edii saa nkommɔ yi. Nnipa dodow no ara na emaa me kwan ma mitwaa mfonɔ (owufo) no. Afei afiri anaa loore a wode amu to mu ko amusie nso mitwaa bi mfonɔ. Agorukuw ahorow a woba ayi ase begyegye omanfo ani bi te se „live band“, kete, adowa, won a wobɔ dwom fa kasafiri mu ne „brass band“ nso mitwaa won mfonɔ bere a wogu so redi won agoru no. Saa kuw ahorow yi de midi kan twa won mfonɔ no ansa na mede akokyere won. Nea enti a meye eyi ne se, agoru a wodi no pe nhwe na wogye di se omanfo dodow no ara ani gye ho se wobanya ho mfonɔ na won nso ani gye see nkurofo po betwa won mfonɔ nti, mekaa dwuma a mede rekodi kyere won no, wampopo won ti koraa.

Fundaka ahorow ne won a enne wosa fundaka de saw nso mitwaa won mfonɔ. Fundaka no bi wo ho a mikotwa wo kapentafo no adwuma mu na ebi nso wo ho a mitwa wo ayi a meko no ase. Fundaka soafo no de mitwaa won mfonɔ no bere a na wode fundaka no resaw. Kurow biara a meko so no, na enye me nkutoo na meretwa won mfonɔ. Obiara a okura tetefon na ope se otwa won mfonɔ no bi biara twae. Esiane se enye ade a nnipa dodow no ara te won ase, eye nwanwa na asaw a wode saw no ye omanfo fe nti, eye a na wope se omanfo po twa won mfonɔ keke. Saa mfonɔ yi nso mitwa wie a,

mede kɔkyerɛ wɔn panyin a ɔda wɔn ano ma ɔma me ho kwan ma mede kɔ. “Sɛ eyi po de enhia sɛ wode bɛkyerɛ me efise wɔn a wotwae no mu biara nni ho a ɔde bɛkyerɛ me, sɛ ɔde kɔto „internet“ so anaa ɔde rekodi ne dwuma bi po minim” (Fundaka soafo panyin biako a ɔwɔ Gyakiti na ɔkaa eyi).

Eyi da nkyen a, abusuafo binom a wɔatwa ayi ntama biako apam anaa afura hyɛ nso mitwaa bi mfonɪ. Me ne saafɔ no twetwee nkɔmmɔ ansa na wɔremaa me ho kwan maa mitwaa wɔn mfonɪ no. Mitumi twa mfonɪ no bi bere a nnipa baanu gyina ho redi nkɔmmɔ, nam kwan so rekɔ, gyina beae a wɔkyɛ aduan ne anomdeɛ anaa nsa (dɔkɔdɔkɔ/nsaden). Bio mitwaa mfonɪ no bi bere a me nua panyin wui na yekɔyɛɛ nʼayi wɔ Akraɔde.

3.4.2 Ahwɛɛ

Ɔkwan biako nso a mɛfaa so nyaa nimdeɛ fii afoforo nkyen yɛɛ me nhwehwɛmu yi ne ahwɛɛ. Kontromfi sɛ: ‘Me suman ne mʼani’. Eyi nti na mɛpɛ sɛ mede mʼani to fam hwe sɛnea nnipa no binom yɛ wɔn ayi fa. Ahwɛɛ mu no, etumi ba sɛ nea ɔreyɛ nhwehwɛmu no gyina nkyen baabi a ɔmfɛ ne ho nhyɛ dwumadi a ɛrekɔ so no mu na mmom, ogyina baabi hwe nea ɛrekɔ so no sua biribi fi mu de boa ne nhwehwɛmu no. Ɔkwan foforo a ɛwɔ ahwɛɛ dwumadi mu nso ne sɛ, sɛnea ɛbɛyɛ na nhwehwɛmuni no benya nea ɔrehwehwe no pɔtɛɛ no, gye sɛ ɔde ne ho hyɛ dwumadi a ɛrekɔ so no mu bi ansa.

Nea mɛyɛɛ ne sɛ, bosome asia no mu no mekɔɔ nkurow a mede wɔn dii dwuma no nyinaa mu so kɔhwɛɛ sɛnea obiara (abusua) yɛ nʼayi fa. Mekɔɔ nkurow anan so

bosome biako biara nanso ebi wɔ hɔ a mitumi de dakoro kɔ nkurow abien so kɔhwe ayi a ekɔ so wɔ hɔ.

Akanfo nna a wɔde ye ayi hye ase fi Fida de kosi Kwasida. Eyi nti ayi biara a mekɔɔ ase no mifii ase Fida de kosii Kwasida. Ayi bi wɔ hɔ a mede me ho hye dwumadi no mu hwe nea ekɔ so nyinaa na ebi nso wɔ hɔ a mikogyina baabi dinn hwe senea wɔfa so ye ayi no ne nneema a ekɔ so wɔ ase nyinaa.

Bosome biara wɔ nea mekɔhwehwe wɔ kurow biara so. Nneema a mekɔhwee bi ne fundaka ahorow a wɔde sie amu, ɔkwan a wɔfa so deda amu ne baabi a wɔdeda wɔn, akuw ahorow a wɔsoa fundaka de saw, hyen ahorow a wɔde fundaka to mu kɔ amusie, agoru ahorow a eba ayiase begyegye ɔmanfo ani, ntama ahorow a abusua no twa ye wɔn ayi, adabɔw a wosi, nkataso (canopy) ahorow, nkongua ne nea ekeka ho. Nea enti a mekɔhwee saa nneema yi ne sɛ na ebeboa me ma mahu senea abusua biara ye wɔn ayi wɔ Akwamuman mu na afei matumi akae akyerew me nhwehwemu no yiye. Nnipa binom ayi a ekɔɔ so a mekɔhwee bi ne kapentani, osikani, okuani, mpaboayeni, ɔhene, drɔbani, ɔsɔfo ne ankorankore a wɔnye nea mabobɔ so yi mu biara ayi.

Etumi ba sɛ, mitumi kɔ ayi bi ase kɔhwe nea merehwehwe san kɔ baabi foforo. Sɛ ebia fundaka a wɔde sie amu no, senea wɔdedaa amu no, wɔn a wɔsoa fundaka de saw ne hyen a wɔde amu to mu kɔ amusie. Nanso ebi wɔ hɔ a mantumi anhwe ansan ankɔ baabi foforo ankɔhwe eho nso de. Eyi bi ne ntama a abusuafo no twa. Ene sɛ, ansa na abusuafo no befura ayiase ntama a wɔn nyinaa atwa no, gye sɛ wɔakosie wɔn dehye, ama ahɔho aduan nyinaa awie ansa na wobefura ntama no aba baea a wɔreye ayi no. Eyi nti ebeba saa no na bere kɔ enti emma mintumi nkɔ baabi foforo bio nkɔhwe eho nso de.

Mfaso a ewo ahwee ho a eboaa me ne se, nea mepɛ biara no mitumi hwee a mammisa kwan amfi okasafo biara ho. Bio, se mehwe nea ekɔ so no a, ema mihi se saa dwumadi no ara na enne ereko so. Afei nso, se mebisa okasafo bi ama wayi anaa onyi nsem ano biara nni mu te se senea nkɔmmɔtwetwe te no. Nea ewo ahwee mu nso a eyee ohaw maa me ne se eto mmere bi a nea merehwe no, obi tumi begyina m'ananim siw kwan ma nea merehwe no minhu no yiye, na afei nso nsem a minya fi mu no nso nnnɔso efise nea m'ani tua no nkutoo na mitumi ka ho asem. Nea meyeɛ de siw ohaw yi ano ne se, mehwe se dwumadi biara a ebeko so wo ayi no ase a ehia me no, ntem pa no ara mesore akogyina ho ahwe nea ereko so. Se nriipa no nso dɔso a, mikogyina baabi a metumi ahu nea ereko no bi.

3.4.3 Nkɔmmɔtwetwe

Nkɔmmɔtwetwe nso ye nhwehwemu kwan biako a migyinaa so nyaa me nsem no bi. Nea enti a mede eyi dii dwuma ne se eboaa me maa me ne akasafo no nyaa nkitaho dii nkɔmmɔ ma wokyerɛɛ me biribiara a wonim fa won adwuma a wodi no ho ne senea wuhu ayiye wo Akwamuman mu ma eboaa me wo me nhwehwemu yi mu.

Nriipa a mede won ye nhwehwemu no mu dodow no ara na me ne won twetwe nkɔmmɔ de „VN-702 PC Olympus Digital Voice Recorder“ afiri kyeree nkɔmmɔbo biara a ekɔ so wo me ne akasafo no ntam. Saa afiri yi, m'ankasa na memia so hwe se erekyere nkɔmmɔbo no mmom, enye nea n'ankasa te kasa bi a na afi ase rekyere nsem a oniiko no reka no. Esiane se minim afiri no mu nti, menhwe so ansa na mamia baabi ama afi ase aye adwuma. Afei nso se me ne okasafo foforo biara rekɔtwetwe nkɔmmɔ a, mehwe se mede batre foforo ahye afiri no mu, senea ebeye na menhwe so no nti erenum a minhu.

Se me ne akasafo no retwetwe nkɔmmɔ na merekyere agu afiri no so, na mewɔ nsem foforo bi bisa wɔn a, mehome afiri no so na mesan toa so bere a makasa awie na akasafo no rebua me nsem no ano. Eyi nti menkyere me nsem no bi ngu afiri no so.

Me ne kapentafo, amu ho asiesiefo, fundaka soafo, wɔn a wɔka lɔɔre a ɛde amu kɔ amusie, akuafo, akyerɛkyerɛfo, adeptamfo, adetɔnfo, asofo mpanyimfo ne ankorankore a wɔnyɛ adwuma yi mu biara na ɛtwetwee nkɔmmɔ. Nea enti a me ne nnipa yinom twetwee nkɔmmɔ ne se mehu senea ebinom (amu ho asiesiefo, kapentafo ne fundaka soafo) dwuma a wodi de boa ma ayiye kɔ so te ne senea ankorankore (akuafo, akyerɛkyerɛfo, adeptamfo, adetɔnfo, asofo mpanyimfo) nso hu na wɔdwen fa senea ayiye kɔ so wɔ Akwamuman mu.

Nea midii kan twetwee ho nkɔmmɔ no fa ntama a Akwamufo (abusuafo) twa de ye wɔn ayi ho. Me ne wɔn a wɔtɔn ntama ne abusuafo binom a wɔapam ayi ntama no bi ahyɛ twetwee nkɔmmɔ. Nea enti a me ne ntamatɔnfo twetwee nkɔmmɔ ne se mehu botae titiriw nti a nne mmusuafo binom gyina so de betɔ ayi ntama no. Afei mmusuafo a wɔapam abusua no ayi ntama afura nso boaa me ma mihuu abusuafo pɔtee a wɔatwa anaa wofura saa ayi ntama no.

Mfaso a ɛwɔ nkɔmmɔtwetwe ho a ɛboaa me ne se, se me ne akasafo no retwetwe nkɔmmɔ a ɛboa ma biribiara a wonim fa nsemmissa no ho no, wɔka kyere me ma minya nsem pii. ɛno da nkyɛn a, mitumi hwe nneema a ɛwɔ hɔ saa bere no. Esiane se nkɔmmɔtwetwe ye baanu dwumadi nti, ɛmaa akasafo no fii wɔn pɛ mu a ɔhyɛ biara nso nna wɔn so ma woyii me nsem no nyinaa ano maa me pɛpɛpɛ. Bio, ɛboaa me ma nsemmissa a mibisaa akasafo a wɔante ase no, mitumi sesaa mu (mede kasa a ɛmaa wɔtee

nea merepe akyere no ase dii dwuma) ma wotee ase yiye maa won nso kaa nea ehia biara kyeree me maa minyaa nea merehwehwe no.

Afei migyinaa akasafo no sukuu ko mu so na mede bisaa won nsem no. Ene se nsemmissa no bi wo ho a meka ne nyinaa wo Twi kasa mu a memfa Borɔfo kasa biara mfra ne titiriw bere a na me ne mpanyimfo (mmerewa) retwetwe nkommɔ no nanso mmabunu no de mitumi de kasa abien (Twi ne Borɔfo) no nyinaa di dwuma a eno po boa ma wote nea merepe akyere no ase yiye ne ntem so sen Twi kasa no nkutoo. Enam eyi so ma yetumi de kasa ntease dii dwuma maa eboaa me ne akasafo no nyinaa.

Ewom se nkommɔtwetwe yi a mede dii dwuma no boaa me wo akwan ahorow pii so de nanso, mihiyaa ohaw wo me dwumadi no mu. Nea edi kan a ehaww me ne se egye bere, na afei nso akasafo no tumi keka nsem foforo bi a emfa nsemmissa a merebisa no ho esiane se ope se nkommɔ a yeretwetwe no ye anika nti. Esiane se me na ade ahia me na mepe nimdee afi omanfo no ho nti, mintumi ntwana n'ano bere a wafi ase reka nsem a enhia mma me nhwehwemu no mmom nea meye ne se, se akasafo no rekasa na ofi ase ka nsem a enhia mma me nhwehwemu no a, ntem pa no ara na matwentwen m'afiri no so. Se owie na ofi ase ka nea ehia me no a, na matoa so akyere ne nsem no.

3.4.3.1 Amu ho Asiesiefo

Amu ho asiesiefo a me ne won twetwee nkommɔ no nyinaa ye adwuma wo nkurow ahorow a mekoeye nhwehwemu no wo so no mu. Me ne mmerewa a kan no na wosiesie amu ho ne mmerante ne mmabaawa a nne wodi dwuma yi bi twetwee nkommɔ. Nea enti a me ne nnipa yi twetwee nkommɔ ne se, na merepe nsonsonoe a eda kwan a kan no na wofa so siesie funu ho ne senea woye no nne de no ntam. Mmerewa a me ne won

twetwee nkɔmmɔ no nni dwuma yi bio nanso wɔkyerɛ me senea na wodi no pɛpɛɛɛ. Wɔadi mfe aduonum kosi aduɔsɔn (50-75). Mmerante ne mmabaawa no nso adi mfe aduonu abien kosi aduanan anum (22-45). Me ne mmerewa baasa (3), mmerante baanan (4) ne mmabaawa baasa (3) na ɛtwetwee nkɔmmɔ no. Mmerewa no de mekɔɔ ofi a wɔtete mu na me ne wɔn kɔtwetwee nkɔmmɔ no. Ebinom wɔ hɔ a ɛda a edi kan a mekɔɔ hɔ no, wɔannya bere ne me anni nkɔmmɔ biara mmom, wɔhyɛɛ me da foforo ma mekɔ san bae ne wɔn bedii nkɔmmɔ. Ebinom de, ɛda edi kan a mekɔɔ hɔ no, wonyaa bere ne me dii nkɔmmɔ.

Me ne Maame Akua Akɔnɔbea a ofi Aboasa na ɔte kuro no so a wadi mfe aduɔsɔn biako (71), Maame Comfort Obeng Kwayisibea a ofi Nnudu na ɔte kuro no so a wadi mfe aduɔsia anum (65) ne Maame Afia Agyakwabea a ofi Akwamufie na ɔte kuro no so a wadi mfe aduɔwɔtwe (80) ne Maame Amoafi Obobisa a ɔte Akrade na wadi mfe 52 twetwee nkɔmmɔ. ɛnam Afua Agyakwabea so na mede huu maame Comfort Obeng Kwayisibea ne maame Akua Akɔnɔbea. Nkɔmmɔ a me ne maame mpanyimfo twetwee no buɛɛ nneema pii ani so kyereɛ me maa ɛboaa me wɔ me nhwehwɛmu yi mu paa.

Mmerante no de na mitumi kɔ wɔn adwuma mu ne wɔn kɔtwetwe nkɔmmɔ na ebinom po tumi kyere me sɛ, sɛ mɛpɛ sɛ mihi wɔn dwumadi no yiye a, me ne wɔn nkɔ bea a wɔrekɔyɛ adwuma no. Sɛ me ne wɔn kɔ na wɔreyɛ adwuma no a, nea m'ani hu biara no mitumi bisa ho asem biara a mɛpɛ sɛ mibisa. Sɛ obi wɔ ho kwan a otumi yi me ano sɛ onni ho kwan nso a ɔma m'aso te. Ansa na metwa funu no mfonɔ no, odi kan ne amu no kasa kyere no sɛ mede ne mfonɔ no rekodi dwuma titiriw a ɛbɛboa nhomasua ansa na matwa mfonɔ no.



Mfoni 3

3.4.3.2 Kapentafo

Me ne kapentafo a wɔyɛ fundaka ne nnua nwuma ahorow bi nso twetwee nkɔmmɔ. Me ne wɔn dii nkɔmmɔ senea ɛɛboɔ me ama mahu botae nti a wɔde yɛ fundaka a nne aba no, bere dodow a edi ansa na wɔatumi ayɛ fundaka no awie ne nsonsonoe a ɛda kan fundaka ne nne de no ntam. Kapentafo a me ne wɔn twetwee nkɔmmɔ no nyinaa yɛ mpanyimfo a wɔdeda wɔn nwuma no ano. Me ne Wɔfa Akotua a ɔwɔ Akrade a wadi mfe aduasa anum (35), Nana Yaw a ɔwɔ Akrade a wadi mfe aduasa abiesɔ (33) ne Yaw Ahwiren a ɔwɔ Gyakiti a wadi mfe aduanan abien (42) twetwee nkɔmmɔ. Kapenta adwuma no nkutoo na nnipa yi yɛ a wɔnyɛ adwuma foforo biara nka ho. Mekɔ wɔn adwuma mu na me ne wɔn kɔtwetwee nkɔmmɔ no.

Esiane senea wɔn adwuma no te nti, bere biara a mekɔ no wɔhyɛ me da foforo ma mekɔ san ba. Ebinom hyɛ me nnawɔtwe, nnansa na ebinom po kyere me sɛ memmehwe bere-ano-bere-ano sɛ wɔnyɛ hwee a na me ne wɔn atwetwe nkɔmmɔ no. Bere a obiara hyɛ me no minyaa abotare ne wɔn kodii nkɔmmɔ pɛɛ nea merehwehwe.

3.4.3.3 Funnaka Soafo

Me ne wɔn a wɔsoa fundaka de saw nso twetwee nkɔmmɔ. Nea enti a me ne wɔn twetwee nkɔmmɔ ne sɛ mehu botae titiriw nti a wɔde di dwuma a ɛte saa, nsunsuanso a wonya fi wɔn dwumadi no mu ne nea wɔyɛ ansa na wɔabɛma fundaka no so. Me ne kuw mpanyimfo na ɛtwetwee nkɔmmɔ. Me ne Frank Ofei a wadi mfe aduonu akɔn (29) a ɔte Atimpoku twetwee nkɔmmɔ. Adwuma ankasa a ɔyɛ ne sɛ ɔtɔn sini na ɔde fundaka adwuma no aka ne sinitɔn no ho. Ɔbiako nso a wɔfrɛ no Opare Sakyi a wadi mfe aduasa biako (31) a ɔte Akɔde nso twetwee nkɔmmɔ. Oyi de ɔyɛ kapentani na ɔsan soa fundaka nso. Ɔne ne nkurɔfo a ɔkyere wɔn adwuma no na edi saa adwuma yi. Wɔn nso a wɔnyɛ mpanyimfo nso me ne ebinom twetwee nkɔmmɔ.

3.5 Nhoma Akenkan

Nyansa ne nimdee anaa osuahunu fi mpanyimfo ho. Esiane sɛ mpanyimfo anaa animdifo binom akyerew nhoma bebree afa ayiyɛ ho wɔ Borɔfo kasa ne Akan kasa mu no nti, minyaa bere kenkan nhoma ahorow yi bi wɔ nhomakorabea. Saa dwumadi yi kɔɔ so wɔ Legon Asuapɔn, Winneba Asuapɔn, SDA Akyerkyerɛfo nteteebeae a ɛwɔ Koforidua, Amammere nhomakorabea a ɛwɔ UTV. Afei eyi da nkyɛn a mekenkan dwuma a asuafo binom adi afa ayiyɛ ho wɔ Kwame Nkrumah Asuapɔn ne Winneba Asuapɔn nhomakorabea mu. Eyi bi ne dwuma a Paul Adu-Gyamfi di faa Adanse ayiyɛ ho, nea Achana di faa Kasena-Nankana ne nea Adizie nso dii wɔ Someyman mu. Nhoma bi a na mihia na manya bi wɔ nhoma korabea ahorow yi mu no, metɔɔ bi ɛna mefemm bi nso fii nnipa binom nkyɛn de dii me dwuma no. Mmom, nimdee a minyaa fii nhoma a

wɔakyerɛw no Borɔfo kasa mu no, meboɔ mmɔden kyereɛ ase kɔɔ Akan kasa mu senea ɛbeyɛ a ne ntease no bewie mudi.

Nhoma ahorow a me nsa kae de yɛɛ me nhwehwɛmu dwumadi yi boaa maa minyaa nimdee ahorow pii a ɛfa ayiyɛ ho ne senea ɛkɔ so wɔ Akanman mu ne Aman afoforo bi so de kaa nea minim dedaw no ho. Bio, ama manya suahunu pii wɔ yen daadaa asetena ne abrabɔ mu.

Eno akyi no migyinaa me nimdee a mewɔ so na edii me dwuma yi. Baabi a enyɛ me nsem no mada nea ɔkaa saa no adi pɛpɛpɛ wɔ me nhwehwɛmu yi fa biara mu.

3.6 Ɔkwan a Mefaa so yɛɛ Mpɛnsɛmpɛnsɛmu no

Miwiee akwan ahorow a mefaa so nyaa me nsem no nyinaa wiei no, mebetiee nkɔmmɔbɔ biara a ɛkɔɔ so wɔ me ne ɔkasafɔ biara ntam kyereɛw guu nhoma mu. Nea mɛkɔ akɔyɛ no nnawɔtwe biara no meba fie a, mebekyerɛw to ho kɔpɛm sɛ meyɛɛ me nhwehwɛmu no nyinaa wiei. „Digital Olympus Camera“ no de meyɛɛ nhwehwɛmu no nyinaa wiei ansa na mebeyii mfonɔ biara a ɛwɔ so de guu me „laptop“ so de mfonɔ no nyinaa kɔɔ akuw akuw mu.

3.7 Muabɔ

Ɔfa yi ahwɛ nhwehwɛmu akwan ahodoɔ a megyinaa so yɛɛ me nhwehwɛmu yi. Ɛde kwan a mefaa so nyaa nnipa de wɔn yɛɛ nhwehwɛmu no, a eyɛ wɔn a wɔn dwuma a wodi no fa ayiyɛ ho ne wɔn a wɔn dwuma a wodi no mfa ayiyɛ ho ato gua. Mada no adi sɛ mede nhwehwɛmu akwan ahorow abiesa a ɛnonom ne ahwɛɛ, nkɔmmɔtwe ne mfonitwa na enyaa me nsem no bi. Masan akyerɛkyere akwan ahorow a mefaa so de me

nhwehwemu akwan yi dii dwuma ne nea efii mu bae nyinaa nso. Baabi nso a minyaa nhoma kae nso mada no adi pepepepe.



ƆFA ANAN

DWUMADI YI MPENSEMPENSEMU

4.0 Nnianim

Ɔfa a ɛto so anan yi ye dwumadi yi mpensempensemu. Ɛde nsem a epuee wo nhwehwemu no mu nyinaa to gua. Ɔfa yi mu na makyerɛkyere nsakrae ahorow a aba, nsunsuanso a saa nsakrae yi anya wo Akwamufo so ne nea ebetumi afi mu aba daakye.

4.1 Nhyɛnmu

Nhyɛnmu yi kasa fa okwan a wofa so di nnawotwe, amu ho asiesie ne amu deda ho. Masan akyerɛ ayiase afade ahorow a tete no ne enne yi wode ye ayi, funadaka ahorow a aba ne fundaka soafo ne won dwumadi. Dwumadi yi san kyere damoa a wosie amu wo mu, agoru ahorow a wodi wo ayiase ne senea wode aduan ne nsa som ahohow a wobeboa ayiye no. Masan akyerɛ mpempenso a kunaye akodu.

Ayiye mu nsempo a mefa no, mekyere okwan a tete no na wofa so ye, enne ne nsakrae a aba mu. Nsunsuanso a nsakrae no de aba ne nea ebetumi asi daakye nso maka ne nyinaa ho asem wo saa ofa yi awiei.

Mpensempesenmu a ewo ase ha yi gyina nsemmisa a edi kan wo ofa 1.4 no mu so.

4.1.1 Nnawotwe da

Ofawa yi kyere okwan a tete no na Akwamufo fa so di awufo nnawotwe. Afei mahwe okwan a enne wodi nnawotwe da ne nsakrae a aba nnadi yi mu. Nsunsuanso a nsakrae no de aba de maka ho asem wo ofa yi awiei.


Tete no sɛ obi wu a, na abusuafo nhyia nni nnawɔtwe. Saa bere no esiane sɛ friigyi a wɔde owufo hye mu nni hɔ nti sɛ obi wu a, wosie no adekyee no ara. Eno akhiri ansa na abusua beye nhyehyee aɛ da de aye ayi no ankasa.

Nsakrae a aba saa dɔteyieye yi mu enne ne sɛ, sɛ onipa no wu wɔ fie, ayaresabea anaa akwanhyia mu a, wɔde no kɔhye friigyi mu. Eno akiri abusua betena ase hye da di ne nnawɔtwe. Mɛn pii no eyi taa ye nnawɔtwe da a onipa no de wui pɛpɛɛɛ. Ansa na abusua behyia adi nnawɔtwe no, wɔto nkra frefre abusuafo na afei wɔbɔ owufo no nnamfo nso amanee.

Eyi akiri wɔye owufo no ho mɛni wɔ krataa so femfam kuro no mu. Mɛni yi, wɔye no kɛse pa ara, mɛn pii wɔtaa de mɛni yi fam bea a wɔde mɛni femfam wɔ kuro no mu, na wɔde bi nso fam ofi a wobedi nnawɔtwe no wɔ mu no mu.




Mfoni 4



Mfoni 5

(Mfoni a nhwehwɛmuni no twaa wɔ Akraɛ)



Mfoni 6

(Mfoni a nhwehwemuni no twaa wɔ Akrade)

Mfoni 4, 5 ne 6 ye nnawɔtwe da mfoni a minyaa wɔ Akrade.

Da a abusua ahyɛ de bedi nnawɔtwe no du so a, wɔbɔ pata (canopy) wɔ ofi a wɔredi dwuma no mu anaa paake so senea mfoni 7 ne 8 da no adi no. Mfoni 7 ne 8 ye nnawɔtweda dwumadi a ekɔɔ so wɔ Gyakiti. Nnipa a wawu no ye otikyani a na okyere ade wɔ Gyakiti. Mfoni 8 nso ye okuani a ɔye n'ankasa abefuw nnawɔtwe a ekɔɔ wɔ Gyakiti.



Mfoni 7



Mfoni 8

(Eyi ye mfoni a nhwehwemuni no twaa wɔ Gyakiti)

Enne yi, abusua no bi tumi twa ntama di nnawɔtwe da no. Wɔhan agoru bi te se kete anaa „spinners“ anaa „live band“ begyigye ɔmanfo ani. Adɔfo tumi bebɔ nsaa de boa abusua di nna no. Osei-Mensah, (1999: 268) kyere se esiane senea ayiye rekɔ so enne nti, abusuafo dodow no ara na wɔn ani di akyi se adɔfo beba abeye wɔn adɛ wɔ sika fam.

Ɛtaa da adi se, nnawɔtwe da no wɔye akyede kye ma ɔmanfo a wobegyam abusua no. Saa bere no, obiara a ɔwɔ akyede ma abusua no nso tumi de ba. Wodi nnawɔtwe no a, na abusuafo de da a wɔahye se wɔde beye wɔn dehye no ayi ato gua.

Se abusua no ye ntotoe nyinaa wie a, wɔsan ye owufo no mfofi foforo. Wɔkyere n'abusua panyin, abusua a ɔdɔm, mma dodow a ɔwoe ne wɔn din, mfe a odii, agya ne ɛna din, ɔbea anaa ɔbarima okunafo din (se ɔwɔ hokafo a), beae a wɔbeye n'awufosom, da a wɔde besie no ne baabi a wobesie no nyinaa to gua wɔ ayi se krataa a ne mfofi wɔ so no so. Nhyehye biara a ɛfa owufo no ayi ho no, krataa yi so na wɔde to gua wɔ.



Mfoni 9




Mfoni 10

(Eyi ye mfofi a nhwehwɛmuni no twaa wɔ Akrade ne Akwamufie)

Mfoni 9 ne 10 ye ayise krataa a minyaa wɔ Akrade ne Akwamufie. Na Mr. Henry Ernest Ahenkora ye Akwamuman nifahene.

Tete no na anka krataa yi woye no tuntum ne fitaa nanso enne ente saa bio. Wode ahosu ahorow pii na eye. Eno nti se obi nam akyirikyriri koraa a, otumi hu owufo no mfonu wo krataa no so. Enne yi, se abusua no wo sika o, wonni sika o, woye bi esiane se eno ne fe a aba a obiara di bi.

Bio, tete no, se abusua bi nya ayi a, wotu obusuani biako a n'ani afi de nsa (schnapp) kose abusua panyin a oda abusua no ano, ohempɔn a owɔ kuro no so anaa ankorankore binom a wodi mu wo kuro no mu ayi. Enne yi, okwan a abusua fa so se ayi no nsakrae aba mu. Ene se woye kraataa ketewa bi (invitation card) de owufo no mfonu ne mfe a odii, da a wode besie no, baabi a wobededa no aye n'awufosom ne baabi a wobeko ne nnaase asore gu krataa yi so. Afei wokyerew oniiko a wode krataa no rekoma no din wo so senea ewo mfonu 11 mu no.



Mfonu 11

4.1.2 Amu ho Asiesie

Maame Amoafi Obobisa a wadi mfe aduonum abien (52) a ote Akra de kyere se, senea o bea wo abofra foforo a wofi no tan no, saa ara perepere na obi wu a wofi no tan. Enti mmea titiriw na wonim nneema a wode siesie mmofra ho ne won a wawu nyinaa.

Nneema a wɔde guare amu no nsewnom ne mmabea na ɛbɔ. Ɛne se, owufo no wɔ ɔbabea a, ɔbɔ aguarede na se mmarima nso wɔ mu a, wɔn yerenom bɔ wɔn aguarede.

Nneema a wɔde bɔ aguarede no bi ye samina (geisha, sunlight, guardian, imperial lather), keysoap poma anan, detol biako, schnapp akɔtoa biako, Florida water biako, mpopaho abien, nku, danta, hyirew, krobo, kamfa ne nea ekeka ho.

Wɔde nneema no ba a, abusua no mu mmea mpanyimfo (agya mma, anuanom mpanyimfo, owufo no maame) na ɛhwɛ nneema no. Wohwie nneema no gu ketɛ so mpanyimfo anim ma abusuafo ne ɔbaa panyin a abusua ayi no se onnyigye kuna no nso hwe se nneema no aso ana. Maame Abenadua a ɔte Akosombo kyere se ɛnne abusua bi wɔ hɔ a, wɔakyerɛw nneema a wɔde bɔ aguarede no ato hɔ enti se obi wu wɔ abusua no mu a, wɔma mmea anaa nsewnom begye krataa no kɔhwɛ so totɔ nneema no pepɛɛɛ ba. Se nneema a wɔde bebɔ no nso anaa ebi nni mu a, wɔma wɔkɔtɔ beka ho.



Mfoni 12

Mfoni 13

(Eyi ye mfoni a nhwehwɛmuni no twaa wɔ Akrade)

Mfoni 12 ye asewbea biako a ɔso aguarede de rekɔkyere mpanyimfo na 13 ye abusua mpanyimfo a wɔahyia rehwe se aguarede a nsewnom de aba no.

Se bere so na wɔrebegware amu no a, wɔde nsu si ogya so ma ehuru yiye. Saa nsuhyew yi wɔmfa nsunwin mfra mu. Ansa na wɔde nsu begu owufo no ho aguare no no, wodi kan yiye ne ho nwi nyinaa bubu ne mmɔwerɔ kyekyere wɔ ntamagow mu. Ne ho nneema a woyi no, wɔde to n'adaka no mu ma ɔde kɔ. Saa ara pɛpɛpɛ nso na Maame Afia Agyakwabea a wadi mfe aduosɔn anum (75) a ɔte Akwamufie nso kae. Ɔkyere se saa nneema no de enni se eka asaase yi so na enni se onipa foforo biara de n'ani hu ka wɔn a wosiesie amu no ho. Se mpo wɔn a wobegware amu no werɛ fi na wɔamfa nneema no anhye owufo no adaka mu ankosie no a, bere biara a wobehu saa nneema no, wɔto nsa fre abusua panyin ma wɔkɔ nna no so koyi mpae sre amu no tu amoa ketewa bi wɔ nna no nkyen de hye hɔ.

Owufo no na anaa n'agya tumi guare no. Saa ara na ne nana nso tumi guare no. Ansa na wobegware no no, ne ba biako se ɔye ɔbea anaa ɔbarima di kan tu nsuhyew no bi gu ne so mprensɔ ka se;

Ɛye me Asomasi
Na meretu nsu agu wo so
Na wɔaguare wo

Owie a nea ɔrebegware amu no nso tumi ka nsem yi bi ansa na waguare no.

Woguare no a wofi ase fi ne ti mu na wɔatwitiw ne ho nyinaa.

Woguare no wie a, wɔpopa ne ho. Ansa na wɔde mpopaho bɛpopa ne ho no, wodi kan de bɔ'sã (eyi ye kwaadudua a eka bere a wɔapempan kwaadu no afi ho nyinaa na wɔaboro) popa ne ho nyinaa ma ne ho wo ansa na wɔde mpopaho apopa ne ho. Sonantew sapɔw ne bɔ'sã a wɔde guaree no no, wɔntow nkyene mmom wɔde gu n'adaka mu ma

ode kɔ. Sɛ wode mpopaho abien na etoo amu no agwarede mu a, wode biako na epopa ne ho (sɛ owufo no ye obea a). Sɛ owufo no ye obarima a, abien no wode biako popa ne ho na wode biako a aka no akata n'ananim senea obarima panyin biara fi agware ba a oye perepere. Womma ne so mfa mmɔ ne mu mmom wode kata n'ananim keke. Sɛ oye obarima a womo no danta anaa amoasen. Sɛ oye obea a, wosina ahene foforo gu n'asen de mo no amoasen. Womo no amoasen hye no twakoto wie a, wosan mo no danta. Afei wobɔ no pawda, sra no nkuto, nunu ne tiri nwi mu. Maame Abenadua a ote Akosombo a wadi mfe aduonum asia (56) kyere se, nea oresiesie amu no ho di kan bɔ dekode a ode rebesiesie amu no ho kyere no. Afei osan di kan de dekode no bi ye ne ho ansa na ode aye amu no ho. Sɛ ebia, pawda na ode rebebo amu no a, odi kan de bi ye ne nsa ho, saa ara nso na afe a ode benunu amu ne ti mu no, odi kan de nunu ne tiri nwi mu ansa na ode aye amu no. Otoa so kyere se, nea enti a nea oresiesie amu no ho ye eyi ne se, ema owufo no hu se wɔkae no se oka abusua no ho na enye se wawu nti wasɛɛ.

Wowie a, wode ntaare dedaw a eho renhia bio hychye no na wode ataare a mma ato no hye no. Nneema a wode siesie amu no ho bi ka a, wode gu n'adaka no mu ma ode kɔ. Sɛ owufo no ye obea na owɔ kaba ne sliiti anaa ntama bi a wɔabubu ano a, wosiansian ne nyinaa yiye nhama no fi mu. Sɛ mpo ntama no ye foforo a, wɔayiyi nhama no afi mu no wosan horo ne nyinaa hata ma ewo ansa na wɔakyekyere wɔ tete duku (wodasobo) mu ma no de akɔ. Maame Abenadua san ka kaa ho se, ahwehwe de wɔmfa mma owufo nko asamando na eyi de wantumi akyere me ase efise ose eye amanne a obetoe. Wowie eyi a, wɔdan amu no ma wɔn a wɔdeda amu no ma wodi wɔn dwuma.

Tete no se obi guare funu wie a, ode epo nsu na ehohoro ne nsa. Afei ode abewura (hwe mfonɔ 14 a ewo ase ha) gu asanka mu so ogya gu so hyew de pun ne ho. Saa kwan

yi so na oniiko no fa de yi fi biara a ebeka ne ho bere a waguare funu no awie. Tete no na wotaa hyew eyi wo ofi kwan no ano pee. Ne dwumadi ne se, mfare a eyi no pam sunsum bone biara a ebaba fie ho.



Mfoni 14

Nsakrae a aba amu ho asiesie enne ne se, esiane mokyere a aba nti, abusuafu binom ma won a woye adwuma wo mokyere ho no guare amu no na woba fie a wabenoa nsu apopa ne ho bio. Ebinom mpo wo ho a, wode amu no fi mokyere ba a wampopa ne ho bio. Afei amu ho asiesie enne no nye mpanyimfo nkutoo adwuma mmom mmerante ne mmabaawa nyinaa de won ho awura ne ye mu esiane asetena a emu aye den nti.

4.1.3 Amu ho Asiesie ne ne Deda

Tete no, se wosi dan a wogyaw dan biako a wofre ho se pato. Pato no mu na wogyaw bamma kese. Saa pato yi mu na mpanyimfo taa tena fa adwen. Eho na na wotena di asem. Eho ara nso na se obi wu a, wodeda no ansa na wakosie no. Eyi nti na Akanfo wo asem bi se “oda bamma so” no. Afei nso asem “watwa n’ani ahwe ban” fi amu a wodeda no bamma so mu. Afei tete no wode „bommo” anaa nwentama sensen pato mu de siesie ho. Bio, se owufo no tumi sii dan a, wodeda no wo mu. Saa bere no na wonneda amu wo abonten na na womma mmofra ho kwan nkohwe amu no.

Akyiri a anibue bae no, na wɔdeda nnipa wɔ dade mpa so. Ansa na wɔbededa obi wɔ dade mpa so no, wɔde kuntu a ebi ye bommo, kasa anaa nsaa senea yehu no wɔ mfonɔ 15 ne 16 mu pii (beye 20) sesew mpa no so.



Mfonɔ 15 - Bommo



Mfonɔ 16 - Kasa

(Mfonɔ a nhwehwɛmuni no twaa wɔ Akrade)

Nea ɛwɔ amu ho asiesie mu ne sɛ, abusua no guare no senea onipa no kɔ aguare a ɔye ne ho na wɔn a wosiesie amu ho nso de ne sɛ wosiesie no senea onipa no te ase na ɔrepue a, ɔbeyɛ ne ho pɛpɛpɛ. Wɔde no to fundaka mu de sumii hye ne ti ase ansa na wɔasiesie ne ho. Sɛ wɔde no ba beae a wosiesie amu no ho a, abusua no mmɛyɛ amanne biara bio mmom ɛkɔba sɛ onipa no fi adehyebusua mu a, ɔhempɔn no tumi beyɛ amanne biara a ɛsɛ sɛ ɔye ansa na wɔakata no so.

Ennɛ nnipa binom de amu ho asiesie aye adwuma a wɔye de pɛ sika gu wɔn kotoku mu. Nnipa yi nso wɔ nneema a wogyɛ ansa na wɔasiesie amu bi ho, mmom egyina nea ɔreyɛ adwuma no so. Sɛ abusuafo no guare amu no ye ne ho biribiara wie a,

wode no ma won a wosiesie amu no ho ma wosiesie no kama. Ansa na wobeyeye eyi no wodi kan yi apae. Nea oyi apae no ka nsem bi te se;

Asomasi mesre wo
Enye se yeye se obi hwe w'adegyaw so
Mmom abusua no mu biara ntumi nye
Na yeye se wosiesie wo ho kama
Enti yesre wo tew w'anim
Na wonsiesie wo ho mma yen
Na animguase biara amma yen so.

Etumi ba se amu no bi bo tumi fuw abusua no se wanka ankyere no na wama obi abehwe n'adegyaw so. Se woye eyi wie de a, wotumi de no (amu) ma won ma wosiesie ne ho.

Aberante Kakra a wadi mfe aduonu anum (27) a deda amu kyere se enne nsakrae pii na aba amu deda mu. Okyere se, se abusuafo siesie won dehye no ho wie na woda amu no ma won a won mmeeye amanne biara wo ho bio. Ode toaa so se, woredededa amu no a, wodi kan bo mpae de „gloves“ hyehye won nsa senea nsanyare biara nsaa won. Wode amu no to mpa mu a, wode ne ntaare dedaw a abusuafo no de bre won fi ase hyehye no. Eno akyi wode aduhum (Florida Water) ye n'anim tew asaawa de popa aduhum no nyinaa wo n'anim. Aduhum no yi fi biara a ewo amu n,anim na esan pam ahonhom bone biara a ebaba ne ho. Se n'anim baabi abobo ato mu a wode akape tew asaawa de hyehye mmeae yi nyinaa ma eh san ma so. Se oye obarima a wontaa nsiesie n'anim senea woye mmea no. Se oye obea a, woka n'ano san twi n'anim hye no abeefo nwi (wiigi). Se oye obarima na n'ani akyi nwi aye fitaa a wode „mashka“ (eyi yee nku tuntum bi a amusiesiefo de siesie amu ho) to n'ani akyi ma eye tuntum. Ansa na abusuafo no de amu no bebre won a wosiesie ne ho no, wodi kan de asaawa hyehye ne hwenem ne

n'asom. Wode ade pia saa asaawa no to nipadua no mu na wode foforo hyehye ho de „mashka“ no bi yeye so ma eye tuntum.

Eno akyi wode kete a wode no too so guaree no no fa ne ho (se oye obea a) na se oye obarima a wobobow de hye ne nan ma ne nan ye teaa pɛpɛɛɛ. Woye eno wie na kwan da ne ho baabi a wode nkrataa hyehye ho senea obi gyina akyi rehwe no a orenhu se ataare a ehye amu no so sen no. Wowie a wode n'ataare a abusua de abre won se won mfa nhye no hye no. Afei wode „gloves“ hyehye ne nsa, se abusua no de kawa bi nso bae a, wode hye no. Wosan de asonkaa ne konmuade hyehye no.

Eba se onipa no wo ahode pa ara a, wotumi fa ne ntama foforo abien anaa abiesa ne nneema a wode guaree no bi te se samina, powda, pieto, nku, afe ne sapow gu wodasobo dukuu (eyi ye duku a tete no na mmea ne maafo no taa bo) mu ma ode ko. Ahwehwe de womfa mma owufo nko asamando. Se owufo no ye obea na owo kaba ne siliiti anaa ntama bi a wabubu ano no a, wosiansian ne nyinaa yiye nhama no fi mu ansa na wode ama no ako. Se mpo ntama no ye foforo a ehye adaka mu a woyi horo hata ne nyinaa kama ansa na wode ama no ako. Wode ntaare no nyinaa gu sliiti ahama no bi so kyekyere de bo ne mu.

Aberante Kwaku deda amu wo Gyakiti na okyere se, enye nneema a wode deda amu nyinaa na eye nea abusua de bae se womfa nsiesie won dehye no, mmom wope a wotumi de won nneema ka ho deda amu no ma eye fe nanso se abusuafo rebeto adaka no mu a, woyiyi nneema biara a eye won de fi amu no ho.

Kakra kyere se ansa na obededa amu no, ogye nneema de pata ne kra. Saa nneema yi ne samina huam „Geishia“ samina asia (6), „milk“ asia (6), nsa dokodoko (malt) adaka (crate) biako (1), aduhuam (Florida water) biako (1), ntama sin asia biako (eyi tumi ye

ntama biara), nkesua adaka biako, kente ntama sin asia ne apɔnkye. Kente ne apɔnkye no de wɔtaa gye bere a wokosiesie ɔhene amu ho.

Nsakrae a aba amu deda wɔ Akwamufo ayiye mu enne ne se, wɔntaa nnea wɔn amu wɔ pato mu bio. Mpen pii no wɔdeda wɔn wɔ paake so na wɔde ntama atwa baabi a wɔdeda amu no wɔ ho senea ewɔ mfonɔ 17 mu no. Afei enne wɔn a wɔdeda amu no ntaa mfa ahosu kɔkɔ ne tuntum a Akanman mu no yenim se ekyere anibere ne awerehow nni dwuma no bio. Kakra kyere se, mpen pii no, abusuafo no ara na wɔkyere ahosu a wɔmfa nsiesie baabi a wɔbededa amu no.



Mfonɔ 17

(Mfonɔ a nhwehwemuni no twaa wɔ Gyakiti)

Nsakrae biako nso a aba Akwamufo ayiye mu enne ne se, wɔdeda wɔn amu wɔ ahwehwe mu. Mfonɔ 18, 19, 20, 21 ne 22 ye amu a wɔdeda wɔn wɔ ahwehwe mu.



Mfoni 18

(Eyi ye mfoni a nhwehwɛmuni no twaa wɔ Akrade)



Mfoni 19

(Eyi ye mfoni a nhwehwɛmuni no twaa wɔ Gyakiti)

Amu a wɔadeda no wɔ mfoni 19 mu no ye Maame Comfort Oduro a anuanom ne adɔfo taa frɛ no Auntie Bea. Odii mfe 49.



Mfoni 20

(Eyi ye mfoni a nhwehwɛmuni no twaa wɔ Akrade)

Amu a wɔadeda no wɔ mfoni 20 mu no ye Maame Mary Antwi a anuanom ne adɔfo taa frɛ no Adwoa Brago. Odii mfe 58.



Mfoni 21

(Eyi ye mfoni a nhwehwɛmuni no twaa wɔ Aboasa)

Amu a wɔadeda no wɔ mfoni 21 mu no ye Ɔpanyin Samuel Kwaku Abayie a odii mfe 72.



Mfoni 22

(Eyi ye mfoni a nhwehwemuni no twaa wɔ Nnudu)

Amu a wɔdeda no wɔ mfoni 22 mu no ye Maame Abena Fosuaa a odii mfe 45 wɔ Nnudu.

Nsakrae bio a enne aba Akwamufo amu deda mu ne se, wɔdeda amu no a, wotumi de no tena ase, gyina ho, kotow ho, tweri ho n.a. Ebi nso wɔ ho a wotumi deda no ma eda adwuma a bere ote ase no na oye. Eyi bi ne obi a wɔdeda no a okura sekan (a ekyere se na onipa no ye okuafo), ote moto so a ekyere se oye „okada“ drɔbani, ote ho kura baboro wɔ ne nsam a ekyere se oye osɔfo, ote mahyin a wode pam ade akyi a ekyere se oye adepamni, okura hama a ekyere se oye kapentani, ote ehyen mu a ekyere se oye drɔbani ne nea ekeka ho.



Mfoni 23

(Eyi ye mfoni a nhwehwemuni no twaa wɔ Gyakiti)

Amu a wɔadede no wɔ mfoni 23 mu no ye Maame Agyekumwaa Afriyie a odii mfe 52.

Na ɔye asafo panyin wɔ Pentecost asɔre (English Assembly) a ɛwɔ Gyakiti.



Mfoni 24

(Eyi ye mfoni a nhwehwemuni no twaa wɔ Aboasa)

Amu a wɔadede no wɔ mfonɔ 24 mu no ye Ɔpanyin Samuel Kwaku Abayie a odii mfe 72. Na ɔye adwuma wɔ kɔkɔ. Aberante Kwaku a ɔrededa amu wɔ mfonɔ yi mu kyere se, ɔno ankasa na ɔde ntaare no siesie amu no ho senea ebeye a ebeye ɔmanfo a ebɛba abɛhwɛ no fe.

4.1.4 Ayiase Afade

Ɔpanyin Akwasi Atua a wadi mfe 78 a ɔte Nnudu kyere se, tete no, na Akanfo de ntama tuntum anaa kɔkɔ na ɛkɔ ayiase. Eyi nti se obi tɔ birisi ne kɔbene biako biako a, otumi de kɔ ayiase beye mfe abiesa ansa na wato foforo. Saa asem koro yi ara na Nana Akua Akotoaa a wadi mfe 74 a ɔte Akwamufie nso ka kyere me. Ɔde kaa ho se, mmea de na wɔtaa tɔ birisi ne kɔbene yi abien abien senea ebeye a wobetumi asesa mu. Afei tete no, se obi wu atɔfo wu a, abusua a owufo no fi mu ntwɔ ntama nkɔye n'ayi mmom nea obusuani biara wɔ no eno na ɔhye ba ho na adɔfo nso a wobegyam abusua no nso tumi hye atare tuntum anaa fitaa biara.

Akanman mu, ansa na obi befura ntama anaa behye ataare bi no na ɔwɔ beae a ɔde reko se ebia aguabo titiriw bi ase, ayeforo, asɔre, aseda anaa ayiase. Afade a onipa no pe se ɔfa de kɔ beae a ɔreko no gyina oniiko no so na afade ko nso ahosu di akoten paa ara. Akanfo amammere mu no afade a n'ahosu ye tuntum (birisi), kɔkɔ (kɔbene) ne fitaa na wɔfa de kɔ ayiase.

Ntama tuntum ne afade a Akanfo de ye ayi. Tuntum no tumi kyere se esum aduru ateasefo na kɔkɔ no nso kyere se abusua no ani abere. Enye ntama a se obi ani gye a ofura anaa ɔhye. Mpo se edin a eda ntama no so nye awerehow koraa a, oniiko no rempe se obefura akɔ beae a anigye wɔ. Ɛkɔba se onipa no fura ntama no kɔ beae a anigye reko

so no a, na twa ara na etwa se ɔde kɔ hɔ (ebia na oniiko no rekodi dwuma soronko bi). Se onipa a wawu no wɔ yere anaa kunu a, okunafo no beye tuntum afe biako kosi se obefi kunaye no mu ansa na wafura ntama a ani da hɔ a ɔpe.

Ntama no bi wɔ hɔ a nsenkyerɛne deda mu na ebi nso wɔ hɔ a eyɛ tumm a nsenkyerɛne biara nnda mu. Nea nsenkyerɛne deda mu no wɔfrɛ no kuntunkuni, ɛna nea nsenkyerɛne biara nna mu no so wɔfrɛ no birisi (Agyei-Sakyi, 2016: 82-83).

Kɔbene ye ntama a n'ahosu ye kɔkɔ nkutoo a ahosu foforo biara mfra mu. Tete no se obi fi mu a, saa ntama yi na ɛma yehu wɔn a wɔye ayi mma ankasa. Ayi mma (okunafo bea anaa ɔbarima, abusua, mma, maame papa, ne nsewnom) no fura kɔbene wɔ ase na wɔde kuntunkuni no aba soro. Mnea no fura ntama tuntum na wɔde kɔbene no abɔ wɔn mu na mmarima no nso atutu kɔbene agu so. Se nea wawu no wɔ yere a, ɔno nso fura birisi na ɔde kɔbene no abɔ ne mu sɛnea ɛwɔ mfonɔ 25 mu no.



Mfonɔ 25

(Mfonɔ a nhwehwɛmuni no twaa wɔ Akrade)

Enne yi, ntama ahorow aba gua so a abusuafo tɔ de ye wɔn ayi. Ne nyinaa ye ntama a n'ahosu ye tuntum ne kɔkɔɔ. Ebi wɔ hɔ a kɔkɔɔ no dɔɔso sen tuntum no na ebi nso wɔ hɔ a, tuntum no dɔɔso sen kɔkɔɔ no. Saa ntama yi taa wowɔ edin. Ebi ne: wo wu yi atwa yen nsono mu, yennya wo so bio, ofie gya adum, suro nipa, wiase ben ni, yen dunsin abu, owu sɛe fie, owu amma nea wabrɛ anni, ne nea ɛkeka ho.



Mfoni 26

Wo wu yi atwa yen nsono mu



Mfoni 27

Yennya wo so bio

(Adjei-Sakyi, 2016:86)



Mfoni 28

Suro nipa



Mfoni 29

Wiase ben nie

(Adjei-Sakyi, 2016:88)

Tete no se abusua bi nya ayi a, ntama tuntum, kɔkɔ anaa dɔtesu/kokobini biara a abusuafo wɔ dedaw no eno ara na wofura de ye ayi no, se owufo no wuu atɔfowu anaa owupa nanso nnansa yi ente saa. Se ayi ba a, abusuafo twa ayi ntama abien anaa abiɛsa de ye ayi no.

Nea aba Akwamufo ayiyɛ mu enne nso ne se abusua no ma mma twa wɔn ntama, abusua no nso twa wɔn ntama, wɔfaasenom nso twa wɔn de na anuanom nso tumi twa wɔn de. Ntama yi, wɔwɔ nea wobetwa afura/ahyɛ no Memeneda ne nea wobefura/ahyɛ no Kwasiada. Nnansa yi ntama a abusuafo taa tɔ ye ayi ye nea ahosu tuntum ne kɔkɔ adi afra senea yehu wɔ mfonɛ 30 ne 31 mu.



Mfonɛ 30



Mfonɛ 31

(Mfonɛ a nhwehwɛmuni no twaa wɔ Aboasa)

Wɔn a wɔwɔ mfonɛ 30 mu ye owufo no mma na wɔn wɔwɔ mfonɛ 31 mu nso ye owufo no nuanom.



Mfoni 32

(Mfoni a nhwehwemuni no twaa wɔ Akrade)


Wɔn a wɔwɔ mfoni 32 mu no ye owufo no mma.

Sɛ obi befura ntama fitaa a tuntum wɔ mu a, na beae titiriw a ɔde rekɔ ye ayi anaa aseda (sɛ ebia wawo). Sɛ obi nyin bɔ aberewa anaa akwakora na owu a, Akanfo gyedi ne sɛ ɔrekɔhome enti esɛ sɛ abusua no de anigye gyaw no kwan fɛfɛ. Ɛno nti tete no sɛ ɔpanyin bi di mfe beye aduɔson (70) mee a, wɔde ntama fitaa na ɛye n'ayi nanso nnansa yi ente saa, wofura ntama fitaa de kɔ mmɔfra koraa ayi. Eyi da nkyen a, Kwasida na abusuafo kɔda ase. Saa bere no wofura ntama a abusua atwa sɛ wobefura no Kwasida. Ntama yi, abusua tumi twa wɔn de, mma, nananom na nsewnom nyinaa tumi twa wɔn de.

Ɛwɔ mu sɛ ntama no ye fitaa de nanso edin a ɛdeda so ye nea ɛye awerehow anaa awerekyekye na ebi nso ye nea ɛhye animuonyam (Agyei-Sakyi, 2016:89). Ntama yi bi ne: woamma yeante asem pa ɛnne, mma ne abusua hye wo anuonyam, nku me fie nkosu me abɔnten, owu antweri ɔbiako mforo, asem aba fie, abusua ahwere ade ne nea ɛkeka ho.



Mfoni 33



Mfoni 34

Woamma yeante asem pa enne

Mma ne Abusua hye wo animuonyam

(Adjei-Sakyi, 2016:90)



Mfoni 35

Asem aba Fie



Mfoni 36

Owu antweri obiako mforo

(Adjei-Sakyi, 2016:92)



Mfoni 37



Mfoni 38

(Mfoni a nhwehwɛmuni no twaa wɔ Akrade)

Wɔn a wɔwɔ mfoni 37 ne 38 mu a wɔfura ntama koro ye owufo no wɔfaasenom.



Mfoni 39



Mfoni 40

(Mfoni a nhwehwɛmuni no twaa wɔ Akrade)

Wɔn a wɔwɔ mfoni 39 ne 40 mu a wɔfura ntama koro ye abusuafo.



Mfoni 41



Mfoni 42

(Mfoni a nhwehwɛmuni no twaa wɔ Akrade)

Wɔn a wɔwɔ mfoni 41 ne 42 mu ye kuromma no bi a wonim owufo no. Esiane sɛ ɛnɛ yi Kwāsida na wofura ntama fitaa kɔ ayiase nti, wɔfa wɔn afade a ɛno nso ye fitaa a tuntum wɔ mu nanso ɛnye abusua ntama a wotwaa no bi.

Tete no na mmea de duku bɔ wɔn ti ansa na wɔakɔ ayiase nanso ɛnɛ yi esiane sɛ wɔn mu dodow no ara pɛ sɛ wɔfa wɔn ho kɔ ayiase nti wɔhyɛ wiigi a wɔmmɔ so duku koraa. Mpaboa a wɔhyɛ nso nkyerɛ sɛ wɔrekɔ ayiase (hwe mfoni 40).

4.1.5 Funnaka

Ɔpanyin Ahenkan a wadi mfe 78 a ɔte Akwamufie kyerɛ sɛ, tete no, sɛ obi wu a, na wonsie no wɔ fam na mmom adukrom. Akyiri, mpanyimfo tenaa ase hui sɛ odompo (wuram Kraman) kɔfa amu no we. Ɛno nti, wogyae adukrom a na wɔde amu kɔto no. Ɛbaa saa no, sɛ obi wu a, mpanyimfo sɔ ogya wɔ abɔnten de amu no to hɔ na mmarima a ɛwɔ abusua ne kuro no mu twa kanko wɔ amu no ho de wɔmafun pempem fam to dwom ye dede a wɔnna kɔpem adekyee. Ɔkyerɛ sɛ, enam dwumadi yi so na ɛde ɛpɛ a wosi wɔ amu ho bae.

Ɔde toaa so sɛ, esiane sɛ atasefo rentumi mfa amu no nto fie anaa ɔdan mu mproɔw nti, mmarima a wɔwɔ fie no kotwa onyina dua na wɔabɔ mu tokuro de amu no ahyɛ mu akɔhyɛ fam. Nea enti a na wɔde onyina dua di dwuma yi ne sɛ ɛyɛ dua bi a ɛyɛ mmerɛw yiye. Ɔtoaa so sɛ, mpanyimfo hui sɛ amu a wɔde wɔn hyɛ fam no boa a ɛmma mmoa nkotu wɔn nwe. Asem koro yi ara na Ɔpanyin Adu a wadi mfe 79 a ɔte Akwamufie nso kae nanso ɔno de ɔkyerɛɛ mu sɛ, tete no na ɛnyɛ abusua biara na wotumi nya onyina dua no bi sie wɔn dehyɛ. Ɛno nti ɔmanfo tumi kotwa dua bi te sɛ wawa na wɔatwitwa mu abobɔ ayɛ adaka de amu no ato mu.

Edidi mu sa ara na kapentafo fii ase sɛ wɔreyɛ fundaka (Ɔpanyin Adu de eyi toaa ne kasa so).

Nsakrae a aba ɛnɛ yi ne sɛ abusua bi tumi kɔtɔ fundaka a ɛsom wɔn bo besie wɔn dehyɛ. Ɛnnɛ no ɛba sɛ onipa a wawu no yɛ papahweakwaaa koraa a, abusua a ɔda mu no nhwe nkosie no saa ara kɛkɛ mmom wɔtɔ fundaka a abusua no nsa beso so de sie no.

Wɔfa Akotua a ɔyɛ kapentani wɔ Akrade a wadi mfe 43 kyere sɛ, tete no na nnipa ntaa nwu ɛno nti fundaka nyɛ ade a wubehu sɛ wɔayɛ a esisi hɔ nanso ɛnnɛ ɛnte saa. Asem koro yi ara na Nana Yaw a wadi mfe 35 a ɔte Akrade nso kae.

Kapentafo a me ne wɔn twetwee nkɔmmɔ kyere sɛ dua ne sɛnea wɔbeyɛ fundaka no na ɛbɛkyerɛ bo a wɔde bɛtɔn. Fundaka no bi bo yɛ sidi mpem du (Gh¢ 1000.00) kosi mpem abien (Gh¢ 2000.00). Kapentafo no bi de edin atoto fundaka a wɔyɛ so. Edin yi yɛ; *fa bɛwɔ so, aben wɔ ha, ɛfie ne fie, mankɔ no yiye, fa ɔdɔ bɛbɔ ɔdɔ mu, sɛ-asa ne nea ɛkeka ho.*



Mfoni 43



Mfoni 44

(Mfoni a nhwehwɛmuni no twaa wɔ Nnudu)



Mfoni 45

(Mfoni a nhwehwɛmuni no twaa wɔ Aboasa)

Fundaka ahorow pii na aba Akwamuman ne ɔman Ghana nyinaa mu a abusuafo to de sie wɔn adehye. Fundaka ahorow yi nni edin pɔtee a ɛdeda so mmom dekode a wobesen fundaka no ama ase no na ɛkyere edin a wɔde beto so. Ebi tumi gyina ho ma biribi anaa adwuma bi a owufo no te ase no na odi. Fundaka yi bi ye mpaboa, kapentafo sraada, bodobodo, kaa/lɔɔre, enam, kamera, asɔredan, wimhyen, nsatoa, ɔkorow, aborobe, otuo, kookoo, telefon, anomaa, mako ne nea ɛkeka ho pii. Wɔfa Akotua kyere se fundaka

a wɔyɛ no sei gye bere beyɛ bosome abien de kɔ abiesa so enti wɔtaa gye bo kɛse, na sɛ abusua bi pɛ fundaka yi bi ntem so (sɛ ebia wɔmfɛ nnawɔtwe abien anaa abiesa nye mma wɔn) a, wɔma abusua no tua bo a ɛwɔ soro sen nea wɔayɛ asi hɔ dedaw.

Ɛda adi wɔ abɛɛfo kwantempɔn „easytrackghana.com“ so sɛ, fundaka a wɔyɛ no sei hyɛ ase wɔ Teshie a ɛyɛ borɔn wɔ Nkran na Ɔpanyin Seth Kane Kwei na odii kan sɛ ɔreyɛ fundaka yi bi wɔ afe 1940. Nnansa yi fundaka a wɔyɛ no saa kwan yi so atu atese wɔ ɔman Ghana nyinaa a Akwamuman ka ho.



Mfoni 46



Mfoni 47

(Mfoni a nhwehwɛmuni no twaa wɔ Gyakiti)

Mfoni 46 ne 47 yɛ fundaka a wɔayɛ no te sɛ mpaboa a abusua tɔɛ de sicc wɔn dehyɛ.



Mfoni 48

Mfoni 49

(Eyi ye mfoni a nhwehwɛmuni no twaa wɔ Aboasa)

Mfoni 48 ne 49 ye fundaka a wɔaye no te se asɔredan a abusua tɔe de siewe won dehye.



Mfoni 50

Mfoni 51

(Mfoni a nhwehwɛmuni no twaa wɔ Nnudu ne Akra)

Mfoni 50 ne 51 ye fundaka a wɔaye no te se kookoo ne asradaa a abusua tɔe de siewe won dehye (mfoni 50).

4.1.6 Funnaka Soafo

Maame Afua Agyakwabea kyere se, tete no, se obi wu wo wuram a, nea obeko akohu no bebo Omanhene a wo kuro no so amannee na ohene no nso bo opanyin a oda asafokuw a ewo kuro no mu amannee na one n'asafomma ko wuram ho kofa amu no ba fie. Wode onipa no to ahomankaa mu. Ene se, wofa kuntu anaa mmарima ntama po. Wotwa dua a ene ntama no tenten beye pe na emu ye den. Wobo ntama no pow wo ne tenten mu. Wokyekyere dua no wo anofanu no senea ebeye a wode onipa no to mu a wobetumi asoa no. Wobo pow no wie a, wode onipa no to mu ma mmарima baanu soa owufo no wo ahomankaa no mu de no ba fie. Wode no ba fie a, wobo dawuru na wode nea aba no to kuromma no anim na afei abusua a won dehye a fi mu saa no befa won dehye no ko fie. Asem koro yi ara na Maame Amoafi Obobisa nso ka kyere me.

Maame Afua Agyakwabea san de toaa so se, tete bere no, se wode amu reko amusie a asafomma na esoa no ko. Nea enti ne se amusie ye beae bi a eho ye hu na asafomma nso ye mmарima a wowo akokoduru a wobetumi awura ho. Enye baabi a woma mmofra ho kwan wura ho koraa.

Enne yi esiane mmara ne apolisifo nti, se obi wu wo wuram na obi kohu a, odi kan bebo apolisifo amannee ma wokofa amu no ko mokyere. Nkuraase bi nso wo ho a, nea obeko wuram akohu nea asi no di kan bebo Omanhene amannee ma ono nso tu asafomma ko wuram ho kohwe amu no. Eno akyi ansa na woko bo apolisifo amannee.

Etso mmere bi na se owufo no wo nananom a woye mmарima a, wotumi soa won amu no ko amusie. Afei se owufo no ye aberante na wo nnamfo a one won ko nna kra nna a, wotumi sre abusua no soa amu no ko amusie. Eyi da nkyen a anuanom nso tumi

soa wɔn nua a wato so na saa ara nso na mma tumi soa wɔn na anaa agya a wawu ko amusie nanso enne dwumadi yi ako fam koraa a eto mpo retwa.

Nsakrae a aba kwan a wɔfa so de amu ko amusie mu no ne se, abusuafo taa de amu no to loore mu se wɔbeko akosie no wo kuro a ote mu anaa kuro a ofi so. Loore a wode amu to mu ko amusie no gu ahorow na ne nyinaa gyina nea abusua no nsa beso so.



Mfoni 52

Mfoni 53

(Mfoni a nhwehwɛmuni no twaa wo Akrade)



Mfoni 54

(Mfoni a nhwehwɛmuni no twaa wo Akwamufie)



Mfoni 55

(Mfoni a nhwehwemuni no twaa wɔ Nnudu)

Beye mfe anum (5) ni ɔmanfo binom nso de amu a wɔsoa kɔ amusie aye wɔn adwuma a wɔye no kwan soronko so koraa. Eyi ne fundaka soafo. Saa nnipa yi ye mmerante (eyi gyina senea mihuu wɔ me nhwehwemu no so) nkutoo a wɔn honam sisi wɔn honam so na wɔfa kwan foforo so koraa soa fundaka a amu da mu de saw wɔ ayiase ma eye ɔmanfo nyinaa fe ansa na wɔde no akɔ asɔredan mu anaa asi amusie kwan so. Wɔsoa fundaka no a, wɔmfa nsi wɔn ti so mmom wɔn mmati. Ansa na wɔde amu no besi amusie kwan so no, se ɔye ɔhempɔn a ɔte n'apakan mu a, anka ɔbeka se asaw a wɔde no resaw no ye enti obesi fam.

Kuw biara wɔ ɔpanyin a odi wɔn anim a ɔkyere wɔn nea wɔnye. Ɔno na se dwom no rekɔ so a, odi kan yi asaw no na wɔn a wɔsoa fundaka no nso ahwe so asaw saa pɛpɛpɛ. Baabiara a ɔpanyin no de asaw no befa no, wɔde amu no saw fa hɔ sa ara.



Mfoni 56



Mfoni 57

(Mfoni a nhwehwemuni no twaa wɔ Gyakiti)



Mfoni 58



Mfoni 59

(Mfoni a nhwehwemuni no twaa wɔ Akrade)



Mfoni 60



Mfoni 61

(Mfoni a nhwehwɛmuni no twaa wɔ Gyakiti)

Frank Ofei a ɔsoa fundaka de saw kyere se, se wɔkɔ baabi a wɔadeda amu no a, wotwa fundaka no ho hyia de wɔn nsa toto wɔn nsa yam bɔ mpae sre mmoa wɔ nea wɔrekɔye no ho (hwe mfoni 60). Eno akyi wɔde wɔn nsa toto fundaka no so (hwe mfoni 61) kankye kankye sre amu no ka se;

Asomasi yesre wo
Adwuma na yereye
W'abusuafo abefa yen se yemmedi bi mma wɔn
Enti enye yen pe na yede rebeye wo saa
Mmom abusua a woda mu no na ama yen ho kwan
Enti yesre wo da adaka no mu dinn ma yen
Na yen ne w'abusua no nyinaa anim angu ase.

(Frank Ofei, Atimpoku)

Wɔka eyi nyinaa wie ansa na wɔama amu no so.

Ade biako a enne yi ensesae bere a wɔde amu reko amusie ene, anuanom, adɔfo ne abusuafo a wotu di akyi kɔ amusie kɔhwe baabi a wobesie owufo anaa wɔn dehye no.



Mfoni 62



Mfoni 63

(Mfoni a nhwehwɛmuni no twaa wɔ Akraɔde)

Nsakrae bio nso ne se, se abusuafɔ kɔfa amu no fi mɔkyere reba a, wɔde loore ahorow di loore a amu no da mu no akyi ne anim te se senea ɔmanpanyin rekɔ baabi a, wogye no tataa pɛpɛpɛ. Eno nka mfua, wɔreba a, wɔde „vidio kamera“ si ne so hyirenn twa mfoni fi mɔkyere hɔ kɔpem se wobedu ofi a wɔrekɔdeda no wɔ mu (van der Geest, 2006:486).



Mfoni 64



Mfoni 65

(Mfoni a nhwehwɛmuni no twaa wɔ Akraɔde)

Bio, edu ayi da no a abusuafo kɔfa obi de „vidio kamera“ betwa dwumadi biara abekɔ so wɔ ayi no ase (van der Geest, 2006:486). Wotumi de „vidio“a wɔatwa no mane abusuafo a wɔwɔ amanɔnne a wɔantumi amma ayi no bi. Afei abusuafo no tumi hyia hwɛ sɛnea ayi no kɔ so ne nea esii wɔ ase nyinaa.



Mfoni 66



Mfoni 67

(Mfoni a nhwehwɛmuni no twaa wɔ Gyakiti ne Akrade)

4.1.7 Damoa

Oxford (2008) kyere damoa mu sɛ, eye dankora anaa amena a wotu wɔ asaase ani a wɔde onipa a wawu ne ne ho nneɛma gu mu. Sɛnea Green (1998) ada no adi wɔ Adu-Gyamfi (2010:28) mu kyere sɛ, Madagaskafo sie wɔn amu wɔ damoa (amena) mu.

Saa ara nso na dwumadi yi bi kɔ so wɔ ɔman Ghana mu.

Tete no na amoa a wotu sie amu wɔ mu no, wɔnka mu sɛmɛte. Afei wɔde onipa no to mu a, wɔka anwea gu no so ma ɛbɔ nkofie. Ebi wɔ hɔ a, wɔkyerew owufo no din, da a wɔwoo no, mfe a odii ne da a ɔde wui wɔ bɔɔdo so asi ne damoa no so sɛnea sɛ obusuani biara kɔ amusie hɔ nsrahwe a, obehu beae a, wosiee wɔn dehye no. Afei wɔde

nhwiren gugu damoa no so. Saa bere no Omanhene a oda kuro no ano na oma asafomma kotu amoa no.



Mfoni 68

(Mfoni a nhwehwɛmuni no twaa wɔ Akwamufie)

Enne nsakrae aba damoa a wɔye sie amu wɔ mu. Wotu amoa no a, wɔka mu semente ansa na wɔde amu no ato mu. Afei damoa yi, wɔpe obiara a obetumi adi dwuma no na wɔde ahye ne nsa.



Mfoni 69

(Mfoni a nhwehwɛmuni no twaa wɔ Akrade)

Efi afe 1990 besi enne nsakrae pii na aba damoa a wotu wo amusie ne senea abusuafo binom hye won dehye damoa nso. Etoɔ mmere bi na abusuafo binom ye „Terrazo“ wo damoa no so de hye won dehye nso.



Mfoni 70

Mfoni 71

(Mfoni a nhwehwɛmuni no twaa wo Akrade)

Damoa 70 ye Maame Salomey Budu a na wofre no Awurafua damoa a wosiee no afe 2000. Damoa 71 ye Maame Mabel Arthur a na wofre no Maame Fante damoa a wosiee no afe 1992 mu. Wode „Terrazo“ na eyee damoa yi.

Damoa 72 ye Very Rev. Joseph Gladstone Williams a wosiee no afe 2001 damoa. Damoa 76 ye Maame Agnes Agyiriwa a wosiee no afe 1999 damoa.



Mfoni 72



Mfoni 73

(Mfoni a nhwehwɛmuni no twaa wɔ Akrade)

Enne yi, suahunu ne anibuei nti „Terrazo“ a na wɔyɛ wɔ damoa so no asesa. Abusuafo dodow no ara na eyɛ „Tiles“ wɔ so. Agya Apraku a wadi mfe 40 a ɔte Akrade a ɔyɛ „Tiles“ ne „Terrazo“ adwuma wɔ Akrade kyere sɛ, enne abusuafo binom da so yɛ „Terrazo“ wɔ wɔn dehye damoa so de nanso ne dwumadi no akɔ fam a ente sɛ kan no. Agya Apraku de toaa so sɛ, ogye fi Ghana sika apem biako (GH¢ 1000.00) kosi sisi apem biako ne anum (GH¢ 1500.00).



Mfoni 74



Mfoni 75

(Mfoni a nhwehwɛmuni no twaa wɔ Akrade)

Damoa 74 ye Alfred Owusu Ansah damoa na nea ewo mfoɔi 75 ye Rev Bernard Essuman damoa. Afe 2010 mu na wosiee owufo a ewo mfoɔi 74 mu na afe 2013 na wosiee nea ewo mfoɔi 75 mu. Woye owufo no ohoni afam damoa no so wo mfoɔi 74 mu.



Mfoɔi 76

Mfoɔi 77

(Mfoɔi a nhwehwɛmuni no twaa wo Akrade)

Damoa 76 ye Maame Charity York damoa na damoa 77 ye Samuel Agyei Ampofo. Wosiee nea ewo mfoɔi 76 mu afe 2015 na wosiee nea ewo mfoɔi 77 mu afe 2014.



Mfoɔi 78

(Mfoɔi a nhwehwɛmuni no twaa wo Akrade)

Damoa 78 ye Seth Theophilus Adu-Asah (damoa a ewo benkum) ne Maame Irene Elsie Adu-Asah (damoa a ewo nifa). Wosiee nea ewo benkum (ɔbarima) no afe 2014 na wosiee nea ewo nifa (ɔbea) no afe 2010.

Ansa na abusua betumi aye eyi (tiles) wo won dehye damoa so no, gye se afe aso. Nea eba ne se, se wokosie amu no a, wonka dote ngu amu no so nnyaw ho saa ara, mmom woka damoa no so semente na wakyerew owufo no ho nsem (ne din, da a wode woo no, mfe a odii ne da a ode wui) nyinaa wo bɔdo so asi damoa no atifi senea afe so na woko amusie ho a, wobehu won dehye no. Se afe so na abusua no wo sika a, wotumi ye „tiles“ no se wonni sika nso a wogya damoa no saa ara mmom wode nhwiren kogu so bere ano bere ano.



Mfoni 79

(Mfoni a nhwehwɛmuni no twaa wo Akrade)

Awufo a ewo mfoni 79 mu ye Joseph K. Adjei, Evelyn Williams (nea eto so abiesa), Maame Comfort Bruce (nea eto so anan) ne Maame Beatrice Ofosua Smith (nea

etwa to) damoa. Mitwaa mfonɩ yi wɔ Basere amusie a ɛwɔ Akraɔe. Wosiee Joseph K. Adjei afe 2010, Evelyn Williams afe 2010, Maame Comfort Bruce afe 2012 ne Maame Beatrice Ofosua Smith afe 2013. Agya Opoku a ɔhwɛ Baserefo amusie so wɔ Akraɔe kyere se sei na abusuafo di kan ye damoa no na se afe so a, wɔabeyɛ „tiles“ anaa „terrazo“ wɔ so nanso esiane se abusua no nni sika a, wɔde bedi saa dwuma no nti, wɔagyaw no saa ara nanso afe so a wɔde nhwiren begugu so.

4.1.8 Agoru ahorow a wodi wɔ Ayiase

Tete no agorukuw a abusuafo kɔfa wɔn kɔ ayiase kogoru gye ɔmanfo ani bi ne kete, adowa, nnwonkoro ne nea ekeka ho. Saa agoru yi na wɔtaa goru wɔ mpɔtam anaa kuro no so. Nkyene ne nneema ahorow bi a wɔde goru bi ye donno, atumpan, apirede, twenesin, etwie, bɔmaa, nnawuruta, firikiyiwa, atenteben, mmentia, penpensiwa ne nkonta. Agofomma no ntaa nhyɛ mpaboa na ntama nkutoo nso na wofura.



Mfoni 80



Mfoni 81

(Mfoni a nhwehwɛmuni no twaa wɔ Aboasa ne Akwamufie)

Ɛwɔ mu sɛ agorukuw yi wɔ ho de nanso wɔn dwumadi akɔ fam. Ɛnne yi sɛ abusua nya ayi a, agorukuw a wɔn ani gye ho titiriw a wɔkɔfa wɔn begoru wɔ ayi ase ne „live band“, „brass band“ anaa mfiri a wɔbɔ dwom mpaawa so fa mu (spinners). Mpen pii no „Brass band“ a abusuafo kɔfa wɔn no di dwuma abien. Ɛne sɛ, abusua no tumi ma wɔde dwom kogye amu no taataa fi mɔkyere ba fie. Wɔba nso a, wɔsan begoru wɔ ayi no ase. Agorukuw yi bi tumi goru fi Memeneda a wɔreyɛ ano no nkutoo na ebi nso wɔ ho a, wotumi goru Kwasida nso ka ho. Eyi nyinaa gyina ntotoe a abusua no ne wɔn beye so.



Mfoni 82



Mfoni 83

(Mfoni a nhwehwɛmuni no twaa wɔ Akrade ne Gyakiti)

Agorukuw a ɛwɔ mfoni 82 ne 83 yɛ „live band“ a wɔn din de „Abiss Band“ a wofi Nkran (Tesano) (mfoni 82) ne „Mighty Fingers International Band“ a wofi Nkran (Lapaz) (mfoni 83).



Mfoni 84

(Mfoni a nhwehwemuni no twaa wɔ Akrade)

Afiri a ewɔ mfoni 84 yɛ nea wɔbɔ dwom mpaawa so fa mu (spinners). Enne yi abusua bi tumi fa agorukuw ahorow abien anaa abiesa wɔ ayi biako ase. Wotumi fa „live band“, „brass band“ ne mfiri a wɔbɔ dwom fa mu (spinners). Ebinom nso tumi fa „spinners“ ne kete na ebinom nso tumi fa „live band“ nkutuu.



Mfoni 85

(Mfoni a nhwehwemuni no twaa wɔ Akwamufie)

Agorukuw a ewo mfonu ye „brass band“ a edin a eda won so ne „Young Professionals“ a wofi Atimpoku.

Tete no, ansa na won a ekoo amusie bewura fie no, wosaw nsu de nyanya gu yaawa anaa apampawa mu de si ofie no kwan ano ma obiara a okoo amusie ho tu bi hohoro ne nsa ansa na wawura ofie. Nea enti a woye eyi ne se, epamo sunsum bone biara a ebia edii obi akyi fii amusie ho baa fie. Enne yi saa dwumadi yi nyinaa ayera esiane Kristosom ne nhomasua nti. Won a enne woye nso asakra mu. Wode nsu gu roba bokiti mu na wode abeefo ade a wode popa nsa asi nkyen ma obiara a okoo amusie ho bi abehwie bi de ahohoro ne nsa. Saa bokiti yi mpo womfa nsi ofi kwan no ano mmom ofi no nkyen baabi anaa ofi no mfinimfina. Nnipa no bi wo ho a, wonni dwuma no mpo.



Mfoni 86

(Mfoni a nhwehwemuni no twaa wo Akrade)

Dwumadi biako nso a etaa ko so wo Akanfo ayiase ye nkyia. Okwan yi so na adofu, abusuafo ne anuanom nam da omanfo a wobebɔ nsawa ase na afei nso wode kyere obu ma adikanfo a waba ayi no ase. Ewo mu se nneema pii asesa wo enne ayiye mu de

nanso ɔkwan a wɔfa so kyia fi nifa kɔ benkum so de, ensakrae senea ɛwɔ mfonɩ 91 ne 92 mu no.



Mfonɩ 87

(Mfonɩ a nhwehwɛmuni no twaa wɔ Akraɗe)

4.1.9 Adabɔw

Adabɔw ye dwumadi a ɛkɔ so wɔ ayiase. Eye nneɛma a nsewnom (ɔbea anaa ɔbarima) hyehye wɔ apampawa mu kɔ guam kɔkyere ɔmanfo. Se ɔbarima n'ɔgya anaa ne na wu na ɔbarima no aware a, ne yere di dwuma yi ma ne kunu. Saa ara nso na se ɔbea no agya anaa na wu a, ɔbarima no di dwuma yi ma no. ɛwɔ mu se eye nsewnom dwumadi de nanso se ɛto ɔbarima no a, enye ɔno na ɔsoa nneɛma no kɔ guam mmom ne nua mmea. Eyi nti bere biara mmea nkutoo na wuhu wɔn se wodi saa dwuma yi wɔ ayiase.

Tete no na adabɔw nye ɔhye wɔ Akwamuman mu. ɛne se, se ɔbarima anaa ɔbea a n'ɔgya anaa ne na wu na ɔbiako (ɔyere anaa okunu) pe a, ɔma wɔye ma no. Se wɔn mu biara mpe a, ɔbea anaa ɔbarima no nhye ne hokafo se ɔnye mma no. Adabɔw dwumadi

akɔyɛ te sɛ nnɔboa kyere sɛ, sɛ ɔbea no pɛ a, ɔma ɔbarima no yɛ ma no. Sa ara nso na ɔbea no yɛ bere ɔbarima n'agya anaa ne na ato.

Tete no sɛ ɔbarima no asew wu na wɔrekosi adabɔw a, nneema bi a ɔto yɛ ne yere ayi ntama (nea abusua no atwa sɛ wobefura no Memeneda ne Kwasida), kyalewɔte, oguan, bankye anaa mankani, gyeene, mako, ntoosi/amoo, ntɔrewa a wobetumi de anoa aduan, nsa apeteshie tumpɔn ne schnapp. Wotumi nso de sika kakra ka ho. Nea enti a wɔde sika ka ho ne sɛ, ebia na ɔbea no ahɔho a ɛbɛba no bi nni mogyanam. Enti wotumi yi saa sika no bi de kɔto nsumunam noa aduan ma oniiko no.

Dwumadi biako a tete no ɛwɔ adabɔw si ho a ene ɛnne de no nsakrae aba mu na adi aboa ɔmanfo ne sɛ, kan no na obiara yɛ ne de. Enti sɛ agya no wɔ mma mmea baanum na wɔn nyinaa aware a, wɔn kununom bedi dwuma no. Sɛ mmea no yɛ anum a, nguan anum na wɔde bɛba ofie ho. Eyi yɛ ka a na mmarima no bɔ paa ara. Saa dwumadi yi fa de ɛnne wonni bio mmom nsewnom mmarima no bɔ mu yɛ biribiara biako. Wɔbɔ mu to oguan biako, schnapp ne apeteshie akɔtoa mmiako mmiako ka ho. Mmom ayi ntama a abusua no twa de, okunu biara to ne yere de ma no.

ɛnne yi nsakrae aba nneema a wɔde si adabɔw mu. ɛne sɛ nneema ahorow pii wɔ ho a kan no na wɔmfa nka ho nkɔyɛ ɔyɛkyere no nanso ɛnne wɔde ka ho kɔ guam. Nneema yi bi ne „liquid soap“, „toilet roll“, „match stick“, nsu, amannɔne nsa ahorow (sɛ abusuafo no bi wɔ amannɔne a, wɔde nsa no beyɛ ɔyɛkyere yi), miliduku a efi amannɔne, milo, „milk“, asikire, ntere ne nea ɛkeka ho. Wɔhyehyɛ nneema yi wɔ bɔbrapa bokiti mu na ɛba gua no mu.

Ansa na wode nneema no beba no, wodi kan bo dawuru wo ayi no ase ma obiara a wo wo ho no ye aso gyen n'ani hwe dwumadi a ebeko so no na won a woso nneema no ato santene biako aba gua no mu.



Mfoni 88



Mfoni 89

(Mfoni a nhwehwemuni no twaa wo Akrade)

Ewo mu se nsewnom na edi dwuma yi de nanso mpen pii no se nneema a wode kokyere no dooso senea yehu wo mfoni 88, 89 ne 90 mu a, wotumi fa mmaayewa a ewo abusua no mu bi ka ho soa nneema no.

Woreba a obusuani biako di won anim (otumi ye obea anaa obariama) de won kyere gua no. Oto ne nsa kyiakya mpanyimfo a etete anim wo gua no mu na won a wantumi amfa ne nsa anto won nsa yam ankyia won no, oma ne nsa so kyia won nyinaa. Won a woso nneema no nso tumi to won nsa kyia baguamfo no bi. Wode santene no kogyina gua no nyinaa anim na wabobo nneema no so akyere omanfo ne nea enti a wode nneema no bae.



Mfoni 90

(Mfoni a nhwehwɛmuni no twaa wɔ Akrade)



Mfoni 91

(Mfoni a nhwehwɛmuni no twaa wɔ Akrade)



Mfoni 92



Mfoni 93

(Mfoni a nhwehwemuni no twaa wɔ Aboasa ne Gyakiti)

Enne nnipa binom nso ahu se enye abusua (nsewnom) nyinaa na wɔwɔ sika a wotumi de kɔtɔtɔ nneema ye amanne no. Eno nti ebinom de aye adwuma a nea wɔye ne se wɔatɔtɔ nneema yi bi agu hɔ a wɔde ma nkurɔfo gye ho sika de kɔye wɔn ɔyekyere no san de ba.

4.1.10 Aduan ne Nsa

Tete no, se obi wu wɔ ofi bi mu a, na wɔnsɔ ogya wɔ hɔ. Ene se na wodi abuada bere a wɔreye dɔteyie no. Ade a wɔde ye ayi no ye bese a ayiasifo no we. Na bese no boa ma ɔkɔm nne wɔn. Eyi nti se obi wu a, na eye asenkese, efise ato bese we. Afei nso obi hu se nnipa a wɔreye ayi no to abese no. Eyi kyere se bese a wɔrewe no ama wɔn ano aye kɔkɔw, a ekkyere se anibere aba, asem ato wɔn. Tete no de na ayiye ye akɔnkyene bere. Nsa a na wɔnom ye nsafufu nkutoo. Se abusuafo no tena amu no ho kosi bere a wɔbekɔ akosie no a, wɔn nyinaa na ekosie no. Kuromma ne adɔfo a wɔtete benben abusua a ade ato wɔn

ani noa nnuan de kɔma wɔn ma wodi ansa na wɔaguare. Ade kye a, wɔkɔda afipamfo ne adɔfo nyinaa ase. Se wɔreda ase a, wɔka se: woama maguare.

Akyiri yi a nnipa redɔso na akwantufo tu kwan kɔ ayi no, na ehia se nsakrae ba mu. Obi tu kwan tenten kɔ ayi a, ehia se nnipa a wɔreba wɔn ayi no ma wɔn aduan di de te wɔn bre so. Aduan a wɔbeyɛ wɔ ayi ase no, wɔde gu nkyensee mu ma adɔfo no didi wɔ hɔ ara. Afei eduu mmere bi na wɔde aduan no gu „take away“ mu ma wɔn a wontumi nnidi wɔ ayi no ase de kɔ fie. Afei saa bere no na nsa a wɔde som ahɔho ye nsafufu, apeteshie ne pitoo.

Enne nsakrae aba nsa ne senea wɔsom ahɔho wɔ ayi ase mu. M^Ɔadamfo Joe Nkrampɔn na ɔkaa n^Ɔasem bi se; adwuma a akatua nni mu no, adidi na ɛwɔ mu. Enne obiara a ɔkɔ ayiase hwɛ se abusua no behwɛ ama wɔn aduan papa adi ama wɔn nsa papa bi nso anom.

Dwumadi biako nso a enne aba na ɛkɔ so pa ara wɔ ayiase ne „serve yourself“. Ansa na abusuafo ne adɔfo beko akosie amu aba no na wɔn a wɔye aduan no si hɔ dedaw. Enye aduan biako anaa abien mmom anan de kɔ ne nsia so. Ebi ye ɔmo, banku, waakye, apampransa, ɔmotuo, bayere anaa borɔde ampesi, fufu ne nea ɛkeka ho. Obiara a ɔkɔ ayi no ase hwɛ se obenya aduan no bi adi. Obi mpo wɔ hɔ a, enye ayi no nti na ɔkɔ mmom aduan a obenya adi nti. Se nnipa no du aduan no ho a, ɔkyere aduan a ɔpe na woti ma no pɛpɛpɛ. Abusuafo binom tumi ye „serve yourself“ no Memeneda ne Kwasida nyinaa. Etumi ba se ebinom mpo ye Kwasida no „dinner“. Mfoni 100, 101, 102 ne 103 ye „serve yourself“ a ɛkɔ so Memeneda na mfoni 104 ne 105 ye nea ɛkɔ so Kwasida.



Mfoni 94



Mfoni 95

(Mfoni a nhwehwɛmuni no twaa wɔ Akrade)



Mfoni 96



Mfoni 97

(Mfoni a nhwehwɛmuni no twaa wɔ Akrade)



Mfoni 98

Mfoni 99

(Mfoni a nhwehwɛmuni no twaa wɔ Akrade)



Mfoni 100

(Mfoni a nhwehwɛmuni no twaa wɔ Akwamufie)

Enne yi ayiye abeye dwumadi bi a omanfo ani gye ho pa ara efise saa bere no na wokogyee won ani.

Ade biako nso a enne abewura Akwamufo ayiye mu ye nneema a abusuafo de kye adrafo a wobegyam won ayi no. Nneema a wobeye akye no wode owufo no mfonifam akyede no ho. Nneema yi bi tumi ye roba nkyensee (bowls), kyerewdua (pen), bonsua (cup), miliduku (handkerchief) ne nea ekeka ho. Nso nso a wobekye wo ayi no ase, wotumi de owufo no mfonifam ho saa ara. Mpen pii akyede bi wo ho a ansa na obi benya bi no gye se wakobo nsawa.



Mfoni 101

(Mfoni a nhwehwemuni no twaa wo Akrade)



Mfoni 102

(Mfoni a nhwehwɛmuni no twaa wɔ Akrade)

Ɛnne yi se ayi biara kɔ so Akwamuman mu a, wɔyɛ krataa a wɔakyerew senea dwumadi no bekɔ so wɔ asɔredan mu nyinaa wɔ so (Brochure). Emu na abusuafo (mma, nsewnom, anuanom, okunu anaa ɔyere), kuw a owufo no dɔm ne ankorankorɛ binom akyerew adansesem biara a wonim fa owufo no ho wɔ mu. Afei emu nso na wɔakyerew owufo no ho nsem nyinaa (Hwe Nkekaho D-R) wɔ.

Bio, tete no na yaawa kyensee na abusuafo de si guam gye nsawabɔde gu mu nanso ɛnne adaka a wɔde ahwehwe aye na wɔde gye nsawabɔde.



Mfoni 103

(Mfoni a nhwehwɛmuni no twaa wɔ Akrade)

Ɛnne yi, nnipa binom ahu se sika aba ayiye mu enti wɔagyɛ asaase yantam asisi adan wɔ so agyɛ ho ban de adankora no bi ayɛ mɔkyere, asɔredan, san tontɔn funnaka agyaw beae a se abusuafo no pɛ a wobetumi agyɛ ho ayɛ wɔn ayi senea ɛwɔ mfoni ɛwɔ mfoni 104 mu no.



Mfoni 104

(Mfoni a nhwehwɛmuni no twaa wɔ Akosombo)

4.1.11 Kunayɛ

Kunayɛ yɛ amammɛrɛ a Akanfo yɛ ma okunafo (ɔbea anaa ɔbarima) a ne yere anaa ne kunu awu. Ɛwɔ mu sɛ kunayɛ amammɛrɛ no fa mmea ne mmarima ho de nanso mmea titiriw na Akanman mu no wɔde wɔn fa amanne no mu. Ɛyɛ owu nkutoo na sɛ esi wɔ abusua bi mu a bere a ɔbea bi kunu awu wɔma ɔbea no fa saa amanne no mu. Wɔyɛ amanne no ma ɔbea no sɛnea ɛbeyɛ na ɛbetew ne ho na asan apam ɔbarima no sasa biara a ɛbɛhaw no afi ne ho (Oduyoye, 1995). Wɔyɛ amanne no nso de kyere ɔɔ a ɔbea no wɔ ma ne kunu a wawu no. Oduyoye, 1995:149 ada no adi wɔ van der Geest (2006:69) mu sɛ, sɛ ɔbea no tumi fa amanne a wɔde no bɛfa mu wie a, otumi ware foforo.

Maame Amoafi Obobisa kyere sɛ kan no sɛ ɔbea ne ne kunu te na ɔbarima no wu a, ɔkɔbɔ ɔbarima no abusuafo amanne. Ɛno akyi ɔbarima no abusuafo kɔto ɔdan a wɔte no mu ma ɔbea no kɔtena n'awofo nkyen. Sɛ ɔbea no kɔ ho a, wɔma no ɔdan foforo a obiara nna mu na wɔde ketɛ foforo a obiara nnaa so da kɔto ɔdan no mu ma no.

Otumi ne ɔbarima anaa n'abusuafo no bi da ɔdan no mu. Afei nso wɔma mmea mpanyimfo baanu bɛda ne nkyen. Eyi no esɛ sɛ okunafo (ɔbea) no da mmea mpanyimfo yi ntam na enni sɛ ɔda ne yafunu anaa ayaya mmom esɛ sɛ ɔda ne nkyen mu so. Asamoah-Hassan (n.d) kyere sɛ Fanteman mu no, wɔma ɔbea no ne funu no da ɔdan biako mu.

Maame Amoafi san de toaa so sɛ, da biara ɔbea okunafo no de nsunwin sɛ awɔw wɔ mu anaa enni mu guare mprensɛ wɔ nsubɔnten ano. Asamoah-Hassan (n.d: 10) nso kyere sɛ Fanteman mu no, wɔma ɔbea no guare wɔ mfikyiri kɔpem sɛ wobesie ne kunu no na afei wasesa mfikyiri a oguare no akogware wɔ nsu ano. Nea wɔyɛ bio nso ne sɛ wɔma ɔbea okunafo no kye kɔm ansa na wɔasie ne kunu no. Maame Amoafi ne Maame Comfort Obeng Kwayisibea a ɔte Nnudu kyere sɛ, sɛ mpo ɔbea no bedidi a enni sɛ ɛyɛ

aduan a emu ye duru na ese se odidi penkoro da biara. Eye akyiwade se obedi aduan a emu ye duru te se fufu. Akwamuman mu, aduan a oboa okunafo no tumi di bere a oreye kuna ara bi ne bayere a wokyew anaa nkesua a wanoa ne mako. Obiara nni ho kwan se nkyensee ne bonsua a oboa okunafo no didi, nom mu nsu no obi foforo fa nom mu nsu anaa didi mu ka ne ho. Afei mmea mpanyimfo a wohwe no de no fa amanne no mu nkutoo na wotumi de aduan ne nsu koma no wo odan a oda mu no mu. Obarima no abusuafo na ebo n'aduan ho ka nyinaa.

Maame Comfort Obeng Kwayisibea san de toaa so kyeree se, se obarima no wu a, animanim ho ara wokye kyere obo, safe ne nyanya ahaban wo miliduku mu bo ne sisi. Woye eyi senea ebeye na ebepam obarima no sasa afi ne ho na afei one no mmeda (Osei-Mensah, 1999:262). Asem koro yi ara na Maame Amoafi Obobisa nso kae. Afei ataare a na ohye a ne kunu no de wui no, obehye eno ara kopem se da a wode beye ayi no bedu so.

Da a wode besiesie amu no ho du so a, woma oboa no de aguarde bi te se samina (ahenasaw anaa sonantew), mpopaho, pawda, nku, danta, „florida water“ ne ntaare a woguarde no wie a, wode besiesie ne ho nyinaa ba. Saa bere yi, na wadi kan de kete ne sumii a wode no beto so ko dedaw. Enni se oboa no hye mpaboa, asonkaa ne konmuade biara na afei enni se okyia obiara nsam gye se mmea ne mmarima akunafo nkutoo.

Ese se anopa biara ofi kete so a, osu ne kunu no bo no abodin. Afei nso enni se oye hwee anopa bere no, mmom otena ase ma omanfo bema no yaako ne hyeden. Se owo abonten a, mmea mpanyimfo no hwe se otena akongua so, mmom otena kete so sam ne nan wo n'aninim. Afei nso enni se one obiara tena ase di nkommɔ. Se n'ani kum awia koraa a, enni se oda.

Ansa na wode amu no beko gua mu no, wode asaawa hyehye amu no hwenem, ani ase, n'asom, n'anom ne mmea ahorow bi ma ne ho ye hu na woma obea okunafo no nkutoo kohwe ne kunu amu no. Saa bere no womma obi nka ne ho nko na eto mmere bi nso a, woto n'akyi pon mu ma odi mmere kakra wo odan no mu. Wode amu no ba abonten a woma obea no ne n'abusuafo behwe no su no. Eto mmere bi nso a, obea no nkutoo tumi tena amu no ho su no. Eba se ne (obea okunafo) su mu no nnisu biara amffi n'ani ase amma a, obarima no abusuafo no nya adwen bi se onim obarima no wu ho bi. Ansa na obea no beba guam abesu ne kunu no, mmea mpanyimfo no hwe se obesesa n'ataare a ohye no ahye tuntum. Tuntum a obye fi saa bere no toa mu saa ara afe biako ansa na obetumi asesa ahye ataare foforo biara a ope.

Asamoah-Hassan (n.d: 12) kyere se Akanman mmeae bi wo ho a, woma obea no ko amusie ho kotu anwea gu ne kunu adaka so na se wofi amusie ho reba a, womma onko fie mmom wode no ko nsu ano a enni se ohye n'akyi. Wodu mpoano ho a, wode no wura epo no mu na watwe no apue saa mprensa. Efi saa bere reko no, se nsu to o, nsu anto o, obeko akogware mpoano ho bosome abiesa. Se oko nso a, enni se ode samina ngware. Oko a, ode anwea di kan twiw ne ho ansa na ode epo nsu no bi ahohoro ne ho. Afei ode nsu pa san hohoro epo nsu no fi ne ho. Se ataare a ohye no aye fi a, ogoro wo nsu no ano na eba se osu to a, ogyina ho de ne nsa bobo ne bo so twen ma ataare no wo. Se ataare no anwo na oreko fie a, ohye no saa ara de ba fie ma ewo wo ne ho.

Se bere so na wrekosie amu no a, Maame Amoafi Obobisa kyere se, womma obea no nnu amusie ho. Afei wode abo abien a waka biako ho fitaa ne biako nso ho tuntum gu kuku mu soa no bere a wrekko amusie ho. Se wodu amusie kwan no ano a, woma ogyina ho tow kuku no kyene. Ansa na obetow kuku no akyene no, mmea

mpanyimfo a ehwee no faa amanne no mu di kan yi obo a waka ho tuntum no ma otow kyene na woyi nea waka ho fitaa no ma okura. Se otow kuku no kyene a, ode nea (obo) waka ho fitaa no tu mmirika ko fie a onhwe n'akyi.

Ayiye no akyiri, wonoa aduan (nea nkyene nni mu) ma oboa okunafo no ne ne nnamfo de aduan no bi koma ne kunu no (wode aduan no kogu owufo no nna so) wo amusie. Woko a, eh na ode kohu baabi a wosiee ne kunu no.

Ayiye no akyiri adaduanan, odiadefo no tumi bisa oboa okunafo no nsam aware. Se opene so a, woye amanne sre kwan fi obarima (owufo) no ho esiane se eye mmusu se Akwamufo (Akanfo) amammere mu no obi beware ne nua barima yere anaa wofa yere. Se woye eyi wie a, oboa panyin a ohwe se oboa okunafo no befa ntetee no mu yi miliduku a wode bo ne sisi no ma ode ne ho (otumi ware foforo). Eba saa a, oboa no betumi ne ne kunu ketewa no akotena ofi biako mu.

Rattray (1972: 173-174) ada no adi wo Asamoah-Hassan (n.d: 14) mu se, se oboa okunafo no ampene ne kunu ketewa aware no so a, ende woma ohye ataare tuntum no afe biako. Afe biako akyiri no, oyi ataare/ntama tuntum no na onya kwan ware obarima foforo biara a ope (se ope a).

Enne yi, nsakrae a aba kunaye mu ne se Kristosom ne nhomasua abesesa nnipa asetena mu wo Akwamuman ne Akanman mmeae bi mu enti emma dwumadi yi nko so bio. Se oboa okunafo no pe a, oma ne ho kwan ma wode no fa amanne no mu. Nanso abusafo dodow no ara na ahu se oyaw a wode oboa no fa mu no ntumi nsan mfa obarima no mma asaase yi so bio enti wagyae.

Kristosom nso kyere se osaman nni wiase nanso ahonhomfi/boone nkutoo na wotumi koyi obarima a wawu anim de behunahuna oboa no.

Nea nThomasua nso de abepii so nso ne se, enne mmea awarefo dodow no ara na wɔakɔ sukuu ansa na wɔrebeware enti wɔwɔ suahunu na nhoma kenkan nso ama wɔahu senea wiase nneema bi tete fa wɔ onipa asetena mu. Eno nti wotumi bisa kunayɛ ho nsem pɛ nhumu a abusuafɔ nnya anoyi papa biara mma wɔn. Eyi nti wɔagyaw ato hɔ a wonni dwuma yi bio.

Mmea binom nso a wɔyɛ aban ne ankorankorɛ adwuma nso ntumi nnyaw wɔn nnwuma hɔ mmɛtena fie esiane se wɔde wɔn bɛfa kunayɛ amanne mu nti. Ade biako nso a ama kunayɛ to atwa wɔ Akwamuman mu ne se, mmea akunafo binom wɔ hɔ a, wɔamfa wɔn amfa kunayɛ amanne no mu nanso wɔte hɔ di wɔn dwuma a biribiara ntoo wɔn. Enne nso ɛnye nhye se ɔbea okunafo no bɛware ne kunu ketewa na aboa ma watoa so ahwe ne nua panyin mma (se ɔwoo mma de a) mmom, ɔbarima biara a ɔbea no pɛ no, otumi kɔware no.

Enne yi, mmea akunafo binom ntumi ntena ase ntwen bosome asia mpo na wɔakɔfa ɔbarima dedaw. Bio ntama/ataare tuntum a kan na mmea akunafo hye afe biako no Kristosom nti ebinom ntumi nhye afe biako mpo na wɔasesa.

Mmea kuw ahorow bi te se „International Federation of Women Lawyers (FIDA)“, National Council for Women and Development (NCWD)“ ne 31st December Women’s Movement“ aba abegyina adi ama mmea faahodi a nne saa amanne ahorow yi to regu so twa wɔ Oman Ghana mu. Wɔnam wɔn nkyerɛkyere so akyerɛkyere mmea ama wɔahu se amanne a wɔde wɔn fa mu no de ɔhaw ahorow pii na ɛbere wɔn nnipadua ne wɔn apɔwmuden.

Mpensempesemu a ɛwɔ ase ha yi gyina nsemmissa a ɛto so abien wɔ ɔfa 1.4 no mu so.

4.2 Nsunsuanso a Nsakrae no de aba

Nsakrae a eba dwumadi biara mu no wɔ ne nnepa ne bɔne a ede ba. Ɔfa yi kasa fa nsunsuanso a ayi mu nsakrae no de aba abusua, mma ne okunafo ne ɔman no nyinaa so. Medi kan aka nnepa a ɛwɔ enne ayiye ho ansa na makasa afa ne fa nea enye ho.

4.2.1 Nnepa a ɛwɔ Enne Ayiye mu

Ayi no ho dawubɔ: Tete no na obi a, wosi kyene so de to nkra anaa yede yen ano bobɔ adɔfo amannee senea ebeye na ayi da no wɔbɛba abeboa abusua no. Esiane se yede kyene na ebɔ amannee nti na enye nnipa no nyinaa na ete owu no nkra na wɔaba abeboa abusuafo ayi da no. Esiane se na enye nnipa dodow no na wotumi ba ayi da no nti na emma abusuafo nnya sika a wɔde begyaw abusua anaa owufo no mma. Yehwe enne ayiye a, ansa na ayi no bekɔ so no, abusuafo no to nkra fa TV, radio, abeefo kwantempɔn so, krataa so mfonɔ ma adɔfo a ɛwɔ akwirikyiri nyinaa aso te. Ɛwɔ mu se saa kwan yi ye sikasem de nanso wɔnam so ma ɔmanfo a wɔwɔ akwirikyiri nyinaa aso te beboa ma ayi no ye kɔ so.

Amu no kora: Tete no se obi wu a, na wɔwɔ kwan ahorow a wɔfa so kora amu no senea ebeye a ensɛe kosi se wɔbeye n'ayi nanso na ente se enne bere yi a wotumi de amu hye firigyi mu nna pii a ensɛe no. Esiane firigyi a yetumi de amu hye mu ma ɛkye nti, abusuafo a ɛwɔ fie no tumi twen ma abusuafo ne adɔfo a wɔwɔ akwantu mu ne akwirikyiri nyinaa ba fie ansa na wɔato wɔn boa se aye owufo no ayi.

Afade: Tete no na wontwa ntama koro nnye owufo no ayi nanso enne se obi wu a, abusua hye da twa ntama de ye ayi no. Esiane ntama koro a wɔfura de ye ayi no nti, ema ayiye no ye fe san ye ahomka. Bio, saa ntama twa yi boa ma wɔn a wɔton ne wɔn a

wɔpam saa ntama yi nso nya sika ne adwuma ye. Wɔde saa sika yi bi boa wɔn abusua ne ɔman no mpuntu.

Ayiye ho sikasem: Tete no se obi wu a, na eye abusuafo no ara na wotiti wɔn mmɔwerew mu pe sika de ye owufo no ayi. Se ekɔba se abusua no nni sika a, emmoa mma ayiye no nkɔ so senea ese na efata. Enne yi, ekɔba se abusuafo nni sika a wɔde beye ayi no a, sikakorabea ahorow bi wɔ hɔ a enne wɔatwa sika bi a wɔde boa abusuafo ma wɔde ye ayi na wowie a, wɔabetua. Saa mmoa sonowonko yi yi animguase a anka ebɛba abusua a wonya sika nye wɔn ayi no fi hɔ. Eyi sikasem ho ɔhaw fi abusua no so na esan nso boa ma abusua tumi ye owufo no ayi kama de gya no kwan.

4.2.2 Nnebɔne a ewɔ Enne Ayiye mu

Nnepa a enne ayiye ho nsakrae de ba nyinaa akyi no, esan nso wɔ nsunsuanso bɔne anaa nnebɔne a ede brɛ nnipa. Mɛfa saa bere yi apensempensem nnebɔne no bi mu.

Amu ho asiesie ne ne deda: Tete no na mma ne sewaanom na wosiesie amu ho san deda no. Na aka biara nhye da nni mu. Nea wɔye ara ne se wogyee nkesua ne oguan de pata wɔn kra efise dwuma a wodi no ye honhom mu adwuma. Saa bere no, se obi wu a na se eye nsanyare bi na ekumm no a, obiara nte ho asem. Enne yi, esiane se abusuafo fa obi ma obedi dwuma no nti, se yare bi na ekum owufo no a, otumi kɔka ho asem ma ɔmanfo hu yare a ekumm owufo no na enam so ma abɔntensofo hu yare a eda abusua no mu.

Afei tete no na abusuafo de wɔn kente na esiesie amu ho nanso enne esiane se amu ho asiesie abeye adwuma a nnipa binom ye gye sika nti, wonni dwuma no bio. Abusua tumi yi sika twitwiridii de kɔhan saa nkorɔfo yi. Afei nso nnipa a wodi dwuma yi dodow no ara na eye mmerante anaa mmabaawa. Eno nti se oniiko no ano ye hare a, ema

owufo no tumi haw no wɔ sunsum fam. Esiane sɛ abusua kɔfa obi besiesie wɔn amu ho nti, wotumi bɔ ka yiye a efi Ghana sidi mpem anan (Gh¢ 4,000) ne akyiri. Bio, wɔn a wobesiesie amu no ho san gye aduan ne nsa. Sika a wɔsɛe wɔ ayi no ho tumi ma ayi no ye ka ma abusuafo tua. Ebinom mpo tumi kɔtɔn abusua anaa owufo no agyapade bi kotua saa ka no. Eba saa a, owufo no mma ne okunafo na wɔye mmɔbɔ.

Amu ho asiesie ayɛ “gua so hantan, ofie awerehow”. Ene sɛ, ɔmanfo bebba abehu sɛ wɔdɛda amu no fɛfɛfɛ nanso wobewie no na ɛka abɛtɔ hɔ ama abusua, mma ne okunafo ho akyere wɔn.

Tete a na wɔdɛda amu wɔ bamma so no na ɛka biara nni mu nanso ɛnne wɔhyehye nneema kuntan de owufo no to so. Afei wotumi sesa owufo no ho mpɛnsa. Eyi nyinaa de ka ba. Afei ɛnne wɔn a wosiesie amu ho tumi deda no wɔ akwan bebree so. Wotumi de no gyina hɔ, tena ase, tweri hɔ ne nea ɛkeka ho. Eyi nyinaa de ka bɛtɔ abusua no so.

Ayiase Afade: Tete no na wɔde birisi ne kɔbene na ɛkɔ ayiase nti na wɔnsɛe sika pii wɔ ntama ho. ɛnne yi, abusuafo tumi yi sika twa ntama koro (osikani o, ohiani o, ɛsɛ sɛ ɔtɔ bi). Mma tumi twa wɔn ayiase ntama, wɔfaasenom tumi twa wɔn de na anuanom ne nananom nso tumi twa wɔn de. ɛwɔ mu sɛ eyi de adwuma brɛ ɔmanfo, ne titiriw adɛpamfo ne wɔn a wɔtɔn ntama de nanso ɛde ka bɛtɔ abusuafo no so.

ɛnne yi, ayiase ntama ho hia nnipa binom sen wɔn mma sukuu fiisi ne nhoma a wɔde besua ade. Afei ayiase afade a ɛnne ɔmanfo ne abusua de ye ayi no, mma ayi nnye awerehow bio. Mmom ayɛ sɛ ntama, mpaboa ne ti nwi ho oyikyere (hena na ne kaba ne ne siliiti ye fɛ, hena na ne ti nwi „style“ ye fɛ) na abusuafo ne ɔmanfo kɔ. Sika a ɔde bedidi no na ɔde akɔtɔ ntama. ɛnam eyi so ma mmɔfra bebree sukuukɔ asɛe esiane ayiase

afade a abusuafo fa ne ne mpempenso a abedu (onipa no mpe animguase) enne nti. Enam eyi so ama won a woye ntama no nso ama ayiase ntama bo aye den sen ntaare nkae no efise bo biara a wode beto ntama no so no, onipa no beto akoye ayi no.

Tete no na anka birisi ne kobene no se obi behye no dodow a, na ayi aba fie nanso enne ntama tuntum ne kokoo aye nea omanfo hye gye won ani. Enne dwomtowo dodow no ara na woye ntaare tuntum de to won nnwom wo asoredan mu. Enam eyi so ma birisi ntama a ne su no kyere se esum adu obi no ente saa bio efise abeye ntama a obiara hye ko baabi a ope.

Fundaka: Fundaka bo aye den sen asaase mpo. Ebi bo hye ase fi Ghana sidi mpem anan (GhC 4, 000) kosi sidi mpem aduanan (GhC 40, 000). Ebi mpo wo ho a wokra fundaka no fi amanonne. Eyi da nkyen a, abusuafo pere se wobeto adaka a ne bo ye den na eye fe nso de asie won dehye no na ama abusua no agye din wo kuro a wowo so no mu.

Nnipa binom nso afa ho renya sika pii bere a abusua rehwere won agyapade. Kapentafo tumi de dua anaa ahwehwe ye fundaka ahorow bebre. Wotumi ye funnaka yi bi te se; mpaboa, asoredan, bodobodo, baaboro ne nea ekeka ho. Nnaka no bi mpo wo ho a, wobubu see no ansa na wode ahye fam asie owufo no efise abusuafo no suro se ebia na akoromfo akotu akoton. Fundaka a woye no saa kwan yi nyinaa so no ye ka a ebada abusua no so. So abusua no nim se wobese adaka no ansa na wode ahye fam a, aden nti na woboka kotoko na womfa sika no nhwe abusuafo binom a wontumi nhwe won mma?

Fundaka Soafo: Tete no na omanfo a wowo abusua no nkutoo mu na esoa amu ko amusie. Enne de woye da atete nnipa a wosa de gye sika wo ayi ase. Saa nnipa yi tete Nkran ne nkurow akese mu. Mpen pii no, woye ataare koro (won afade ye koro ebi ye

kootu ne kyew). Abusuafo binom tumi kohan asraafo anaa polisifo ma wobedi dwuma no. Wotumi bo ka fi Ghana sidi mpem abien (GhC 2000) de ko Ghana sidi mpem abiesa (GhC 3000) wo nnipa a wabesoa adaka no ho. Eyi da nkyen a, wasan ma saa nnipa yi aduan ne nsa na eto mmere bi mpo a ese se abusua no kohan ahohogyebea ma won da na ade kye a wasan atoa won adwuma so.

Bio, hyen a wode amu to mu (ambulance) nso gye Ghana sika a ne bo som sidi apem (GhC 1000) ko sidi mpem anan (GhC 4000). Eyi nyinaa de ka beto abusua, mma ne okunafo no so.

Damoa: Tete no na ofie mmerante anaa boron so mmerante na na wobo nna a na eka biara nni mu. Enne yi, wohan nnipa ma wakobo nna no na abusua no atua won ka. Bio, tete no na wosie obi a mfe du (10) akyi koraa wotumi kosie onipa (owufo) foforo wo saa beae koro ho ara, eno nti na wobo asaase ho ban yiye.

Enne yi, abusuafo de „tiles“, semente ne „terrazzo“ na ehweye damoa. Onipa a oye „tiles“ anaa „terrazo“ no gye sika na nea obeye owufo no mfonu afam „tiles“ anaa „terrazo“ no so nso gye sika. Eyi nyinaa ye ka a abusua no bo. Yehwe senea dwumadi yi reko so nne a ebeye kakra no asaase ho beye den ma anhwɛ a yenya baabi nsie amu mpo.

Enne amusie tɛw ara na ɛretɛw na asaase a wode ye kua no reye ketewa. Eɔa adi pefee se ebeye kakara no asaase a wode beye kua no beye ketewa na enam so ma aduan ho beye den na ɛde akom nso na ebɛba oman yi mu anaa omanfo so. Enne yi, abusuafo beye damoa awie no na ka a wabɔ beye Ghana sidi mpem du (GhC 10,000). Abusuafo binom mpo tumi si dan wo damoa no so nanso tete no na abusuafo de mankani nhwɛn na esi damoa no so de hye won dehye no damoa nso.

Agoru ahorow a Abusua fa: Tete no na borɔn a onipa no wɔ so agoru na na wodi wɔ ayiase. Afei nso, na mpanyimfo nkutoo na wɔkɔ ayiase nanso esiane agoru a ɛba ayiase ɛnne nti, mmofra dodow no ara a ebi ye asukuufo tumi kɔ ayiase kogye wɔn ani. Ɛnam eyi so ma mmofra sua ɔbrabɔne bi te se nsanom, mperewanyinsem, nnurubɔne nom ne nea ekeka ho (obi tumi saw wɔ ayiase kosi anadwo). Tete no se ayi ba a na awerehow kese na aba nanso esiane agoru ahorow a epue wɔ ayiase ɛnne nti, ɛmma ayi no nye awerehow bio mmom anigye ne ahosepe na ɛba fie. Sika a abusuafo de behwe ahiafo ne mmofra a ehia mmoa wɔ abusua no mu no na wɔde ne nyinaa akɔhye ayiye mu.

Ɛnne abusuafo redi nnawɔtwe a wɔfa agoru, wɔdeda amu no a wɔfa agoru, wɔreye ayi no ankasa a wɔfa agoru. Ebinom tumi fa agoru abien anaa nea ɛboro saa. Agofomma biara a abusua befa wɔn no, wotua wɔn ka, ma wɔn aduan ne nsa nso. Eyi da nkyen a abusuafo tumi san bɔ ka kɔhan ahɔhogyebea ma wɔn da na wɔatumi atoa wɔn adwuma so. Eyi nyinaa de ka beto abusua no so.

Aduan ne nsa: Tete no na wɔde bese ne nsafufu na eye ayi nanso ɛnne abusuafo bɔ ka noa aduan ahorow de som ahɔhow ne kuromma nyinaa. Abusuafo bi tumi kɔfa nnipa a wonim aduan noa yiye ma wɔbenoa aduan de som ahɔho wɔ ayi da no. Abusua bi nso tumi bɔ ka ye „serve yourself“ ma ɔmanfo bedidi gye wɔn ani a ebinom mpo mmɔ nsawa. Eyi da nkyen a abusua bi tumi ma aduan anɔpa, awia ne anwummere na Kwasida nso wɔanoa anɔpa ne awia aduan ama ahɔhow. Nnipa bi tumi bɔ ka wɔ aduan ho fi Ghana sidi mpem anum (Gh¢ 5000) de kosi sidi mpem aduonu (Gh¢ 20, 000). Eyi nyinaa ye ka a abusua bɔ wɔ ayiye ho a ɛto mmere bi a wonya so mfaso.

Ne korakora no, se yehwe sika a yede hye ayiye mu fi da a onipa no awu, yede no behye firiigy mu, adi ne nnawɔtwe da, akoyi no, abededa asie no na wɔasan aye n'ayi a,

eyɛ sika bebree. Eyi nti ayi ba fie a, na ɛka aba. Ebinom tumi si ofi foforo ansa na wɔayɛ wɔn dehye no ayi. Abusua bi nso tumi siesie ɔdan dedaw ho ma eyɛ te sɛ foforo ansa na wɔayɛ ayi no. Abusuafo nam ayi so tumi hwere sika ne agyapade bebree. Sika a wɔde beboa abusua ne ahiafo no na wɔahwere ne nyinaa wɔ ayiyɛ ho.

Sɛ yɛde ɛka a ɛnnɛ ayiyɛ de bɛto abusua, mma ne okunafo so to nkyɛn a, ɔhaw foforo a ɛnnɛ ayiyɛ ho nsunsuanso tumi de ba no bi ne owu, yare, dɛmdi, awomawu, dammɔ ne nea ɛkeka ho. Yare ahorow aba a nnipa ntumi nhu ne farebae. Ebi ne Ebola. Bere a wokosie obi no, kaa nkwanhyia tumi sisi ma nnipa binom tumi fa so di dɛm, apemfo tumi fa so pompɔn. Eyi nti mede m^aadwenkyɛre ato gua wɔ ɔfa a ɛto so anum mu. Makyɛre kwan a yebetumi afa so ama ayiyɛ ho ka aba fam koraa.

Mpensempesemu a ɛwɔ ase ha yi gyina nsemmisa a ɛto so abiesa wɔ ɔfa 1.4 no mu so.

4.3 Ayiyɛ Daakye

Kyerɛw Kronkron aka se, ebedu bere bi no ɔpɛ mmere bɛdan osuto bere na afei nso ɛbɛto mmere bi no obi renko obi ayi ase efisɛ bere a obi reyɛ n^aabusuani bi ayi no, ɔrennya bere nko ne yɔnko de. Seisei nso kyɛrɛw kronkron nsem a ɔkae no, saa ara na ɛresisi.

Tete no sɛ obi wu wɔ abusua bi mu a, wɔn a wonim na wɔn a wonnim owufo no nyinaa tumi su no ne titiriw mmea mpanyimfo a wɔne owufo no te baabi faako nanso ɛnnɛ ente saa. Abusuafo a wɔn dehye ato binom wɔ ho mpo a wɔpɛ a, na wosu.

Bio, tete no na sɛ ɔmanfo ko ayiase a, wɔtena ho kɔpem sɛ wobetu apɔn nanso ɛnnɛ ente saa. Nkurofo nnwuma a wɔyɛ nti wɔba ayiase a, wɔnkyɛ. ɛnnɛ onipa biako tumi

kɔ ayi anum (5) anaa asia (6) ase dakoro pɛ. Sɛ yɛhwɛ nneyɛɛ a afi ase yi a, daakye nnipa rensee bere wɔ ayiase bio.

Nea ebetumi asi daakye bio nso ne sɛ, nnipa binom a wɔwɔ sika begye ayi ayɛ. Ɛne sɛ, sɛ yɛhwɛ senea Ɛnne ɔmanfo ani gye ayiyɛ ho kɔbɔ bosea beyɛ ayi a, daakye biara wɔn a wɔwɔ sika tumi bɔ bosea begye ayi no ayɛ anya ho mfaso.

Ɛnne yi, obiara pɛ sɛ ɔtɔ asaase si dan wɔ so, yɛ agyapade gyaw n'abusua ne ne mma. Eyi nti ama asaase ho ayɛ den. Amusie mpo ɛnne nnipa binom atotɔ hɔ nsaase nyinaa asisi dan wɔ so. Esiane sɛ nsaase afi ase reyɛ den ɛnne nti, ebinom nso atotɔ nsaase yi bi agye ho ban ato hɔ a wosie wɔ abusuafo wɔ so. Eyi kyere sɛ daakye biara nsaase ho beyɛ den na ɛnam so ma ɔmanfo behyew wɔn amu wɔ ofi a wɔtete mu esiane sɛ wɔrennya asaase nsie wɔn adehye wɔ so.

Ɛnne yi, ayiyɛ ho ka bɔ bebree nti etumi san mmɔfra. Kyere sɛ, bere a abɔfra bi repe sika akɔ sukuu no abusua anaa awofɔ tumi ka kyere abɔfra no sɛ sika nni hɔ nanso sɛ ayi ba fie a, awofɔ no benya sika akɔtɔ ntama a abusua retwa sɛ mpo bosea na ɛbɔkɔ akɔpɛ a, ɔbɛkɔ. Eyi nti daakye mmofra dodow no ara na wɔn nhomasua bɛka akyi anaa ɛbesee koraa.

Mpanyimfo buu be bi sɛ: „Abusua dɔ funu“ a, wɔmmaa, efise ɛnne nnipa ani gye sɛ wɔbɛkɔ ayi sen sɛ wɔbɛkɔ ayeforohyia ase. Sɛ Memeneda du na wohwɛ nnipa a egyina sitehyen repe hyen akɔ ayi a, wɔdɔɔso yiye na ahokeka ne ahoboaboa a wɔyɛ de kɔ no ma wuhu sɛ nnipa ani gye ayiyɛ ho ɛnne pa ara.

4.4 Muabɔ

Ɔfa yi akasa afa dwumadi yi mpensempensemu ho. Emu na yɛahu kwan a tete no na Akwamufɔ fa so yɛ wɔn ayi ne nsakrae ahorow a abewurawura ayiye no mu. Yɛahu kwan a tete no na wɔfa so siesie amu ho ne ne nneda ne sɛnea ɛnne nso wodi dwuma no fa. Afei yɛahu sɛ kan no na wɔde amu to mpa mu nanso ɛnne abusua bi tumi ma wɔde wɔn amu no tena ase, tweri hɔ, kotow hɔ, gyina hɔ ne nea ɛkeka ho. Bio, ada adi wɔ ɔfa yi mu ne sɛ, ɛnne abusuafo binom deda wɔn amu wɔ ahwehwe mu. Yɛahu nso sɛ, ɛnne fundaka ahorow bebree na aba a abusuafo tɔ de sie wɔn dehye. Ebi yɛ nea wɔde ahwehwe nkutoo na ayɛ. Ebi nso yɛ nea wɔde dua ayɛ a wɔagyina adwuma anaa dekode a onipa no pɛ pa so ayɛ ho fundaka.

Eyi da nkyɛn a, yɛahu sɛ ɛnne mmusua bɔ ka wɔ ayiye mu pa ara. Ntama ahorow pii na abusuafo (mma, nsewnom, wɔfaasenom, anuanom) twa de yɛ wɔn ayi. Yehuu sɛ abusuafo tumi twa ayi ntama beyɛ abien de kɔ ne mmiensa so yɛ ayi biako. Afei „take away“ ne „serve yourself“ nso ɛnne ɛkɔ so pa ara wɔ ayi ase. Agorukuw bi te sɛ „live band“ ne „brass band“ nso nyɛ na wɔ ɛnne ayiase koraa.

Yehuu bio sɛ abusuafo bɔ ka kɔyɛ damena ahorow ma wɔn adehye. Afei yɛahu sɛ ɛnne adabɔw si wɔ Akwamuman mu no asesa kyere sɛ nneema a wɔde bɛkyere wɔ gua mu no asesa koraa. Bio ɛnne akɔyɛ nyɛ nso sɛ abusua biara di wɔn dehye a wato nnawɔtwe.

Ne korakora no, ɔfa yi akyerɛkyere nsunsuanso a nsakrae a aba ayiye wɔ Akwamuman mu de aba abusua, mma ne okunafo so. Ɛno da nkyɛn a, dwumadi yi akasa afa nea daakye biara ebetumi asi wɔ ayiye mu. Ɔfa a etoa so no kasa fa dwumadi yi tɔfabɔ ne adwenkyere ho

ƆFA ANUM

AWIEI: MUABO NE ADWENKYERE

5.0 Nnianim

Ɔfa yi de dwumadi yi muabo ne adwenkyere to gua. Ede atifisem titire a ako so wo dwumadi yi mu nyinaa to gua. Makyɛ Ɔfa yi mu abien, dwumadi yi nyinaa muabo ne adwenkyere ahorow a mewo fa dwumadi yi ho.

5.1 Nea edaa adi wo Nhwewemu yi mu

Me nhwewemu yi mu no, edaa adi se nsakrae ahorow pii na aba Akwamufo ayiye mu. Ebi ye nsakrae a aba amanne a woye wo ayiye mu na ebi nso ye dwumadi a ako so wo ayiye no ase. Edaa adi se nnawotweda a enne mmusua di no, wode pe sika to ho a wode beye ayi no enti wontaa nnye nnuan senea anka kan ete no. Afei abusua a wowo sika tumi twa ayi ntama, ye nnuan ahorow, nom nsa, bo dwom gye won ani san kye ade. Enne nnawotweda dwumadi a ako so no te se senea woreye ayi no ankasa. Afei saa bere no, wode owufo no mfon besigua no mfinimfini de nhwiren gugu ho. Nea edaa adi bio wo nhwewemu yi mu fa nnawotweda ho ne se, abusuafo redi saa da yi a, woye owufo no mfoni kese biako fam kuro a owo mu na wotumi nso de bi fam ofi a ote mu. Nnawotweda a abusua ahyia aye ayi no ho ntotoe nyinaa awie no, ansa na wobesan akoye owufo no mfon nketewa de afemfam kuro a owo mu ne mmeae mmeae ahorow pii.

Dwumadi yi asan ada no adi bio se, amu ho asiesie ne ne nneda nye mmerewa ne nkwakora dwumadi bio mmom, mmerante ne mmabaawa. Nea ada adi wo amu nneda mu ne se, abusua a wowo sika anaa abusuafo binom wo amanone taa deda won amu wo

„glass“ mu. Eyi abeyɛ dwumadi a wɔtaa yɛ de hyɛ owufo no, sɛ ɛyɛ wɔn agya anaa ɛna aninuonyam. Afei ada adi bio sɛ, wɔredada amu ɛnnɛ a, wɔn a wɔdeda no tumi de funu no gyina hɔ, tena ase, tweri hɔ ne nea ɛkeka ho a ne nyinaa gyina sɛnea abusua no pɛ so.

Ɛsan daa adi wɔ nhwehwɛmu yi mu sɛ, abusua a ade atɔ wɔn ani twa ntama ahorow yɛ wɔn ayi. Abusua tumi twa wɔn ntama, mma twa wɔn de, nananom, nsewnom ne anuanom nyinaa twa wɔn ntama.

Dwumadi yi san daa no adi sɛ, fundaka ahorow pii na aba a abusua tɔ de sie wɔn dehye. Kapentafo tumi gyina dwuma a owufo no di, biribi a ɔpɛ pa ara ne nea ɛkeka ho so yɛ fundaka ma abusua bɛtɔ de sie wɔn dehye. Yehui sɛ, fundaka no bi tumi yɛ mpaboa, kookoo, subonto, brodo, ɛhyɛn, nam, kamera, asɔredan, wimhyɛn, nsatoa, aborobɛ, tuo ne ahorow pii.

Afei ɛsan daa adi wɔ dwumadi yi mu sɛ nnipa binom afa ɔkwan foforo so a wɔsoa fundaka de kɔ amusie. Saa nkurofo yi yɛ mmɛrante a wɔn honam sisi wɔn honam so a wɔsoa fundaka no de saw yi nkonyaa ahorow wɔ ayiase ansa na wɔde amu no asi amusie kwan so. Yehui sɛ wonni dwuma no kɛkɛ mmom wɔkɔ fundaka no ho a, wɔbɔ mpae san sɛ amu no wɔ dwuma a wɔde no rebedi ho. Eyi da nkyɛn a, ɛhyɛn ahorow pii nso wɔ ho a abusua no kɔfa de wɔn amu to mu kɔ amusie. Abusua a wonni sika a wɔde bɛkɔ akɔfa ɛhyɛn a wɔde amu to mu kɔ amusie no, wɔfa ɛhyɛn biara a wɔn ho besɔ so de no (amu) to mu kɔ.

Bio ɛsan daa adi wɔ dwumadi yi mu sɛ, mpɛn pii no abusua a biribi wɔ wɔn nsam no rekɔfa wɔn amu fi mɔkyere aba a, wɔde ahyɛn di hyɛn a amu no da mu anim gye no taataa ba fie. Afei wɔde amu no reba a wotwa „vidio“. Dwumadi biako nso a ɛdaa adi wɔ

nhwehwemu yi mu ne se, ayiye biara a ekɔ so wɔ Akwamuman mu no, wotwa „vidio“ ne mfonɩ fa dwumadi biara ebɔkɔ so wɔ ayi no ase.

Agorukuw ahorow pii na aba a abusua tumi kɔfa wɔn begyegye anuanom ne adɔfo ani wɔ ayi no ase. Agorukuw yi bi ne „live band“, kete, adowa ne „brass band“. Abusua bi tumi fa agorukuw abien ne abiɛsa ba ayi no ase. Yehui se „brass band“ no taa di amu no anim fi mɔkyere ba fie. Yehui bio se, wɔn a wogoru kete ne adowa no ntaa nhye mpaboa na wofura ntama na edi wɔn dwuma no.

Nea ɛsan daa adi wɔ nhwehwemu yi mu ne se, nsakrae ahorow pii na aba adabɔw si mu. Nneema ahorow pii wɔ hɔ a wɔde ka nneema a wɔde kɔkyere wɔ guam no ho. Afei wɔhyehye nneema no wɔ bokiti mu. Afei nnipa binom nso ahyehye nneema yi bi a wɔde fem nkurɔfo ye wɔn ayi gye sika.

Bio, aduan ne akyede a ekɔ so wɔ ayiye ase akɔye biribi a akɔye Akwamufɔ ne Akanfo nyinaa amanne. Eɔdaa adi wɔ nhwehwemu yi mu se, abusua bi tumi ye aduan (serve yourself) ne akyede ahorow pii. Wɔn a wɔwɔ sika no (mpɛn pii wɔn a abusuafo no bi wɔ amanɔne) wotumi ye „serve yourself“ Memeneda ne Kwasida nyinaa. Afei akyede ahorow pii na wɔye de owufo no mfonɩ fam so kye ɔmanfo.

Dwumadi yi ada no adi se, kunaye amanne a wɔye ma mmea no nkɔ so bio esiane nyamesom, nhomasua ne nneema ahorow pii nti. Yehui nso se tete no na mmea a wɔkɔ awo tɔ anaa apemfo wu a, wɔnye wɔn ayi papa biara nanso nhwehwemu yi ada no adi se ente saa nne. Wɔye ayi pa ma mmea a ekɔ saa tebea yi mu senea wɔye ma akorankore biara a watɔ. Afei ada adi wɔ nhwenhwemu yi mu se, senea anka ahemfo ayiye te no, ɛnye hu saa nne bio. Afei senea anka wɔbɔ ahemfo wu ho dawuru no nne ente saa, wɔmfa

nsuma nkye bio. Afei nnipa a wokum de ka ahemfo ho sie wɔn no, nhwehwemu yi ada no adi se nne enkɔ so bio, mmom mmoa na wɔde wɔn ye saa amanne no.

Dwumadi yi ada no adi se nsunsuanso papa ne bɔne nyinaa na nsakrae a aba ayiye mu de aba Akwamufɔ so. Nsunsuanso papa yi bi ne se, aboa ma ebinom anya adwuma reye na asan de ɔhaw abetoto mmusuafo binom so a ama asan mmɔfra binom sukuu mpo.

Ne korakora no nhwehwemu yi ada no adi se, daakye biara ɔmanfo a ewɔ sika betɔ ayi aye anya eso mfaso. Afei daakye nsaase ho a ebeye den nti ɔmanfo besie wɔn amu wɔ ofi a wɔtete mu. Afei yehui se daakye biara ɔmanfo behyew wɔn amu na ebinom nso betotɔ nsaase ato hɔ de asie wɔn amu nea ekeka ho.

5.2 Adwenkyere

Ayiye wɔ ɔman Ghana mu abeye dwumadi bi a nne ɔmanfo ani gye ho pa ara. Nna abiesa a efi Fida kosi Kwasida na Akanfo abusua biara de si hɔ ye ayi. Nnipa binom nso tumi tu kwan kɔ kwan tenten kodi nna yi hwe se abusua a ade atɔ wɔn ani no besom wɔn senea yen amammere te no.

So ɔkwan foforo bi wɔ hɔ a atasefo betumi afa so akae abusuafo ne adɔfo a wɔawu anaa eye bere a ɔmanfo pe se wogyina so gye wɔn ani wɔ akwannuasa nyinaa so? Adɔfo a wokogyam abusua a ade atɔ wɔn ani no hwehwe se wɔbeye ayi a ebi nsii da nanso wɔnnwen ɔkwan a abusua no befa so atua ka a ebɛba ayiye no ho. Enam eyi so ma nne eka twitwiridii na etumi beda abusua so. Bere adu a ese se eka beberee a abusua bɔ wɔ ayiye ho no yetwa so.

M^aadwen mu no ɔkwan foforo wɔ hɔ a yebetumi afa so de sika a yetow gu wɔ ayiye mu no aye. Eyi bi ne se, yebetumi de sika yi bi akɔboa wɔn a wohia mmoa na yede

bi nso ahwe abusuafo binom a wonni sika mma sukuu. Eyi da nkyen a, yebetumi de sika yi bi asisi adan ahan de dwetire a ebefi mu aba aboa afoforo mmom enye fundaka akese, nnuan (serve yourself), nsa ahorow, twa ntama/to ntaare foforo ne nea ekeka ho na ehia.

Ghanafo dodow no ara na wogye Kristosom di. Eno nti merebisa se: aden nti na asore mpanyimfo nhwe nka eyi ho asem? Eye ampa nso se Kristosom kasa tia aguamammɔ, anibere, nsanom ne adidi mmoroso nanso eyi ye nneyee a ne dodow no ara ko so bere a ayi aba abusua bi mu.

Se Akristofo gyedi ne se onipa wu a ne kra ko soro de a, aden nti na wobɔ ka ye fundaka a esom bo na ne bo nso ye den sie won adehye? Enne asore ahorow bi wo ho a wɔabra ntama foforo a abusua twa ye ayi wo Ghana nkuro bi so. Ohene a wo Nkwayeso a abra wo kuro no mu se mma abusua biara ntwanta ntama foforo nye ayi. Afei nso wahye se mma abusua biara nnye aduan mmekeye wo guam ayi da no. Wasan ahye wo kuro no mu se, esiane se abusua no nye aduan nti, mmarima bo nsawa sidi num (Gh¢ 5.00) na mmea nso bo nsawa sidi abien (Gh¢ 2.00). Obiara nni ho kwan se wo nsawa wo gua no mu ma eboro sika a watwa ato ho no. Se obi kobɔ nsawa ma eboro saa ntwamma yi so a, wobɔ no ka. Mmom obi pe se wo nsawa kese a, gye se ode koma obusuani no wo fie.

Migye midi se, se Amanhene a aka wo oman Ghana mu de won nan si fam ye nhyehye a Nkwayeso Manhene aye yi bi a, ebeboa atew ka a nne emene abusua wo ayiye mu no so.

Mpanyimfo se, se wo were fi wo kurom hene aben a, woyera wo aguabo ase eno nti yenhwe na yenkae se oman Ghana wo amammere na senea ebeye na daakye bi nkyirimma begyina yen amammere ne amanne so agye oman yi asi ho nti, misusuw se yen nsan nkɔfa yen tete kwan a na yefa so sie amu.

Enye biribiara na mitumi de too gua me nhwehwemu yi mu enti senea ebeye na nimdee a efa Akanfo ayiye ho betumi ako anim nti, misusuw se animdefo a woye nhwehwemu fa Akanfo amammerɛ ho no nnane won ani mmehwe dwumadi yi na womfa nea mantumi amfa anto gua no mpue.

5.3 Muabo

Ofa yi ahwe dwumadi yi muabo na ede adwenkyere a nhwehwemuni no susuw wo ayiye ho wo Akwamuman ne oman Ghana nyinaa ato gua. Ede atifisem titire a ada adi wo dwumadi yi mu nyinaa muabo nso ato gua.



NHOMA MINYAA MU MMOA

- Achana, D. (1993). *The Artistic Aspect of Funeral Performance in the Kasena-Nankana Area*. B. A. Thesis (Unpublished). University of Education, Winneba.
- Adizie, S.E.K. (1993). *The Involvement of Art in the Funeral Celebration of the Somey Traditional Area*. B. A Thesis (Unpublished). University of Education, Winneba.
- Adu-Gyamfi, P. (2010). *Observable Artistic Changes in the Funerals of Adanse Traditional Area*. M.Phil Thesis (Unpublished). Kwame Nkrumah University of Science and Technology, Kumasi.
- Agyekum, A. B. (2015). *A short history of Akwamu*. Accra. Pace Setters Press.
- Agyei-Sakyi, D. (2016). *Nkitahodi Muduru a Akanfo Ntoma din wɔ*. M-phil Thesis (Unpublished). University of Education, Winneba.
- Amponsah, K. (1975). *Topics on West Africa Traditional Religion*. Cape Coast: Mfansteman Press Ltd.
- Asamoah-Hassan, H.R. (n.d). *Widowhood Practices among the Akans of Ghana: Yesterday and Today*. Unpublished
- Asuquo, O. O. (2011). A Rationalization of an African Concept of Life, Death and the Hereafter. *American Journal of Social and Management Sciences*. 2 (1), 171-175.
- Baloyi, L. J. (n.d). *The African Conception of Death: A Cultural Implication*. Pretoria, South Africa: University of South Africa.
- Bonsu, M. A. (1993). *Sankɔfa- Akanfo Amammerɛ bi*. B. A Thesis (Unpublished). Kwame Nkrumah University of Science and Technology, Kumasi.
- Bujo, B. (1998). *The Ethical Dimension of Community: The African Model and the Dialogue between North and South*. Nairobi, Kenya: Pauline Publications Africa.
- Dawson, D. (2002). *Practical Research Methods: A User Friendly Guide to Mastering Research Techniques and Projects*: London:United Kingdom. How to Book Ltd.
- Fosu, A. (2000). *Funeral Celebration by Akans*. Unpublished.
- Ghansah, E. W. (2012). *Encounters Between Christianity and African Traditional Religions in Fante Funeral Practices*. MPhil Thesis (Unpublished) University of Oslo, Norway
- Hackett, R.I.J. (1989). *Religion In Calabar*. New York: Mouron De Gruyter.
- Idowu, E. B. (1962). *Olodumare God in Yoruba Belief*. London:Longman Group.
- Kobi, Yaw. (2010). *Amammerɛ Fie*. Accra, New Town: Mighty Winners Publication.

- King, L. M. (2013). In Discourse –Towards a Pan-African Psychology: Drum rolls for a Psychology of Emancipation. *Journal of Black Psychology*, 39, 223-231.
- Koranteng, E. O. (1975). *Osabarima*. Bureau of Ghanaian Languages: Accra, Ghana.
- Kothari, C.R. (2004). *Research Methodology. Methods and Techniques (2nd ed)*. New Delhi. New Age International Ltd, Daryaganji.
- Mbiti, J. S. (1969). *African Religions and Philosophies*. Oxford, United Kingdom: Heinemann Educational.
- Mbiti, J. S. (1975). *Introduction to African Religion*. London: Whitestable Litho Ltd.
- Oduyoye, M. A. (1995). *Daughters of Anowa: African Women and Patriarchy*. Maryknol, New York: Orbis Books.
- Onyewuchi, O. B. (n.d). Death and Dying in the African Context. *Journal for Literary and Artistic African-American Themes*.
- Opoku, K. A. (1978). *West African Traditional Religion*. Lagos: F.E. P.
- Opoku, A. A. (1973). *Obi Kyere*. Accra: Ghana Publishing Corporation.
- Osei-Mensah, A. (1999). Women's Role in the Mourning Rituals of the Akans of Ghana. *Ethnology*, 38, (3), 257-271.
- Prempeh, A. A. (2009). *Akanfo Amammere*. Asafo-Kumasi: Alpha and Omega Printing Press.
- Ramose, M. B (2002a). *African Philosophy though Ubuntu*. Harare, Zimbabwe: Mond Books Publishers.
- Rattray, R. S. (1972). *Religious and Art in Ashanti*. Oxford: Claredon Press.
- Shino, W. (1997). Death and Rituals Among the Luo in South Nyanza. *African Study Monographs*, 18 (3, 4): 213-228.
- Van der Geest, S. (2006). Between Death and Funeral: Mortuaries and the Exploitation of Liminality in Kwawu, Ghana. *Africa* 74, (4), 32-62.

NKEKAHO A

Asaase Mfoni a ekyerε Mantam a Akwamufo wε

Asaase Mfoni 1




Beae a efi: www.Google Maps World Gazetteer & Google Route Planner.html

NKEKAHO B

Asaase Mfoni a ɛkyerɛ Mmeae a meyɛɛ Nhwehwɛmu no wɔ



Asaase Mfoni 2




Baabi a asaase mfonɛ yi fi: Geography Department; *Remote Sensing and GIS Laboratory*,
University of Ghana, legon.

NKEKAHO D

AYIYE HO DAWUBO HO NHOMA



Dwumadi no Nhyehyɛ wɔ Asɔredan mu



Okunu Adansedi wɔ ne Yere ho



Mma Adansedi wɔ wɔn Maame ho




Mma nenanom Adansedi wɔ wɔn Nana bea ho



Owufo no Mfoni a ɔne Nnipa binom twae wɔ ne Dwumadi bi a ɔkɔɔ ase



Nsewnom Adansedi fa wɔn Asew bea ho



Nsewnom Mfoni

**TRIBUTE BY THE
THE WOMEN'S
FELLOWSHIP**
AKRDE EBENEZER PRESBYTERIAN CHURCH

ɔho ne ɔho me ye wofam ha.
Ma asaseɔ nɛnɛn nabi.
Me nni ɔho me ye de tu ha kwan; n'
ɔsoro ho nɛnɛn ɔho ma mahome sann.
ɔhaw ɔbrɛnɛnɛnɛnɛn mamahomesann.
Presby hymn Book P.H.B. 791

Yɛnnuabea Rebecca Owusubedomye nkuwɛɛ
1980. Mere kasayimfɛ 36 mu ni
yɛnnuabeayiye ofotufɔ.

Se e base ye ye oyikyeraanyi ne homimukokraa.
ɔbeyɛ ye ye protocol anase kuwano boa boafɔ.
Esiaseɔ ye ye ɔfotufontɔ ɔkakyɛrɛ kummima se
yɛntɔtsnɛnɛn mabi a Chobehiaye: nnadaakyeaboa
yɛn Nea ɔtaakakyɛrɛ kumpamyimfɔ ne
se moakɔsraoyi? Mo de oyinkayɛn ho de nso
mom ma ye nko sranɔ. Onuabeayiye obiara a
ɔtwetweakra ma kristoesiane ne afotusem


a esegyae ma enka. Nti ɔno na ɔma yeɛ
information anase nse m fi Radio so ne ɔman
no mu.

se out kwannase okaohubribi a gyese ɔbeka
kyere yɛn ne fitriw wɔ asɔre mu.
se wotwan wɔ ne ne fi nase wankyianoa ɔno
be fi: won a wakyiawɔ.


Onuabea Rebecca ye oyamyefɔ, obummɔbo
nsoseyɛ baku wnasɛ wɔ fi: din a nea ɔde
gye so ne se, nnuuae hɔkɔɔ sankanambɛ
mmebusɛn 7:15-1 onuabea ye nwerɛ
remfiwodaa: newafotugyae ma enka.

Nmea adamfofɛkwɛwɔ se wɔ ma wɔ
Nantewyie. Awurademfawonsienkosise yɛn
nsobeabekawɔ ho. AMEN

Ebenezer Basere Asɔre Mmaakuw Adansedi wɔ owufo no ho




Ebenezer Basere Asore Adansedi wo owufo no ho



Asoredwom a wode di dwuma wo owufo no Awufosom bere



Nnipa binom a owufo no ne won twaa mfonɔ bere a ɔte ase





Awufosom nhoma no akyi